




LIBRARY OF THE  
UNIVERSITY OF ILLINOIS  
AT URBANA-CHAMPAIGN

Emblems  
096.1  
B469i  
1580

Rare Book & Special  
Collections Library









1<sup>re</sup> édition -  
traduction française en 1881.

Digitized by the Internet Archive  
in 2009 with funding from  
University of Illinois Urbana-Champaign

# I C O N E S.

*id est*

## VERAE IMAGINES

### VIRORVM DOCTRINA SIMVL


ET PIETATE ILLVSTRIVM, QVORVM PRÆ-  
cipuè ministerio partim bonarum literarum studia  
sunt restituta, partim vera Religio in variis orbis Chri-  
stiani regionibus, nostra patrùmque memòria fuit in-  
staurata; additis eorundem vitæ & operæ descriptio-  
nibus, quibus adiectæ sunt nonnullæ picturæ quas  
EMBLEMATA vocant.

*Theodoro Beza Auctore.*



CENEVÆ,  
APVD IOANNEM LAONIVM.

M. D. LXXX.  
N.





SERENISSIMO PER DEI  
GRATIAM SCOTIÆ REGI  
IACOBO EIVS NOMINIS SEXTO,  
THEODORVS BEZA GRATIAM AC  
PACEM A DOMINO.



*V*IRTUTEM laudari boni omnes libentiſſimè, nemo, niſi malus audit inuitus. Itaque ſicut Regiæ tuæ Maieſtati boniſque omnibus non iniucundum, ita ſolis malis diſpliciturum hunc meum laborem ſpero, quo præcipuæ virtutis, id eſt veræ pietatis, non amicos modo & fautores, ſed etiam conciliatores, ſi non pro rei & perſonarum dignitate, (quis enim hoc præſtiterit?) at certè pro viribus laudare conſtitui. Quiſquis autem ex aduerſo, non quidem inſtitutum hoc meum reprehenderit, ſed impietatis potius damnandos exiſtimauerit, quos ego ceu pietatis magiſtros celebro, errore ſanè ſuo fruitor, niſi ampliari iudicii hac de re diem ſuſtinere malit. Sed erunt fortæſſis ex noſtris nonnulli, qui præteritas imagines vel eam ob cauſam mallent, ne aduerſariis, quos idololatriæ accuſamus, calumnian- di occaſio præbeatur. Iſtis verò illud ipſum reſpondeo, quod minimè ignorant, neque picturam videlicet, neque calatu- ram, ceteraſve artes eiufmodi, per ſe reprehendi, quarum

## E P I S T O L A.

*multiplicem esse vtilitatem constet. Certè si viua vox audientes magnopere afficit, nemo merito inficietur, quum non nisi præsentes audiamus, plurimum etiam ipsorum hominum cōspectu nos commoueri, adeò quidem vt magnos viros etiam tacentes reuereamur. Quid igitur vetat quominus sicut scripturæ beneficio doctos & pios homines, quāuis mortuos, quasi nobiscū adhuc loquentes audimus, ita quoque ex veris illorū imaginibus quos studiose viuos obseruauimus, hoc cōsequamur vt eos ipsos adhuc intueri & amplecti videamur? Quod si qui vel in colendis viuis modū non tenent, vel mortuorū imagines temerè & contra Dei mandatum in sacris locis collocatas tandem etiam superstitiosè, atque adeò impiè venerantur, atque adeò suas mutas imagines libros esse idiotarum nugantur, quid hoc ad nos, qui nedum vt tale quicquam admittamus, Christianorum quoque templa diligenter ab his sordibus repurgamus? Ne quidem certè testari possum tantorum hominum non modò libros legentem, sed etiam expressos vultus intuentem, haud multò aliter affici, & ad sanctas cogitationes impelli, quàm si coram adhuc ipsos docentes, admonentes, increpantes his oculis aspicerem. Hanc igitur causam habui cur istas (non omnium quidem, quod iusta fortasse reprehensione non careret, sed præstantissimorum, & quidem mortuorum dūtaxat, ne viuis adulatus videar) imagines partim iam nactus, partim adhuc nancisci sperans, vacuo nondum repertis spatii relicto, alteras, addita breui singulorum vitæ ac studiorum descriptione, edendas putarem. In his autem digerendis hunc sum ordinem sequutus, vt Centium & Ecclesiarum, in quibus floruerūt, seruata distinctione,*



## E P I S T O L A.

Etione, ipsis & doctis eorum παροιστάταις, utpote quorum mi-  
 nisterio nostra patrūque memoria Ecclesiæ bonæque literæ  
 sunt instaurata, primum hunc locum tribuerim: altero Regi-  
 bus, Principibus, & ciuitatum Magistratibus, Ecclesiæ nutri-  
 tiis, militaribus denique fortissimis viris seruato, qui pro tuen-  
 da vera religione sanguinem etiam profuderunt. Horum au-  
 tem recensioem quum differre me plurimæ grauissimæ cau-  
 sæ cogant, vehementer interim eos rogo quibus hic meus la-  
 bor non displicebit, ut missis saltem eorum veris Iconibus, quos  
 hanc laudem mereri existimauerint, adiuuare meum hunc  
 conatum non grauentur. Quod autem iis quos nunc comme-  
 moro, nonnullos in ipso præsertim Galliæ vestibulo adiunxi,  
 quorum nonnulli pietatem ipsam, non tamen certa (ut arbi-  
 tror) improbitate, sed ignorantia oppugnarunt, alii religio-  
 nem cum populo colere quàm suæ conscientiæ rationem habere  
 quantam oportuit maluerunt, nullus ut spero indignabi-  
 tur, qui mei cōsiliī causā ex ipsis eorū elogiis cognouerit. Sub-  
 iunxi præterea EMBLEMATA quadraginta & quatuor,  
 quæ, quod graues & pias sentētiās complectantur, eruditis le-  
 ctoribus non ingrata fore mihi persuasi. Sunt autē, opinor, sic  
 appellata, quod imagines eiusmodi sententiōsæ opere tessel-  
 lato parietibus aut vasis inferi consueuerint. Ceterū  
 cur Regia tuæ Maiestati meum hunc qualemcunque  
 laborem audeam consecrare, iustissimam, ni fallor, causam  
 habui. Quum enim te cōstet ab ipsa pueritia, diuino quodam  
 impulsu (adscitis etiā eruditissimis illarū doctōribus, D. Geor-  
 gio Buchanano, quem mihi liceat omnis liberalioris eruditio-  
 nis ac præsertim poëtices parentem appellare, & D. Petro

## E P I S T O L A.

*Iunio, eximia quoque doctrina prædito) linguarum & bonarum artium studia tanta mentis contentione tantoque successu amplexum, ut, fauente Deo, veterum illorum, tum rebus fortiter gestis tum etiam eruditione clarissimorum Regum memoriam nostro seculo renouaturus videre: atque adeo illos propemodum omnes in eo superaturus, quod te verae pietatis, quæ illis plerisque defuit, studiosissimum re ipsa in primis ostendas: cui tandem existimauerim gratiorem fore virorum & doctrina & pietate præstantissimorum commendationem? Ad hæc & illud accedit quod quum Christi regnum quanto maximo animi ardore fieri potest apud Scotos tuos promoueas, usque adeo ut ad extremas usque terras huius tuæ singularis pietatis fama permanarit, sit autem huius Christi regni pars etiam aliqua Geneuensis hæc Ecclesia, putavi mei esse officii memetipsum tuis populis aggregare, & gratam communis tanti beneficii memoriæ Regiæ tuæ Maiestati qua possem ratione testificari. Præterea (quod citra inuidiam dictum sit) quum, per Dei gratiam, hæc Ecclesia partem sibi vendiceret non pœnitendam beneficii in Scotiæ regnum, maximorum virorum D. Ioannis Cnoci Scoti & D. Christophori Gudmani Angli ministerio collati: & peculiari quodam communis non modo confessionis, verum etiam Ecclesiasticæ & traçias vinculo videri possint Ecclesiæ Scoticæ cum Geneuensi cõiunctæ: sic quoque mutuam hanc in Christo connexionem testari, ac veluti sancire, consilio minimè, ut arbitror, reprehendendo studeui. Quid plura? quum ad Gallicæ usque gentis ministros Geneuæ non ita pridem, Religionis causa, exulantes, Scotica-  
rum*

## EPISTOLA.


rum Ecclesiarum beneficentia redundarit, & hanc scholam non pauci Scoti multis modis exornarint, veluti Henricus ille Scrimgerus, eruditissimus apud nos iuris civilis professor, intempestiva nobis morte sublatuſ: Andreas Melvinus nostri non ita pridem, nūc autē vestri gymnaſii ſingulare ōrnamen- tum: inſignis denique generis adoleſcens Georgius Keytus ab illuſtri patre Scotici regni Mareſcallo, ad nos uſque ſtudioſū cauſa miſſus: ac nunc quoque regiæ familie iuuenem Domi- num Franciſcum Stuardum, Illuſtrem Comitem à Botuel, ſin- gulare nobis in tenera ætate maximarū virtutum exemplum præbentem cernamus, quānam iſtam non referendorū quidem, ſed agnoſcendorum beneficiorum occaſionem prætermiſſem? Accipe igitur, Sereniſſime Rex, munus hoc meū, per exiguū quidē illud, ſi quidquid in eo meum eſt ſpectetur, ſed pulcher- rorum exemplorum plenum, quibus utinam, fruſtra repu- gnante Satana, Scoticum tuum regnum magis ac magis flo- rere atque redundare conſpicias. Faxit, inquam, Rex ille Re- gum, ut quæ Regiæ tuæ Maiestati maximarum virtu- tum ſemina tam liberaliter infudit, feliciffimè tecum adole- ſcant, & quam de te expectationem in orbe toto Chriſtiano concitaſti, non modo ſuſtineas, ſed etiam longè latèque ſupe- res. Genevæ Cal. Martii, Anno vltimi temporis C I D.  
I D. L X X X.

*[The page contains faint, illegible handwriting, likely bleed-through from the reverse side.]*

五、六、七、八



ANTESIGNANI PATRVM  
MEMORIA INSTAVRANDI CHRI-  
STIANISMI MARTYRES, EX DI-  
VERSISSIMIS ORBIS TERRA-  
RVM REGIONIBVS, ANGLIA,  
BOHEMIA, ITALIA, DIVINITVS  
SELECTI.



IOANNES  
WICLEFVS  
ANGLVS, IN A-  
CADEMIA OXONI-  
ENSI THEOLO-  
GIE PRO-  
FESSOR.

I. WICLEF.





## IOANNES WICLEFVS.

**S**IT hoc tuum in primis verum & immortale decus, Anglia, quâuis à te postea cōmaculatum, quòd Ioānem Wiclefum edideris, primum ausum, post multa secula, Romanæ meretrici securè inebriatis Europæ regibus illudenti, bellū palam indicere: idque tanto successu, vt iam tum vulnus gladio verbi diuini abs te vibrato inflictum acceperit, quod, vt ad tempus sanatum videri potuerit, semper tamē recruduit, ac tandem lethale, Dei beneficio, euasit. Supererat tanto athletæ martyrii corona, quam viuo frustra expetitam quadragesimo demum post mortem anno crematis ossibus tuis es adeptus, hoc vel vno scelere Antichristo sibi ipsi quidem perpetuam crudelitatis notam inurente, tibi vero tanto maius decus conciliante.

*Floruit anno Domini, CIO. CCC. LXXII.*

*Obiit post varia certamina CIO. CCC.*

*LXXXVII.*

*Cremata sunt eius ossa Oxonia, anno Domini*

*CIO. CCCC. X.*

A. ij.

IOANNES HVSSVS.






IOANNES HVSSVS BOHEMVS.  
IN ACADEMIA PRAGENSI THEOLOGVS.

**V**IGILIS anseris hoc (enim patria Bohemorum lingua cognomētum illud sonat) minimè obstreperum, sed suauissimum, ac planè tempestiuum clāgorem! quo cœlitus potius quàm ex terra sonante, veteri nosi tot seculis Christiani sunt excitati, non vt, anserum Capitolinorum exemplo, Tarpeia rupes aduersus inuafores seruaretur, sed contra vt immanis prædo ex illa eadem arce, partim astu, partim vi occupata, in Christianum orbem diu grassatus, deturbaretur. Vt autem illum idem iste perfidè correptum vstularit, quid aliud tamen efficit, quàm quòd tum sibi ipsi, tum aliis suis mancipiis indelebilem perfidiæ notam inussit, tu vero, Hussè, quasi ex cauea in cœlum emissus ingrata terra relicta euolasti? Quin etiam (dictu mirabile) tot illos qui & iam tum sunt auditi, & nunc adhuc audiuntur, olores tibi succincentes, cur nò meritò velut ex fœcundissimis tuis phœnicis potius, quàm anseris, cineribus (quod etiam diceris iam iam moriturus prædixisse) enatos dixerimus?

*Creatus est viuis, violata publica fide Constantiæ ex pseudo-synodi decreto, anno Domini*  
*CIO. CCCC. XV. VI Iulij.*



HIERONYMVS  
BOHEMVS  
PRAGENSIS.



## HIERONYMVS BOHEMVS PRAGENSIS.

**Q**UONIAM PORTEBAT scilicet coniuratos diuinæ veritatis hostes, duobus minimū testibus conuinci, vt nihil haberent quod obstinatissimæ improbitati, ne corā hominibus quidem, possent prætexere: & par erat fortes & constantes in eodem certamine socios, pari quoque vel potius eodem triumpho nobilitari. Sequutus es igitur, Hieronyme, Ioannem tuum, à quo ne morte quidem diutius diuidi sustinuisti. Qui verò fueris & qualem te ipsum in extremo præsertim certamine, in quo posita est victoria, præstiteris, æquum est vt ex teste minimè omnium fidei suspectæ audiamus, ex quo iudices iniquissimi fuisse qui te damnarunt coarguantur.

---

EX EPISTOLA POGII FLORENTINI  
ad Leonardum Aretinum, Constantiæ scripta, eadem die qua  
Hieronymus Pragensis crematus est, nempe IIII Calendas Iu-  
nias, CIO. CCCC. XVI. altero post Ioannem Hussum anno.

**Q**UONIAM VVM multa in hunc Hieronymū congesta essent quibus arguebatur hæresis, atque ea testibus firmata: tandem placuit vt publicè singulis, quæ sibi obiiciebantur responderet. Ita in concionem deductus, quum iuberetur ad illa respōdere, diutius recusauit, asserens se debere prius causam suā agere, quàm respōdere maledictis aduersariorum. Ita se prius pro se dicentem audiendum esse asseuerabat, tandem ad æmulorum suorum probra in se congesta deueniendum.

SED quū hæc cōditio sibi denegaretur, tū stans in medio concionis: quænam est hæc iniquitas, inquit, vt quū CCC. XL diebus, quibus in durissimis carceribus fui

in fordibus, in squalore, in stercore, in compedibus, in rerum omnium inopia, aduersarios atque obrectatores meos semper audieritis, me vnā horam audire nolitis: hinc est, vt dum illis singulorum aures patuerunt, atque in tam longo tempore vobis persuaferunt me hæreticum, hostem fidei, Ecclesiasticorum persecutorem, mihi autem me defendendi nulla datur facultas, vos me prius improbum hominem iudicaueritis in mentibus vestris, quā qui forē potueritis cōgnoscere. Atqui, inquit, homines non dii estis, non perpetui, sed mortales: labi, errare, falli, decipi, seduci potestis. Hic mūdi lumina, hic orbis terrarum sapientiores esse dicuntur: maxime vos decet elaborare nequid temerē, nequid inconsultē, neue quid præter iustitiam faciatis. Equidem ego homuncio sum, cuius de capite agitur: nec pro me hæc loquor qui mortalis existo: verū indignum mihi videtur sapiētia, aliquid tot viros aduersum me statuere præter æquitatem, non tam re, quā exemplo nociturum.

Hæc & multa præterea ornatē differebat, strepitu & murmure plurimorum sermonem eius interpellante. Tandem decretum est, vt primū ad errores, qui in eum conferebantur, responderet: deinde loquendi quæ vellet, daretur facultas. Legebantur igitur ex pulpito singula capita accusationis, deinde testimoniis cōfirmabantur: tum rogabatur an quid vellet obiicere. Incredibile dictū, quā callidē responderet, quibus se tueretur argumentis. Nihil vnquam protulit indignum bono viro, vt si id in fide sentiebat, quod verbis profitebatur, nulla in eum nedum mortis causa inueniri iusta posset, sed ne quidem leuissimæ offensionis. Omnia esse falsa dicebat, omnia crimina conficta ab æmulis suis.

INTER cetera quum recitaretur illum sedis Apostolicæ detractorem, oppugnatorem Romani Pontificis, Cardinalium hostem, persecutorem Prælatorum & Cleri, Christianæ religionis inimicum: tum surgens  
quare-



9  
quarebunda voce, & manibus porrectis: quò nunc me  
vertam, inquit, patres cõscripti? quorum auxiliũ implo  
rẽ? quos deprecẽ? quos obtestẽ? Vosne? At isti persecu  
tores mei vestras mentes à mea salute abalienauerunt  
quum vniuersorũ hostem me esse dixerũt, eorum præ  
cipuẽ qui me sunt iudicaturi. nẽpe arbitrati sunt, si etiã  
quæ in me finxerunt, leuia viderentur, tamen vos ve  
stris sententiis oppressuros communem omniũ hostem  
atque oppugnatorem, qualem me isti falsissimẽ mentiti  
sunt. Ita si eorum verbis fidem dabitis, nihil est quod de  
mea salute sperandum sit. Multos salibus perstrinxit,  
multos lædoriis, multos persepe in re mœsta ridere coẽ  
git, iocando in illorum obiurgationes.

QVVM rogaretur quid sentiret de Sacramẽto, inquit  
antea panem, postea verum CHRISTI corpus, & reli  
qua secundũ fidem. Tum quidam, aiunt te dixisse  
post consecrationem remanere panem. Tum ille: apud  
pistorem, inquit, panis remanet. Cuidam ex ordine  
prædicatorum acrius inuehẽti: Tace, inquit, hypocrita.  
Alij per conscientiam suam contra se iuranti, hæc, in  
quit, tutissima est ad fallendũ via. Quendam præcipuum  
aduersarium, nunquam nisi canem aut asinum appella  
uit. Quum verò propter criminũ multitudinem ac pon  
dus, res eo die transigi nequiret, in diem tertium est di  
lata. Qua die cum singulorum criminum argumenta  
recitata essent, ac subinde plurimis testibus adfirmaren  
tur, tũ surgens ille: Quoniam, inquit, aduersarios meos  
tam diligenter audistis, conueniens est vt me quoque  
dicentem æquis animis audiatis. Data tandem est, licet  
multis perstreptibus, ei facultas dicendi.

Hic primũ à Deo exorsus, deprecatus est eam sibi  
mentem dari, eam dicendi facultatem, quæ in commo  
dum ac salutem animæ suæ verteretur. Deinde, scio,  
inquit, R.D. plures fuisse excellẽtissimos viros, indigna  
suis virtutibus perpeffos, falsis oppressos testibus, ini

quissimis iudiciis condemnatos. Incipiens autē à Socra-  
te, quē iniustē à suis cōdemnatū retulit, nec, quum pos-  
set, euadere voluisse, vt duorum quē asperrima homini-  
bus viderentur, metū demeret, carceris scilicet & mor-  
tis. Tum Platonis captiuitatē, Anaxagoræ fugam, ac Ze-  
nonis tormenta: multo rumpræterea gentilium iniquas  
damnationes, Rupilii exiliū, Boetii simul & aliorū, quos  
ipse Boetius refert, indignam mortem commemorauit.

DEINDE ad Hebræorum exempla transiit. Et pri-  
mum Moſen illum liberatorem populi & legumlator-  
em sæpiſſimē à suis calumniatum eſſe dixit, tanquam  
ſeduc̃tor eſſet aut contemptor populi. Ioseph inſuper à  
fratribus venditum ob inuidiam, poſt, ob ſtupri ſuſpi-  
cionem, in vincula coniectum recenſuit. Præter hos E-  
ſaiam, Daniele, & fermē Prophetas omnes tanquam  
contemptores Dei, tanquā ſeditioſos, iniquis circum-  
uentos ſentētiis. Hinc etiam Suſannæ iudiciū ſubiecit:  
multorum præterea, qui quum viri ſanctiſſimi extitiſ-  
ſent, iniuſtis tamen ſententiis perierūt. Poſtea ad Ioan-  
nem Baptiſtam, deinde ad Saluatorem noſtrum deſcen-  
dens, falſis testimoniis condemnatos inquit omnibus  
conſtare: deinde Stephanum à ſacerdotum collegio in-  
terfectum, Apoſtolos autem omnes mortis damnatos,  
non tanquam bonos, ſed vt ſeditioſos populorum con-  
citatores, contemptores deorum, & malorum operum  
effectores. Hæc diſertē & magna cum omnium atten-  
tione diſſeruit.

ATQUE quum omne pondus cauſæ in teſtibus ſitum  
eſſet, multis rationibus docuit nullam his teſtibus fidem  
adhibēdam, præſertim quum non ex veritate, ſed ex o-  
dio ac maleuolentia & inuidia omnia dixiſſent. Tum  
odii cauſas ita explicuit, vt haud procul abſuerit à per-  
ſuadendo: ita erant veriſimiles, vt (excepta fidei cauſa)  
parua illis testimoniis fides adhibita eſſet. Commotæ e-  
rant omnium mentes, & ad miſericordiam fleſcebantur.

tur.

tur. Addiderat enim se sponte ad concilium venisse, ad se purgandum & vitam suam, & studia exposuerat officiorum plena ac virtutum. Dixerat hunc morem priscis doctissimis viris ac sanctissimis fuisse, vt in rebus fidei sententiis discreparent, non ad perfundendam fidem, sed ad veritatem reperiendam. Ita Augustinum & Hieronymum dissensisse, nec solum diuersa sensisse, sed etiam contraria, nulla hæresis suspicione.

EXPECTABANT autem omnes, vt semel se purgaret retractando obiecta, vel erratorum veniam postulareret. At ille nec se errasse asseuerans, nec se retractare aliorum falsa crimina velle ostendens, tandem descendit in laudem Ioannis Husli ad ignem damnati, virum illum bonum, iustum & sanctum appellans, & illa morte indignum: se quoque paratum quoduis supplicium adire forti animo & constanti, seque inimicis suis cedere & testibus impudenter mentientibus, qui tamen aliquando coram Deo, quem fallere nõ potuerint, essent rationem eorum quæ dixissent reddituri. Magnus erat circumstantium animi dolor: cupiebant enim virum tam egregium saluari, si bona mens adfuisset. Ille autem in sententia sua perseuerans, vltro mortem appetere videbatur, laudansque Ioannem Hussum, ait, Nihil illum aduersus Ecclesiæ Dei statum sensisse, sed aduersus abusum Clericorum, aduersus superbiam, fastum ac pompam Prælatorum. Nam quum Ecclesiarum patrimonia primò deberentur pauperibus, tum hospitibus, deinde ecclesiarum fabricis, indignum illi bono videri, dispendi illa meretricibus, conuiuiis, equorum ac canum saginæ, cultui vestimentorum, & aliis rebus indignis religione Christi.

Hic autem maximi ingenii fuit. Quum interrumpetur sæpius oratio sua variis rumoribus, laceffereturque à nonnullis sententias eius carpentibus, neminem eorum intactum reliquit, pariterque omnes vlsif-

scens, vel erubescere coëgit, vel tacere. Surgente murmure silebat, turbam quandoque increpans, postea orationem persequabatur, orans atque obtestans, vt se loqui paterentur quẽ non essent amplius audituri. Nunquam ad hos rumores expauit, mente firma atque intrepida.

ILLVD verò fuit admirabile memoriæ argumentum. CCC. XL. diebus fuerat in fundo turris foetidæ atque obscuræ, cuius asperitatem ipsemet quæstus est, asserens se, vt fortem & bonũ virum decet, non propterea ingemiscere quòd indigna perpessus esset, sed mirari aduersus se inhumanitatem. Quo in loco, nedum legendi, sed ne videndi quidem habuit facultatem. Mitto anxietatem mentis, qua oportuit quotidie illum agitari, quæ omnem memoriam excutere debuisset. Tamen cum tot doctissimos & sapientissimos viros in testes suarum opinionum allegaret, tot doctores ecclesiasticos in medium protulit in sententiam suam, vt satis superque fuisset si toto hoc tempore, summo in otio, summa in quiete, sapientiæ studiis operam dedisset. Vox eius suavis, aperta, resonans erat, quadam cum dignitate: gestus oratorius, vel ad indignationem exprimendam, vel ad commouendam commiserationem, quam tamen nec postulabat, nec consequi cupiebat. Stabat impavidus, intrepidus, mortem non contemnens solum, sed appetens, vt alterum Catonem dixisses. O virum dignum memoria hominum sempiterna! Non laudo, si quid aduersus instituta Ecclesiæ sentiebat: doctrinam admiror, plurimorum rerum scientiam, eloquentiam, dicendi suauitatem, argutiam respondendi. Sed vereor, ne hæc omnia in pestem suam sibi à natura fuerint concessa.

DATVM deinde spacium penitendi biduò. Multi ad illum accessere viri eruditissimi, vt ipsum à sententia sua dimouerent, inter quos Cardinalis Florētinus eum adiit,

adiit, vt flecteret ad viam rectam. Sed quum pertinacius in erroribus perseveraret, per concilium hæresis damnatus, & igni combustus est. Iucunda fronte & alacri vultu ad exitum suum accessit: non ignem expavit, non tormenti genus, non mortis. Nullus vnquam Stoicorum fuit tam constanti animo, tamque forti, mortem perpeffus, quàm iste appetiisse videtur. Quum venisset ad locum mortis, seipsum vestimentis exuit. Tum procumbens flexis genibus veneratus est palum, ad quem post ligatus fuit: primum funibus madentibus, tum catthena nudus ad palum constrictus fuit: ligna deinde circumposita, pectus tenus non minuscule, sed grossa, paleis interiectis. Quum flamma adhibita fuit canere cœpit hymnum quendam, quem fumus & ignis vix interrupit. Hoc maximum constantis animi signum, quum licitor ignem post tergum (ne id videret) iniicere vellet: huc inquit, accede, & in conspectu accende ignem. Si enim illum timuisssem, nunquam ad hunc locum, quem fugiendi facultas erat, accessissem. Hoc modo vir (præter fidem) egregius cõsumptus est. Vidi hunc exitum, singulos actus perspexi. Siue perfidia, siue pertinacia hoc egerit, certè ex Philosophiæ schola interitum viri descripsisses.

HIERONYMVS SAVONAROLA.







HIERONYMVS SAVONAROLA  
ITALVS FLORENTINVS, CONCIO-  
NATOR, EX DOMINICANORVM  
ORDINE.

**Q**Uis verò non miretur tam miseris temporibus  
tantam in homine cucullato, & quidem sub Do-  
minici, professi iam olim piorum hostis, nomine, pieta-  
tem tanto cum zelo coniunctam, quanta hæc in te, Hie-  
ronyme Sauonarola, extitisse plurima tua scripta testan-  
tur? Sed & ipsa mors tibi laudatissimæ vitæ estimon-  
ium tribuit, teque faciliè ab obiectis criminibus falsis-  
simis absoluit: siquidem homini tam perditè scelerato  
quàm fuit Alexander ille Borgia, Romanus eius nomi-  
nis Pontifex VI, vsque adedò displicuisse, vt non nisi te  
indignissimè damnato & cremato quiescere potuerit,  
maximum esse videtur singularis tuæ pietatis argumen-  
tum, quam meritò postea Marcus Antonius Flaminius,  
excellentissimus poëta, versibus istis optimis cele-  
brauit.

*Dum fera flamma tuos, Hieronyme, pascitur artus,  
Religio sanctas dilaniata comas,  
Fleuit, & ô, dixit, crudeles parcite flammæ,  
Parcite, sunt isto viscera nostra rogo.*


*Strangulatus est ac postea crematus Florentiæ,  
postulatu Pontificis Alexandri VI, maxi-  
mo cum bonorum ciuium luctu, anno Domini*

*CIO. CCCC. XCVIII.*





PRAECIPVA CHRISTIANISMI,  
NOSTRA PATRVMQVE MEMORIA,  
INTER GERMANOS INSTAVRATI  
ORGANA.




IOANNES REVCHLINVS,  
SIVE CAPNIO, GER-  
MANVS PFORT-  
ZENSIS.

17

---

IOANNES REUCHLINVS.  
SIVE CAPNIO, GERMANVS. PFORTZENSIS.


ONTICVERAT integro penè seculo Pietas ad Constantiensis synodi perfidiam ac crudelitatem obstupescita, quanquam aliquot subinde martyribus illam minimè interiisse frustra in medio flammarum supplicio sonore clamitantibus, quum Pfortza, Marchionatus Badensis ciuitate, prodiens Ioannes cognomèto Reuchlinus, (quem græcè Capnionè, latinè Fumeum possis vocare) incredibili cum successu hebreæ linguæ studia iampridem consopita, coniunctis etiam græcis literis, excitauit: nèpe vt ex ipsis deinceps fontibus veritatem haurire posteris liceret. Istis verò tam Ecclesiæ necessariis, quàm superstitioni tunc grafsanti exitialibus conatibus sese tenebriones sophistæ, (Colonienses videlicet, Hocstrato quodam duce, Martæologi, huius fumi vi, tãquã alter Cacus ex antris suis exciti) mox tanta contentione opposuerunt, vt Romam vsque, ad Leonem decimum, tunc Pontificem, bonis literis non inimicum, causæ cognitio sit delata. Hic verò quis futurum credidisset, vt, eo sedente Iudice in quem potissimùm hoc telum torquebatur, vinceret veritas? Vicit tamen, damnatisque, Pontificis ipsius iudicio, sophistis, Capnio, & quamuis non claro prorsus igne, fumo tamen edito. qui superiorum temporum caliginem discuteret, sequuturæ mox limpidissimæ pietatis flammæ viam præmonstrauit. Hic enim ille est ex cuius auditorio nominatim, præter innumeros alios minus celebres, Oecolampadius, Pellicanus, Munsterus prodierunt.

*Obiit in patria magnis auctus honoribus, anno  
Domini 1518. cuius ἔτος Erasmus pos-  
tea magnopere propterea Sophistis inuisus  
elegantissimè descripsit.*

## DESIDERIVS ERASMVVS.



# DESyderivs ERASmvs. BATAVVS, ROTERODAMVS.

ESIDERIVM Erasmi Roterodamum quantumvis inexhausta ingenij vbertas, pari dicendi facultate, ad summæ gloriæ fastigium nostra memoria euexerit, mihi tamen quædam religio fuit vel in huius sacrarij limine collocare, vt qui suum quoddam, vt in plerisque, ita in religionis etiam negotio, iudicium sequutus, & superstitiones ridendo carpere contentus, res ipsas vsque adeò, vel per se vel ab aliis discere recusarit, vt pessimæ quoque causæ patrociniū suscepit. Quum tamen illi tantum bonæ literæ renascentes, quantum alij ætatis illius nemini debeant, age, locus etiam illi in hoc vestibulo, & quidem hoc addito elogio tribuatur.

*Ingens ingentem quem personat orbis Erasmus*

*Hæc tibi dimidium, picta tabella refert.*

*At cur non totum? mirari desine, lector,*

*Integra nam tantum terra nec ipsa capit.*

In eundem.

Ἡ μισοῦ τῆ παντὸς πλῶν εἰς Ἀσχαῖον ἔειπεν,

Ἡ μισοῦ δ' ὥς οἶμαι τὸ λοιστάμενον.

*Obiit Basileæ IIII. Idus Iulii, anno Domini  
C19. CCCCC. XXXVI. annum  
agens septuagesimum.*

## MARTINVS LVTERVS,







MARTINVS LVTERVS.  
GERMANVS ISLEBIVS, ANTICHRISTI ROMANI FLAGELLVM, WITTEBERGENSIS ECCLESIAE PASTOR.

**H**OC vultu fuit Martinus ille Luterus, Islebij in Mansfeldensium Comitum ditone natus, ore toto diuinitus afflatam animi magnitudinem, ipsamque adeo pietatem, cum singulari zelo coniunctam testans: Euangelicæ lucis flammæ, è densissimis tenebris sensim proferendæ, præco à Deo Opt. Max. humani generis miserto excitatus, & quidem (dictu mirabile) ex media Satanæ sentina, pseudomonachorum videlicet Augustinianorum cœnobio, ad repurgandum Dei templum euocatus, eo ipso Antichristo occasionem ei præbente, quem arrepto verbi Dei flagello erat ex occupata Christi domo profligaturus: quem non Cæsares, non Reges, non fulmina ex arce Tarpeia vibrata, non ullæ innumerabilium Sophistarum phalanges, vel tantillum terruerunt: cuius denique laboribus Ecclesia instaurata, quantum à multis seculis vix cui quam debet, plura tamen debitura, si tantum in omnibus illum moderationis ac scientiæ retinere, quantum zeli vehementioris diuinitus ipsi concessum erat, peccata hominum, & discipulorum quorûdam turbulentum ingenium permissent: cui nos carmen hoc triumphale cecinimus:

(Roma -

Roma orbem domuit, Romam sibi Papa subegit,  
 Viribus illa suis, fraudibus iste suis.  
 Quanto isto maior Luterus maior, & illa,  
 Istum illamque uno qui domuit calamo?  
 I nunc, Alcidem memorato, Gracia mendax,  
 Luteri ad calamum ferrea claua nihil.

Obiit placidè anno Domini C I D. CCCCC.  
X L V I. Februarii die X V I I, annum vitæ  
 agens L X I I I, quum anno ætatis X X X I I I I,  
 qui fuit annus Domini C I D. CCCCC.  
X V I I, Ecclesiam Christi cœpisset repurgare.



D. j.

## PHILIPPVS MELANCHTHON.





PHILIPPVS MELANCHTHON,  
GERMANVS BRETTENSIS, THEOLO-  
GIÆ ET BONARVM OMNIVM ARTIVM  
DOCTOR WITTEBERGÆ.

**Q**VIS te verò, Philippe Melanchthon, Martino Lu-  
tero diuinitus succenturiatum, pro dignitate  
celebrauerit, singulare nostri seculi ornamentum: utpote  
summam & eruditionis in omni disciplinarum ge-  
nere, & tū in dicēdo ac scribendo perspicuitatis, tum in  
docendo candoris laudem omnium eruditiorum con-  
sensu, consequutum? pietate, vitæ innocentia, ac in pri-  
mis incomparabilis modestiæ exemplo, non modò cæ-  
teris, verum etiam teipso superiorē? quē denique odit  
nemo nisi omnium odio dignissimus. Scilicet hoc tuis  
laudibus vnum deorat, ut ingrati discipuli nonnulli,  
qui te viuum pene adorant, mortuum incesserēt: ad-  
mirabili certē Dei prouidentia, ne quos ipsi sibi com-  
menti sunt teterrimos errōres, ex te, communi quādiu  
vixisti omnium ferē gentium doctore, didicisse viderē-  
tur. At nos contra, vel ipsa crepante inuidia, venerandā  
memoriam tuam sic iuuerit celebrasse.

*Et tu igitur tandem tumuli sub mole repostus,*

*Die ô Philippe, nunc iaces:*

*Et quam inuidisti viuus tibi tute quietem,*

*Cunctis quietem dum paras,*

*Ipsa tibi cura & sancti peperere labores,*

*Charum ô bonis cunctis caput.*

*At tu funde rosas, funde isti lilia tellus,  
 Ut lilia inter & rosas,  
 Quo nil candidius fuit & nil suavius unquam,  
 Recubet Melanchthon molliter.  
 Et grauis huic ut sis caueas, iuuenisve, senexve,  
 Qui nemini vixit grauis.*

*Obiit Wittebergæ annos XLII Theolo-  
 giam bonâsq; artes summa cum fide & e-  
 ruditione & incredibili cum fructu professus,  
 anno Domini 1560. Aprilis die XIX,  
 quum annos vitæ LXIII & dies totidem  
 vixisset.*

## HISTORICAL PHOTOGRAPH



GEORGIUS ANHALTINVS,







# GEORGIUS ANHALTINVS ASCANIÆ PRINCEPS.

**G**EORGIVM illustrissimis Germaniæ principibus, familia antiquissime nobilitatis prognatū, nemo Theologis miretur annumerari, quum hoc ipse viuus sanctissimo zelo affectarit. Sit igitur hoc tanti Principis singulare & rarissimi à multis seculis exēpli decus, quod & optimi principis & diligentissimi pastoris munus obiit, vt felices illius subditi haberēt, quem & in terris dominum agnoscerent, & vt ducem in cælum præeuntem sequerentur. Neque verò tam angustis limitibus cōtineri tot tātaque virtutes potuerūt. Itaque & vicinæ & longius remotæ Ecclesiæ in tanti viri consiliis, quædam etiam in eius autoritate acquieuerunt, patēte ipsius domo bonis piisque omnibus, ac præsertim magno illi Philippo Melanchthoni, quem turbulētissimis illis Germanici ciuilibus belli tempestatibus cōseruatum debemus. Singulari denique omnium virtutum exemplum pius hic Princeps suppeditauit, quod vtinam pauculos saltem inueniat imitatores, qui videlicet eo sint iudicio præditi, vt quod extructum volunt, ipsimet ab Ecclesiarum vastatoribus decepti non euertāt. Salue tu verò Anhaltina nobilissima domus, adiunctūque tibi splendidissimum istud decus perpetuis seculis tuetur.

*Obiit felicissima morte annum agens vitæ duntaxat XLVI, XV Cal. Nouembris, anno Domini CIO. IO. LIII.*

IOANNES BVGENHAGIVS PO-  
meranus, Ecclef. Viteberg. Paſtor.



*Quo doctore fidem profitetur Dania Christi:  
Ieſſæ Citharæ laus Pomeranus eram.*

M. D. LII.



IOANNES BVGENHAGIVS.  
GERMANVS, POMERANVS.

**I**OANNEM Bugēhagium, ex monasterii quoque  
cloacis erutum Luterus in pastoris munere col-  
legam habuit, moribus quidem dissimilem, sed doctrina  
& vitæ instituto penitus concordem. Nam vt ille natu-  
ra vehemens & asper, ita iste mansuetus & moderatus  
est semper habitus, quod & ipsius scripta testantur: in  
quo fuit hoc quoque eximium, quòd ab ambitione &  
auaritia prorsus alienus, quum ad altiora sæpe inuita-  
retur, in illa sua sorte totos annos triginta quatuor, sum-  
ma tum fide tum diligentia vbique præstita, perseuera-  
uit, placidè tandem, quum annum septuagesimum ter-  
tium ageret, viribus corporis paulatim deficientibus,  
inter charissimorum fratrum manus, beata sui memo-  
ria relicta, defunctus.

IVSTVS IONAS

S. Theol. D.



*Mystes Iuris eram: sacrorum denique mysten,  
Iuris diuini sancta magistra, facit.*

M. D. LV.



IVSTVS IONAS, GERMANVS, SAXO, WITTEBERGENSIS ECCLESIAE PASTOR.

**I**VSTVM Ionam, iuris humani consultum, Theologia, iuris diuini magistrum, sibi commodissimum restituendam in Saxonia Ecclesiam, futurum adiutorem asseruit: in quo munere praestando, neque doctrinam neque prudentiam ipsi defuisse, vel illud ostendit, quod primis illis turbulentissimis instaurati Euangelii temporibus nihil insigne, nisi ipso conscio, & suas etiam partes agente, in Germania gestum fuit, vicinarum quoque Ecclesiarum, ac praesertim Hallensis Saxonicae inspectore: in cuius etiam veluti sinu Martinus Luterus animam exhalauit.

*Obiit autem in Ecclesia Eyssefeldensi, magni illius principis Electoris Ioannis Friderici filiorum in acerrimis illis tempestatibus constantissimus comes, annum agens vitae sexagesimum tertium, anno Domini* CIV. 13. LXV.

IOANNES FORSTERVS  
Hebræus Theologus.



*Patria sit quamvis Augusta & Sueuica tellus:  
Arguit Hebræum me sacra lingua magis.*

M. D. LVI.



IOANNES FORSTERV S.  
GERMANVS, AVGVSTANVS, HEBRAI-  
CÆ LINGVÆ IN WITTEBERGENSI  
ACADEMIA PROFESSOR.

**I**OANNEM Forsterū Augusta Windelicorū, Wit-  
tebergæ Saxonum, vel Ecclesiæ tori poti⁹ genuit,  
Hebraicæ linguæ professorem longè doctissimum, vt le-  
xicon eius linguæ ab ipso editum testatur: in quo sicut  
in ipsis rebus, sic etiam in vocibus non rarè cæcutiuisse  
Grāmaticos hebræos contendit, qua in re vt non omnes  
habeat adstipulatores, sic tamen ad linguam sacram ac-  
curati⁹ cognoscendam doctorum ingenia magnoperè  
exacuit, iisdem studiis, quibus contentus vixerat, feli-  
citer anno Domini CIO. ID. LVI immortalis.

CASPARVS CRVCIGER  
S. Th. D.



*Lipsia dat patriam: cathedram dat Leucoris alma,  
Ac tumulum: nomen crux inibi sancta Dei.*

M. D. XLIIX. I ij





GASPAR CRVCIGER. GER  
MANVS, LIPSIENSIS, ECCLESIASTES  
WITTEBERGENSIS.

**G**ASPARVM Crucigerum res ipsa demonstrauit  
fuisse Martino Lutero, in opere domini confici-  
endo, adiunctum: trium linguarum egregiè peritum, in-  
genio acré, & miræ, vt aiunt, in exscribendis illius enar-  
rationibus celeritatis: cuius etiam iudicio Luterus in  
Germanica Bibliorum trāslatione fertur plurimùm vt  
consueuisse. Fuit præterea physices, tum geometriæ,  
tum veræ illius Astronomiæ, atque adeò Medicinæ quo  
que mirificè studiosus, adeò vt nisi Theologiæ profes-  
sionem cæteris omnibus studiis sapiētissimè anteposuis-  
set, in singulis illis excellere potuisset meritò iudicetur.

*Obiit autem in sua statione Wittebergæ, corporis  
viribus tantum ingenium minimè adæquantibus,  
florente adhuc ætate, anno vitæ videlicet con-  
fecto quadragesimo quinto, anno autem à Chri-  
sto nato CD. IO. XLVIII. XVI.  
Novembris.*

40  
IOACHIMVS CAMERARIVS.




IOACHIMVS CAMERARIVS,  
GERMANVS, PABEMBERGENSIS, GRÆ-  
CÆ LINGVÆ ET PHILOSOPHIÆ PRO-  
FESSOR LIPSIAE.

**Q**UO plures eruditos homines Germania nostris  
tēporib' protulit, eò maior & illustrior est Ioachi-  
mi Camerarii gloria, qui honorata familia Pabemberga  
natus, quū literarum studia ceteris rebus anteposui-  
set, eò prouectus est eruditionis, vt, communi doctorū o-  
mnīū cōsēsu, peritiore linguæ Græcæ neminē, in latina  
verò lingua disertiores perpaucos, exactiorē autē nul-  
lum scriptorem habuerit Germania, sicut plurima ipsius  
monimenta testantur. Ad hanc autem in omnibus bonis  
disciplinis eruditionem accesserat pietas singularis, pru-  
dentia longo rerum vsu confirmata, quum etiam magno  
illi Philippo Melanchthoni id ipsum esset quod Atticus  
ille Ciceroni, tantum denique iuuādæ rei literariæ stu-  
dium, vt, spretis dignitatibus omnibus, quas aliō qui faci-  
lè suis virtutibus consequi potuisset, in nobilissimis Aca-  
demiis Wittebergēsi, Tubingenſi, Heidelbergēsi docen-  
do consumptis aliquot annis, Lipsiæ tādē positis sedi-  
bus, in extrema senectā fortiter idem munus obiens, lu-  
gētibus bonis piisq̃ue omnibus, & mox sequuturam re-  
rum commutationem præſagientibus, in Domino pla-  
cidè obdormiuerit: hoc quoque beneficium à Deo cōse-  
quutus, vt doctissimōs patriq̃ue simillimos liberos reli-  
querit. Nos autē hoc epigrāmate sumus illū prosequuti.

*Extinctis olim, Musa, flevistis alūnis,  
Et vitam vestra restituiſtis ope.  
Nos contrā vobis, Ioachimi in funere, Musa,  
Has miseri extinctis soluimus exequias.  
Namque omnes tecum, tecum, Ioachime, Camæna  
Ut vixere simul, sic periere simul.*

LIBRARY OF THE  
CAMBRIDGE  
UNIVERSITY PRESS  
1890




MATTHIAS PFARRERVS  
ET IACOBVS STVR-  
MIVS ARGENTI-  
NENSES PA-  
TRICII.

MAT. PFAR.

# MATTHIAS PFARRERVS ET IACOBVS STURMIVS ARGENTI- NENSES PATRICII.


**D**Vo illa non Argentinensis tantum reip. verum etiam totius Germaniae lumina, Matthiam Pfarrerum & Iacobum Sturmium, absit ut silentio praeteream: vtrunque literis politum, ingenio magno, prudentia singulari, pietate eximia, studio in iuuanda patria indefesso. Hi sunt igitur quorum praecipue hortatu Christianismus in vrbe citra tumultum initio instauratus, & schola illa celebris, adhibito in consilium doctissimo viro Ioanne Sturmio adhuc superstite, fuit constituta: quorum denique consiliis Argentinensis resp. tum domi sapientissime gubernata, tum foris fortissime citra vim armorum, Iacobi praesertim Sturmii facundia, defensa, difficillimis asperrimisque temporibus stetit: adeo quidem ut quemadmodum olim Cicero vnus eloquentiae vi Ligarium Iulio Caesari vel inuito reconciliauit, haud paulo aliter Sturmii Caesari Carolo armato & victori occurrentis eloquentia omnem illius iram infregisse merito censetur. Itaque Pfarrerum ciuitas minimè ingrata (quod antea nemini concessum fuerat) septies consulem creauit, & quamuis penè octuogenarium mortuum, tamen non secus quam intempestiue sibi creptum luxit: & Iacobum Sturmium aliquoties ciuitatis magistrum (qui summus est illius reip. magistratus) declaratum, ac licet Pfarrero aetate iuniorem, priorem tamen, anno vitae videlicet LXIII, qui fuit annus Domini CIO. IO. LV, mortuum, ut patriae patrem maximo cum mœrore sepeliuit. Istud tamen in Sturmio fortasse quispiam merito reprehenderit, quod in perpetuo coelibatu viuens, haeredem suorum virtutum patriae videri possit inuidisse. Sed quid si veritus est vetus illud & quidem re ipsa frequenter approbatum, Heroum filii noxae?





PETRVS BVFLERVS. GERMA-  
NVS, ISNENSIS.

**Q**UO rariores Petri huius Bufler i mercatoris, & quidem locupletis, virtutes fuerunt, eò digniores sunt quarum exemplum omnibus proponatur. Certarunt igitur in hoc homine cum diuitiis, honesta mercatura partis, propagandæ veræ pietatis studium incredibile, charitas vera, liberalitas lōgè maxima. Hic enim ille est qui Ambrosio Blaucero, domū suā perducto, Christianismi Isnæ instaurandi primus autor fuit: qui, Paulo Fagio suafore, officinam typographicā, accersitis etiā maximo sumptu doctissimis Iudæis, ad hebræos excudendos libros, nulla non modò lucri spe, sed etiam maximo dispēdio, Isnæ constituit: qui quum ex vicinis oppidis non paucis selectos adolescentes, quorum opera postea Ecclesiæ vterentur, Argentinam suis stipendiis erudiēdos misisset, Senatum Argētinensem sancta quadam æmulatione ad scholam illam nobilem instruendā erexit: cuius domus, vt Abrahami alterius, pauperibus semper patuit: cuius vxor vt altera Sara neque liberalitate, neque in suscipienda pauperum, præsertim ægrotantium inspectione marito cessit: qui denique in ipsa morte sui similis, bonorum suorum trientem piis vsibus consecrauit, hoc etiam à Domino consequutus, vt qui priorū hominum multorum vitam fouerat, diutissimè quoque, annos videlicet LXXVI, viueret, anno demum Domini CIO. IO. LI, anima illi perplacidè reddita cuius gloriam omnibus opibus anteposuerat viuus.



MATTHIAS ZELLIVS, GERMA-  
NVS, KEYSSERSPERGENSIS  
ARGENTINENSIS  
ECCLESIAE  
PASTOR.







MATTHIAS ZELLIVS. GER-  
MANVS, KEYSSERSPERGENSIS, AR-  
GENTINENSIS ECCLESIAE PASTOR.

**M**ATTHIAM quoque Zellium, Dei providentia ex  
Obscurissimis tenebris, Laurentiani videlicet tem-  
pli in Argentinensi ciuitate parochum, ad illam admi-  
rabilem Euangelii sui lucem euocauit: qui primus An-  
tichristianæ doctrinæ in vrbe frequentissima & episco-  
po suo addicta, palam, non sine magno vitæ discrimine,  
aduersatus, certare pri<sup>o</sup> non destitit quàm profligatis pla-  
nè superstitionibus, Ecclesia, Bucero & Hedione adiu-  
toribus, anno Domini millesimo quingentesimo vice-  
simo nono, autore Senatu, constitueretur: homo non do-  
ctrina tantum, sed etiam christianis virtutibus, ac præ-  
sertim modestia, temperantia, & charitate in pauperes  
insignis. Docuit autè in Argentinensi Ecclesia annos vi-  
ginti sex, anno vitæ septuagesimo primo placidè mor-  
tuus anno Domini **CIO. IO. XLVIII.**

## MARTINVS BVCERVS.





MARTINVS BVCERVS, GER-  
MANVS, SELESTADIENSIS, ECCLESIAE  
ARGENTINENSIS PASTOR, ET DE-  
MVM IN ACADEMIA CANTABRIGI-  
ENSI THEOLOGIAE PROFESSOR.

**H**Æc illa est Martini Bucer facies grauitatis com-  
tate temperatae speculum. Cui ex Dominicanorum  
cloaca Lutheri voce Wormaciae coram Cæsare li-  
berè loquentis excito, variisque post insidiis appetito,  
ciuitas Argentinensis restitutam apud se Ecclesiam de-  
bet: cuius & cruditionem singularem, & zelum pietatis  
eximium cum eccellente prudentia coniunctum, omni-  
bus seculis testabuntur tum doctissimæ ipsius lucubra-  
tiones, & in publicis Imperii comitiis disputationes ha-  
bitæ, tum pro Ecclesiarum pace, quamuis non satis foeli-  
ci semper successu, labores suscepti. Quæris quam tan-  
dem mercedem retulerit: quam nimirum mundus per-  
soluere piis Dei seruis consuevit. Illum igitur eadem il-  
la tēpestas quæ Germanicas Ecclesias penè pessunde-  
dit, in Angliam vsque expulit: vbi ab Eduardo sexto  
religiosissimo Rege humanissimè except⁹, & in acade-  
mia Cantabrigiensi Theologiam summo cum docto-  
rum piorumque omnium concursu circiter biennium  
professus, quum placida morte pridie cal. Martias anno  
Domini 1551, annum ætatis agens sexagesimum pri-  
mum obiisset, quinto post anno, euerso post Eduardi  
Regis obitum Religionis statu, & impio apostata Regi-  
naldo Polo Cardinali, Mariæ Reginae temporib⁹ omnia  
suo vnus nutu administrante, eruto crematōque ipsius

in eadem academia cadauere anno domini 1556, die sexta Febr. martyrii palmam tulit: quarto rursus post anno admirabili rerum vicissitudine sub Elizabetha regnante, iudicio aduersus innocentem publicè rescisso, in integrum restitutus. cui sumus versiculis istis gratulati.

*Natales, Bucere, tuos Germania iactat,*

*Natalibus felix tuis.*

*Quis verò & quantus fueris, tua scripta loquuntur,*

*Ad littus orbis ultimum.*

*De vita si quis rogitet, Germania dicet,*

*Inuita Bucerum expuli.*

*Ast ego sic pulsum (pia dixerit Anglia) fovi,*

*Tandemque texi mortuum.*

*Verùm mox eadem (factum ôimmane) sepulcro*

*Flammis cremauit erutum.*

*Fallor ego, totus terrænæ fecis an expers,*

*Bucere sic calum tenes?*




## PAVLVS FAGIVS.





PAVLVS FAGIVS, GERMA-  
NVS, TABERNENSIS, ECCLESIAE AR-  
GENTINENSIS PASTOR, AC TAN-  
DEM IN CANTABRIGIENSI ACADE-  
MIA THEOLOGIAE PROFESSOR.

**A**BSIT vt mortuos seiungamus quos eadem fides,  
eadem in vna ciuitate functio, idem exilium, idem  
denique martyrium coniunxit. Hic igitur ille est Paul<sup>9</sup>  
Fagius apud Tabernas Rhenanas, Palatinatus oppidū, na-  
tus: Capitonis (cui postea successit) hebræam linguā Ar-  
gentinæ profitentis tam diligens, quamuis premēte pau-  
pertate, auditor, vt tandem, ipsis quoque testantibus Iu-  
dæis, eius linguæ peritissim<sup>9</sup> euaserit. Isnā enim ad pasto-  
ris munus accito, vt olim Origeni Ambrosius quidā, sic  
Fagio diuinitus contigit Petrus Buserus, ex ordine illius  
ciuitatis senatorio, cuius prōptissima sanctissimāque li-  
beralitate fretus, illum Iudæorum à multis seculis do-  
ctissimum Heliam ad se acciuit, & typographiam insti-  
tuit hebræis excudendis libris, non illis fabulosis, impiis  
& ineptis, sed vtilibus & ad veram religionem accōmo-  
datis destinatā: maxima quoque proculdubiō præstitur-  
us, nisi difficultates aliæ obstitissent. Tādē igitur Ar-  
gentinam euocatum, ibique tum pastoris tum doctoris  
munus egregiē sustinentem, eadem illa quæ Bucerum  
hunc quoque tempestas in Angliam expulit: vbi vix sa-  
lutata Cantabrigia, anno Domini 1555. pridie Idus No-  
uembris, annum vitæ 45. agens mortuus, eandem quin-  
to post anno cum charissimo collega Bucero martyrii  
palmam Marianis temporibus tulit, simul postea cum  
eodem, sub Eduardo rege, ipsius memoria in integrum  
restituta.



GASPARVS HEDIO, GERMA  
NVS, ETLINGENSIS, AR-  
GENTINENSIS EC-  
CLESIAE PA-  
STOR.








GASPARVS HEDIO, GERMANVS  
ETLINGENSIS, ARGENTINENSIS EC-  
CLESIAE PASTOR.

**G**ASPARVM Hedionem, honesta familia natum, & Basileæ, vixdum renata in Germania Euangelii luce, Matæologiae doctorem, ac deinceps Moguntinum Ecclesiasten creatum, ademerat nobis temporum illorum infelicitas, nisi Dominus tum ipsius tum Ecclesiae suae miseratus, illum veritatis luce Illustratum, Argentinam, Matthiae Zellio & Martino Bucero, tunc primum Argentinæ verum christianismum instaurantibus, adiutorem futurum extrusisset: ubi quum Concionatoris munere totos annos viginti tres, summa cum fide ac diligentia perfunctus esset, editis etiam nonnullis historicis scriptis, anno Domini **CIO. IO. LII**, **XVII. Octobris**, magno sui desiderio cunctis relicto, feliciter in Domino obdormiuit.



WOLFGANGVS FABRI-  
CIVS CAPITO, GER-  
MANVS, ARGENTI-  
NENSIS ECCLESIAE  
PASTOR.



WOLFGANGVS FABRICIVS  
CAPITO, GERMANVS, ARGENTINEN-  
SIS ECCLESIAE PASTOR.

**W**OLFGANGI Fabricii Capitonis nomen eruditio  
singularis in hebraicis praesertim literis, & eximia  
pietas, nunquam interire patientur: quarum testimonia pau-  
ca quidem, sed luculenta edidit, plura multo habituris  
posteris, nisi quae verbis docebat, agendo potius quam  
scribendo confirmare maluisset: in eo quidem felix, quod  
ex hac vita prius euocatus quam Argentinensem Eccle-  
siam bellorum tempestatibus exitio proximam videret, cha-  
rissimis collegis Martino Bucero & Paulo Fagio, exilii  
in Angliam comes non fuit, sed dux potius in caelum,  
anno Domini CIO. IO. XLII, pestis lue sublatus,  
praeeiuit.

WOLFGANGVS MVSCVLVS.





WOLFGANGVS MUSCVLVVS  
LOTHARINGVS, DV SANVS, IN EC-  
CLESIA BERNENSI THEOLOGIE PRO  
FESSOR.


**E**ACT ENT alii nobiles natales quos nimiũ sæpe vi-  
tiis insignibus contaminant; nobilitatẽ autem suã  
eximiis plurimis virtutibus quod ipsa quoque augusta  
facies testari videtur, inchoarit Wolfgangus Musculus:  
quem Dufã, Lotharicã ditionis oppido, Alsatiã pro-  
ximo, patre tenuis admodum fortunã natum, neque  
paupertas quominus honestis omnibus studiis incum-  
beret, neque monachus pedicã (quibus tũc facile fuit  
homines, pieratis & honesti otii specie, illaqueare) reti-  
nuerunt, quominus agnita veritate, Pauli exemplum se-  
quutus, textrinã etiam disceret, qua sese, quietus in do-  
mo Dei permanens, nemini grauis, sustentaret. Sed la-  
tẽre diutius non potuit quem Dominus ad res magnas  
gerendas à tam paruis initiis destinarat. Itaque Argen-  
tinã magno illi seruo Dei Martino Bucero pietate do-  
ctrinãque sua approbata, designatus ab Augustana Ec-  
clesia Urbani Regii doctissimi optimique viri successor,  
tantum effecit, vt vrbs illa antea in vtramque partem  
claudicãs, Euangelicam doctrinã aperte amplecteretur:  
& ipse tum concionando, tum sacras literas laboriosissi-  
mis commentariis illustrando, tum Græcorum scripta  
latinẽ interpretando, multis denique obitis pro tuenda  
vera religione in Imperii comitiis legationibus, clarissi-  
mũ in Ecclesia Dei nomen meritò sit adeptus. Sed quæ

Bucerum & Fagium in Angliam expulerat belli tempestas, Musculum quoque frustra, summo etiam cum vitæ discrimine, in confirmandis suis Augustanis omnia expertum, vrbe excedere cœgit: quæ benigne exceptum inclita Bernensium ciuitas sacros libros maximo cum ecclesiarum omnium fructu interpretatē totos annos quatuordecim fouit, donec videlicet annum agens vitæ sexagesimum sextum, placida morte, quemadmodum omnibus utilis, nemini grauis vixerat, III. Cal. Sept. anno Domini 1563, ad dominum migraret: hoc etiā à Deo beneficiū consequutus vt filium Abrahamum Musculū relinqueret, fidelem Ecclesiæ Bernensis Ecclesiasten, & in quo renatus meritò videri possit. Nos autem illi sic parentauimus.

*Magnum dicere musculum pusillum  
 Quum sit auribus insolens latinis,  
 Magnum hunc dicere Musculum quòd ausim,  
 Quamuis puluere conditum pusillo,  
 Si causam rogitas, viator: audi.  
 Haud quaquam fuit iste mus pusillus,  
 (Ipsū si libeat vocare murem)  
 Illarum ex numero famelicarum  
 Quæ felis rapidos verentur ungues:  
 Sed qui ipsos potius catos rapaces,  
 Quantumuis solitos potentiorum  
 Ipsis cum dominis domos vorare,  
 Vinus perculit, & suo pauentes  
 Adhuc nomine territat sepultus.  
 Immo quem tremuit quoque illa rupis  
 Tarpeiæ arcibus incubans leana,*

*Orbis magnanimos vorans monarchas.  
Magnum & dicere Musculum pigebit,  
Quauis puluere conditum pusillo?*

H. iij.







HERMANNVS, WIDENSIS COMES,  
COLONIENSIS ARCHIEPISCOPVS,  
SACRI ROM. IMPERII SEPTEMVIR.

**S** Magnis in rebus vel voluisse satis est, quæ tibi laus debetur, Hermanne, qui Septemviro-  
rum Ecclesiasticorum Imperii primus, non oculos modo aperuisti ad exortam Euangelii lucem, sed etiâ accitis quoque doctissimis theologis Melanchthone & Bucero, ut omnes tibi attributæ Ecclesiæ lumē istud tecum intuerentur pro viribus efficere studuisti: Sed erant illorum plerique nimirum tanto beneficio indigni. Tu verò haud secus quàm olim à Iuda CHRISTVS à tuo Ioanne Groppero proditus quum esses, retulit quidem hic quoque proditor stipendium peccati mortem, Cardinalitii galeri vinculis strangulatus: tu verò non modo consciētiam tuam liberaisti, sed teipsum quoque memorabili seculis omnibus exemplo superasti, quum ultro vi maiori cedēs, paternis bonis cōtentus, placide Christianeque viuere, quàm licet immerito ereptam dignitatē tuorum subditorum sanguine tutari maluisti.

*Electus hic Archiepiscopus anno Domini C I O.  
I O. X, Cesare Carolo vim aliqui illaturo  
cessit archiepiscopatu anno Domini C I O. I O.  
X L V I, placidissima postea morte, Biuerni  
sua Widensis ditionis oppido, feliciter mortuus  
anno Domini C I O. I O. L I I.*

ANDREAS GERARDVS.





ANDREAS GERARDVS, FLANDER,  
HYPERIVS, THEOLOGIÆ PROFESSOR  
MARPVRGENSIS.

**H**ic ille est Andreas, Hyperius à patria cognominatus, quem Hyperarū ciuitas non tātū Ecclēsiæ & academiæ Marpurgensi, in qua theologiam vir citra controuersiam eruditissimus simul & diligentissimus, totos annos viginti duos docuit: sed vniuersæ potius Ecclēsiæ christianæ genuit, vtpote quam ne mortuus quidem libris, scientissimè solidissimèque scriptis erudire desinat: plura etiam multò posteris relicturus nisi maiorem vtilitatis publicæ, quàm valetudinis curam gerentem intempestiua mors sustulisset, quem mortuum hoc carmine sumus prosequuti.

*Non Hyperis dedit hoc, Hyperi, tibi patria quondam,  
Quod superis potius ducis cognomen ab oris:  
Nec tibi fors olim tribuit temeraria nomen,  
Andrea: at ipsa suo ornavit te nomine virtus.  
Hoc sancti mores, teneris hoc omnis ab annis  
Vita probat, superūm curæ caloque sacrata.  
Ecquis enim melius, quisnam te fortius vno  
Tarpeia aggressus depellere rupe tyrannum?  
Certius an quisquam erranti per deuia turbæ  
Commonstrauit iter superas quod ducit in artes?*

I. j.

*Maeste igitur vertute, Hyperī, quem nec fera totum  
 Mors domuit, totum nec servant claustra sepulcri,  
 Quin superi meliore fouent iam parte receptum,  
 Altera dum tumulto quæ nunc pars clausa quiescit,  
 Ex animis que licet iam cœli ad lumen anhelat,  
 Enigilet fœlix: & quod tu diceris, illud  
 Euadas, Hyperī, tum re, tum nomine totus.*

*Obiit Marpurgi ubi annos XXII, & amplius  
 theologiā professus est, anno Domini 1564, Cal.  
 Februarii, annum vitæ agens LIII.*



IOANNES SLEIDANVS  
Historicus.



*Sleida dedit vitam: tumultum Argentina domumq̃:  
Religio per me Teutona nota viget.*

M. D. LVI.



## IOANNES SLEIDANVS , BELGA.

**I**OANNEM, à patria Sleidanum cognominatū, Lutetia bonis disciplinis excultum excepit Argenti-  
na, vbi quum & eruditionis & prudentia atque pietatis multiplex specimen indidisset, dignus est habitus cui licet peregrino res longè maximi momēti procurandę committerentur. Itaque tum in Anglia communi Protestantium, quos vocant, nomine, legationem obiit, tum etiam interfuit Tridētino conciliabulo ciuitatis Argentinensis legatus: in quo vtroque munere, quamuis difficultatum pleno, talem se pręstitit, vt magnam ab iis, à quibus missus erat, laudem reportarit. Sed æternum illi<sup>9</sup> laborum testimonium est historia illa de reip. & religionis in Germania statu ab initio instaurati à Lutero Christianismi diligentissimè viginti quinque libris, non hortante modò, sed etiam materiam ei suppeditante clarissimo viro D. Iacobo Sturmio, verissimè simul & elegantissimè perscripta, adiecto etiam de quatuor monarchiis eruditissimo commentario: hanc ipsius gloria, quamuis nō absque insigni Ecclesię totiúsque Germanici imperii detrimēto, augente eorū culpa, qui, siue negligentia, siue prępostero metu, siue quòd illum æquare se posse desperarant, conticescere, resque tam memorabiles pati silentio perire, quàm opus ab illo cœptum persequi maluerunt. Obiit autem Sleidanus Argentinę ex epidemico morbo, anno ætatis dūtaxat quinquagesimo, qui fuit annus Domini **CIO. IO. LVI.**




VL RICHVS HVTTE-  
NVS, GERMANVS,  
FRANCO.





VLRICHVS HVTTENVS, GERMA-  
NVS, FRANCO.

**V**L RICHVM Huttenum generis nobilitatem, gentilitio cognomēto, & virtute quoque militari testatam, animi vigor insignis magis etiam nobilitauit, quum ad eruditionem non paruam, acumen quoque & festiuium in primis ingenium ad poetice natum, (sicut variis carminibus & aliquot etiam lepidissimis dialogis declarauit) adiunxisset, easque dotes ad veræ pietatis propugnationē contulisset, acrior tamen, & mordacior, ut multò solidiorem ac viuaciorem gloriam meritò fuerit adepturus, nisi mors illum intempestiua, annum videlicet ætatis tricesimum quintum agentē, priusquam illa ingenii vehementia maturesceret, è viuis sustulisset.






BEATVS RHENANVS, GERMANVS,  
SELESTADIENSIS.

**B**EATVM Rhenanũ, quomin<sup>9</sup> vt nomine ita re ipsa quoque penitus beatè vixisse arbitremur, illud obstat quòd veram religionem sic approbarit, vt illã tamè apertè non sit professus, siue istud timiditate quadam fecit, homo vsque adè tranquillioris vitæ appetens, vt in patria nullum publicum munus vnquam subire, ac ne vxorem quidem, quanquam vnicus patris hæres, & quidem satis locuples ducere sustinuerit: siue quòd sese cuiuspiam aliquando communi consensu constituendæ in religione concordix spe pasceret: siue potius Erasmi exemplum hac etiam in re aliquatenus sequutus, cui plurimum in omnibus tribuebat, & quem Basileæ studiosissimè coluerat. Vt cūque sit, multum illi sedulo & pererudito antiquitatum obseruatori, omnes bonarum literarũ studiosi debet, vt qui, & si nõ omnia sit assequutus, plurima tamen acutè ac diligenter animaduernerit, & aditũ ad alia cognoscenda multis ante tenebris obsitum aperuerit: quod & illi de Germanicis rebus libri, & doctissima tũ Tertulliani, tum etiam Taciti, Plinii, Liuii, Senecæ, Paterculi recognitio, abundè demonstrat. Vixit igitur in patria cœlebs inculpate, gratus omnibus, nemini grauis, ad sexagesimum vsque secundum annum, quo ex balneis rediēs, Argëtorati est mortuus, anno Domini CIO. IO. XLVII, indeque in patriam, cui instructissimã bibliothecam legarat, deportatus, ibique meritisimo & honorificentissimo cum elogio sepultus.

24




SEX GERMANIÆ EXIMII  
MARTYRES.





HENRICVS ZUPPHANIENSIS, GER  
MANVS.

**H**ENRICVM Zupphanienſem ex academia Wi-  
tebergensi, in qua doctis omnibus ac preſertim  
Philippo Melanchthoni chariſſimus aliquandiu vixe-  
rat, in Dirhmarſiam ad caeleſtem propagandam doctri-  
nam anno Domini **CIO. IO. XXII.** euocatum, & à  
Monachis tandem poſt infinita ſuperata discrimina Al-  
torffio expulſum, neque tamen propterea de priſtino  
zelo quanquam remittentem, excepit Meldorffium, v-  
bi Dominicanorum impulſu à tumultuante plebe eodẽ  
momento captus, omni crudelitate excarnificatus, indi-  
etãque demum cauſa uſulatus, ſeſe quaſi Germaniæ pri-  
mitias, anno Domini **CIO. IO. XXIII.**, confecrauit








WOLFGANGVS SCHVCVS,  
GERMANVS.


**V**IVS altero post anno vestigia sequutus Schucus in Lotharingæ oppidulo quod S. Hippolitū vocant, Euangelium constanter tum voce, tum etiam erudito ad Antonium ducem scripto professus, quum ob eam rem periclitari ciuitatem ipsam vidisset, boni illius pastoris exemplum sequutus, vltro Nanceium ad principem venit, vbi in teterrimum carcerem coniectus, indeque crudelissimi Franciscani Monachi Bonauenturæ Renelii conuitiis oppressus, & mox ad ignem abreptus, ea constantia pyram accensam Psalmum quinquagesimum primum decantans subiit, vt mortem ipsam lacefere videretur, XIX Augusti, anno Domini CIO. IO. XXV, duobus paulò post ex iudicum numero, à quibus damnatus fuerat, subita morte sublatis.





LEONARDVS CÆSAR, GERMA-  
NVS, BAVARVS.

**L**VDVICVM, cognomento Cæsarem, honesta fa-  
milia ortum Rabę, Bauarię oppidulo, liceat nobis  
Imperatorem etiam nominare, veterum Romanorum  
more, suos duces rebus egregiis gestis hac acclama-  
tione honestantium: vt qui proditorię visendi moribun-  
di patris obtentu Witteberga accitus, & mox pro hęre-  
tico damnatus, quo crudelius vltulatus fuit, eo glorio-  
sior exitu de morte ipsa, anno Domini **CIO. IO.**  
**XXVII**, **XVI** Aprilis, dignum etiam sua virtute prę-  
conem Martinum Luterum nactus, triumphauit.




GEORGIVS CARPENTÉ-  
RIVS, GERMANVS,  
BAVARVS.





GEORGIUS CARPENTERIVS, GER-  
MANVS, BAVARVS.

**A**LTERVM eodem anno vertente, insignis alius Christi athleta Georgius Carpenterius, Monaci, quę est Bauarię metropolis, in eiusdem generis certamine triumphum egit, sed eò celebriorem, quòd & in vrbe frequentiore, & in spectatiore pugna fides ipsius magis enituit, quum & oblatam si modò veritatem euo caret vitę veniam palàm respueret, & aduersariis in ipsa morte fortiter repulsis, hoc verum (diceret) vobis fidei meę signū esto, quòd IESV nomē ad extremū vsque halitum inclamabo, quod & sanctè, quamuis veluti repetitis mortibus vstulatus, ipsis obstupescantibus carnificibus, re ipsa pręstitis.





PETRVS FLISTEDIVS, ET ADOL-  
CLAREBACHIVS, GERMANI.

**A**Nno insequente, nempe CIO. IO. XXVIII, mul-  
tis calamitatibus, fame videlicet, eoque morbo  
quem Anglicum sudorem vocant, vastatione denique  
per Turcas Hungarię illata, insigni, clamantibus ad ra-  
uim Colonensibus Theologis, iram Dei non nisi Lute-  
ranorum, quos vocabant, suppliciis expiatum iri, duo i-  
sti eruditione, & pietate, aliisque virtutibus insignes  
iuvenes, Colonice eodem penè momento, ad dicendam  
causam & ad supplicium abrepti mutuò sese cohortan-  
tes, veritatem beata morte sanxerunt, tam fœcundis ip-  
sorum cineribus factis, vt malos ipsos consultores siue  
mox consilii tum puidisse tum pœnituisse constet.







PRÆCIPVI INSTAVRATO-  
RES RESTITVTI NOSTRA MEMO-  
RIA IN HELVETIA, VICINISQVE RE-  
GIONIBVS VERI CHRISTIANISMI.

## HVLRICHVVS ZVINGLIIVS.




IOANNES OECOLAMPADIUS.





HVLRICHVZ ZVINGLIVS, HELVE-  
TIVS TVGIENSIS, ET IOANNES OECO-  
LAMPADIVS GERMANVS, CHERVS-  
CVS, WINSPERGENSIS, ILLE QVI-  
DEM TIGVRINÆ, HIC VERO BASI-  
LIENSIS ECCLESIAE PASTOR.

 PAR nobile Synaspistarum Hulrichū Zuingliū Ti-  
gurinæ & Ioannem OEcolampadiū Basiliensis ec-  
clesiarum nobilissimarum instauratores ! vtrunque ex  
Antichristi faucibus omnipotentis Dei manu, ad illum  
verbi dei gladio iugulandum erutū: quorum secundum  
Deum excellenti doctrinæ, summæ fidei, laboribus in-  
credibilibus, inuictæ denique cōstantiæ, tot vbique ani-  
mæ, ac præsertim Alpinarum gentium pars longè maxi-  
ma, assertionem ex antichristi tyrānide in christianam  
libertatem debet: longius etiam multò progressuris, ni-  
si, sic merentibus hominū peccatis, opus Domini à qui-  
busdam (proh dolor) eius ipsius architectis fuisset im-  
peditum. Quos autem CHRISTI fortissimos athletas,  
mutuas sibi operas tradentes, idem pietatis amor con-  
iunxerat, mors eodem anno superueniens, diuersa ta-  
men, ad exiguum tempus separauit. Bello siquidem ab  
iis exorto qui fulgorem Euangelii ferre non poterant,  
Zuinglium in castris ministerio suo fungentem, hostilis  
manus cæsum cremauit, vt serui sui obitum Deus dupli-  
ci decore coronaret. Quod enim sanctius aut honestius  
cuiquam mortis genus contigerit, quàm si pro patria si-  
mul & pro Dei gloria moriatur? OEcolampadiū ve-  
rò non ita multò post Basileæ gregem suū, peste grassan-

te vehementer afflictum, tum verbo Dei tum integerrimæ vitæ exemplis consolantem, idem morbus placidè in Christo morientem, commilitoni suo rursus in meliore illa vita cælesti adiunxit. O fœlix ( iterum inquam) Dei seruorum iugum, si subigi & feri sese ab istis passus esset mundus. Nos autem gratis hominibus succincentes, agedum sic vtrique parentemus.

## HVLRICHO ZVINGLIO.

*Zuinglius arderet gemino quum sanctus amore,  
Nempe Dei in primis, deinde etiam patriæ,  
Dicitur in solidum se deuouisse duobus,  
Nempe Deo in primis, deinde etiam patriæ.  
Quàm bene persoluit simul istis vota duobus,  
Pro patriâ ex animis, pro pietate cinis!*

## IOANNI OECOLAMPADIO.

*O Ecolampadius, serena nuper  
Lampas, ade sacra Dei coruscans,  
Qualis limpidiorue, puriorue  
Vix ullis micuit lucerna seclis,  
En mortis iacet obrutus tenebris.  
At vobis malè sit, malæ tenebræ,  
Lucis munere quæ breui fruentes,  
Eheu, nos miseros homunciones  
Nocte sic premitis tenebricosa.  
Sed bene hoc cecidit, nigra ô tenebræ,  
Quòd dum ipsam petitis, malæ, lucernam,*

*Laternam tamen obruistis unam:*

*Laterna ut lateat quidem hic sepulta,*

*Ipsa sed magis emicet lucerna.*

*Casus est ac mortuus crematus Zuinglius anno*

*Domini 1531, die Octobris XI, anno vitæ*

*(XLIII). Oecolampadius autem anthrace*


*correptus Basileæ obiit eodem anno Cal. De-*

*cembris, anno ætatis XLIX.*

IOHANNES OECOLAMPADIUS



M. iii.



BERTHOL-  
DVS HALLERVS,  
HELVETIVS, ETFRANCI  
SCVS KOLBIVS, GERMANVS,  
ROETILENSIS, BERNENSIS EC-  
CLESIAE PRIMI, PROFLI-  
GATO PAPISMO, IN-  
STAVRA-  
TORES.






25  
BERTHOLDVS HALLERVS, HEL-  
VETIVS, ET FRANCISCVS KOLBIVS,  
GERMANVS, ROETILENSIS, BER-  
NENSIS ECCLESIAE PRIMI, PROFLIGA-  
TO PAPISMO, INSTAVRATORES.

**Q**VANTVM illustri Bernensium Reipubl. christia-  
nae omnes Ecclesiae, tantum ipsa Berna duobus i-  
stis, omni virtutum genere, ac praesertim pietate prae-  
stantissimis viris, restituto, ipsorum potissimum opera,  
christianismo debet. Quorum ille postquam Coloniae  
gradum Theologiae primum adeptus esset, canonicus  
simul ac concionator Bernae constitutus, veritate paulo  
post ex ore simul & scriptis Hulrichi Zuinglii cogni-  
ta, tam fortis illius propugnator fuit, ut Ioanne Eckio,  
illo Romanensium sophistarum acutissimo, in Baden-  
sibus totius Helveticae gentis comitiis, publica disputa-  
tione confutato, Berna anno consequente papismum e-  
iurarit: hic vero quum illorum temporum infelicitate  
abreptus, Basilea ex S. Martini schola, ubi iuventutem ali-  
quadiu docuerat digressus, & in Suevia, tranquillioris ad  
exercenda studia vitae studiosus, monastica vitam esset pro-  
fessus, deinceps perspecta & ipse veritate, Bernam ob erudi-  
tionis & pietatis famam accitus, ac Bertholdo in concionan-  
di munere coniunctus fuit. Itaque postea mutuas traden-  
tes operas, anno Domini 1527. indicta Magistratum  
decreto publica disputatione, papismi defensores ex Dei  
verbo reuicerunt, adeo ut communi consensu tum in vrbe,  
tum in vniuersa, quae amplissima est, illius reip. ditione, ve-  
ra Evangelii restitutio sit recepta: in quo studio feliciter

uterque tū puræ doctrinæ præceptis, tum integerrimæ  
vitæ exemplo cunctis præiens ad obitum vsque perfe-  
ueravit, Kolbius quidem septuagenarius anno Domini  
1535. mortuus: Hallerus autē anno insequente, imma-  
tura planè morte, quum annum vitæ duntaxat quadra-  
gesimum quartum ageret, in Domino piè placidèque  
hac vita defunctus.

22



N.º





## IACOBVS MEIERVS, CONSVL BASILIENSIS.

**Q**UVM plerosque ornare soleat Magistratum digni-  
tas, hic cōtra Tribunatū simul & Consulatū, ad  
quas suæ illum virtutes in patria extulerunt, maximis  
difficillimisq̃ gestis rebus, exornauit: bello videlicet,  
quod rusticorum vocant, summa prudentia cohibito:  
vera religione, admirabili quadam fœlicitate, in urbem,  
citra magnas turbas, anno Domini 1529. recepta: acade-  
mia paulatim collabente in integrum restituta, ciuibus  
denique ad antiquam morum simplicitatem & inte-  
gritatem ipso quoque habitu testandam reuocatis: qui-  
bus studiis incumbentem & iam annis non minus quàm  
meritis grauem quum pestis, anno Domini 1541, sustu-  
lisset, ciuitas illum haud secus quàm patriæ paren-  
tem luxit, publicoque honestissimo elogio sepultum  
decorauit.

AMBROSIVS BLAVRERVS.



AMBROSIVS ET THOMAS BLAV-  
RERI, FRATRES, CONSTANTIENSES,  
CIVITATIS CONSTANTIENSIS, IL-  
LE QUIDEM PASTOR, HIC VERO  
CONSVL.

**H**oc illud est par fratrum, quo haud satis scio an-  
vllum hisce temporibus extiterit plurimis diui-  
nis donis cumulatus. Vtérque siquidem parentibus ci-  
uitatis Constantiensis nobilissimis natus, non modò eru-  
ditione, pietate, prudentia, verùm etiam facundia sin-  
gulari excelluit: & hic quidem auctoritate ac consilio  
patriam, quandiu libera fuit; Consul felicissimè gu-  
bernauit: Ambrosius verò quasi diuinitus hoc nomen  
sortitus, totùsque à teneris annis promouendæ CHRIS-  
TI gloriæ addictus, sicut zelo (vt tempora tunc fere-  
bant) prepostero monachatum erat professus, ita, ac etiã  
multò ardentius, veritatem agnitam amplexus, christia-  
nismum in patria restituit: Bernæ, Vlmæ, Wormaciæ, fi-  
dis pastoribus ac doctoribus succenturiatus, veritatis  
hostes profligauit: Tubingæ constitutam Ecclesiam ful-  
ciuit: Constantia denique (cuiuscunquẽ tandem culpa  
id factum sit) vi maiori cedente, vterquẽ patriæ conspe-  
ctu, ceterisque bonis carere, quàm tantæ inconstantia  
spectator & particeps esse maluit. Et quidem Thomas  
in vicinam Heluetiam sese recipiens, Scipionis illius A-  
fricani maioris memoriam renouauit: Ambrosius autẽ  
in incepto persistens, honestè recusato maiorum eccle-  
siarum onere, Bielis primum, quod oppidulum est Neo-  
como proximũ & Bernensibus confœderatũ, ac de-  
mum Vitoduri, non procul Tiguro, maxima cum mo-  
destiæ laude, gratis prædicandi Euangelii munere per-  
functus, tandem, quũ annum vitæ ageret LXVII,  
placidissima morte, ingrata patria neutrius ossa seruatu-  
ra, beatus ad Dominum emigrauit.

HENRICVS BVLLINGERVS.









HENRICVS BVLLINGERVS, BREMGARTENSIS, HELVETIVS, ECCLESIAE TIGVRINÆ PASTOR.

**H**ÆC illa est veneranda Henrici Bullingeri canities, hominis orbe toto christiano, quamplurimis æternum mansuris scriptis, à doctrina, pietate, & mirifico quodam ingenii ac stydi candore celeberrimi: quæ foelicissimè exantlatos labores, annum quidè vitæ septuagesimum primū, sacri verò publici in ecclesia ministerii quinquagesimum agentem (quorum annorum septem partim in vicis Capellæ cœnobio vicinis, partim in patria, reliquos autem quadraginta tres in Ecclesiæ Tigurinæ vna cum doctissimis collegis administratione omni laude maior consumpsit) Dominus quidem ipse tādē, quasi anno iubileo fidissimum sibi seruum manumissum, æternæ libertatis præmio, die Septembris decima septima, anno partē salutis millesimo quingentesimo septuagesimo quinto donauit: Ecclesiæ verò tum propinquæ tum remotissimæ, veluti communem parentem luxerunt, in quibus & ego quem viuum vt alterum parentem colui, his versibus celebraui mortuum.

*Doctrina si interire, si Pietas mori,  
Occidere si Candor potest,  
Doctrina, Pietas, Candor, hoc tumulo iacent,  
Henrice, tecum condita.  
Mori sed absit illa posse dixerim,  
Quæ viuere iubent mortuos.*

*Immo interire forsan illa si queant,  
Subirèque tumuli specum,  
Tu tu illa doctis, tu piis, tu candidis,  
Et non mori certissimis,  
Tenaci ab ipsa mortis chartis asseras,  
Ipso approbante numine.  
Fœdus beatum! mortuum illa te excitant,  
Et tu mori illa non sinis.  
At hunc, amici, cur fleamus mortuum,  
Qui vivit aliis, & sibi?*







## LEO IVDÆ, HELVETIVS, EC- CLESIAE TIGVRINÆ PASTOR.


**L**EONEM, cognominatum Iudæ, concionantem, vt in Theologia studio, sic in sacro ministerio magni illius Zuinglii focium audiit, & meritò adamauit Ecclesia Tigurina : cuius ea fuit in audiendo collega tum diligentia tum modestia, vt non pœnitèdam illius scriptorum partem summa fide ex ore ipsius exceptam ei debeamus. Sed præcipuum ipsius eruditionis testimonium, nec vnquam interiturû, illa est duplex Bibliorum versio, vna veteris Testamèti latina, in qua certantem cum styli simplicitate sermonis elegantiam nō immeritò admiratus est vsque adeo Vatablus, Christianorum seculi nostri hebræorum doctissimus habitus, vt eo minimè inuito Lutetię quoque, paucis immutatis, à Roberto Stephano sit excusa : altera verò integrorum Bibliorum Germanica, quæ summæ quoque fidei à doctissimis viris habetur. Hæc igitur Leonis studia, hi labores fuere, ad annum vsque Domini 1544, quo iam ingressus senectutis limen in æternam quietem, præclara sui memoria relictâ, demigravit.

178  
SIMON GRYNÆVS.





SIMON GRYNÆVS, GERMA-  
NVS, GRÆCARVM LITERARVM ET  
THEOLOGIE IN ACADEMIA BASI-  
LIENSI PROFESSOR.

 BEATAM Basileā, loci amœnitate & vrbs ampli-  
tudine, sed multò magis bonarum literarum sede,  
tantoque præstantissimorum virorum paucis annis nu-  
mero, quantus vel in vllò maximo terrarū orbis regno  
exitit: Typographis quoque artis suæ emulatione cum  
illorum ingenii fœcunditate certantibus, & tū his tum  
illis vrbem nobilitatibus! Sed qualis ille Solis radiantis  
splendor cæterorum syderum lumen obscurat, talis in-  
ter cæteros exitit Simon ille Grynæus, in quo modestia  
singularis cum disciplinarum omniū exacta cognitio-  
ne, amabilissimi mores cum grauitate, cum pietate de-  
nique zelus certauit: sibi ipsi quidē satis longæuus, licet  
vigente adhuc ætate mortuus, anno Domini 1541, vt-  
pote cui nihil amplius quod disceret superesse videre-  
tur: cæteris verò intempestiuè nimium creptus, quos  
nimirum, quò plura didicerat, eò docere plura, vir iu-  
uandis aliorum studiis natus, potuisset. Nos autem illi  
hoc epicœdion cecinimus.

*Te quicumque, Simon Grynæe, aspexit, amauit.*

*Splenduit in vultu gratia tanto tuo.*

*Te quicumque, Simon Grynæe, audiuit, amauit,*

*Facundo fluxit tantus ab ore lepos.*

110  
*Amplius at cur non audire & cernere fas est?*

*Scilicet hoc fati vis inopina vetat.*

*Imo fallor ego : nam sint paucissima quavis*


*Ingenii nobis scripta relicta tui,*


*Te spectamus adhuc, te nos miramur in illis,*

*Aeternoque manes dignus amore Simon.*

*Obiit Basilaë ex peste anno Domini 1541,  
anno ætatis XLV III, Cal. Augusti.*









CONRADVS PELLICANVS, GER-  
MANVS, RVBEAQVENSIS, SACRARVM  
LITERARVM IN ECCLESIA TIGVRI-  
NA PROFESSOR.

**C**ONRADVM quoque Pellicanũ nobis Frãciscano-  
rum cloaca Basiliensis absorbserat, quum illũ Dei  
manus erutum, in eadem vrbe Basiliensi primũ, ac  
deinceps Tiguri, singulare decus illius scholæ futurum  
sibi consecrauit: Hebraicarũ præfertim literarum, sicut  
præclara ipsius in vniuersum sacrarum literarum cor-  
pus scripta testatur, vsque adeò peritum, vt ex ipsis quo-  
que Iudæorum Rabinis pauci cum eo conferri posse vi-  
deantur. Ad hanc autem eruditionem accessit maxima  
vitæ integritas, summæque modestia, in qua ad extre-  
mam vsque senectam perseueras, nemini grauis, omni-  
bus gratus, ex hac vita Tiguri, anno Domini **CIO. IO.**  
**LV**, feliciter migravit.

114  
P. PETRVS MARTYR.





PETRVS MARTYR. FLOREN-  
TINVS, IN ECCLESIA TIGVRINA THEO-  
LOGIÆ PROFESSOR.

**P**ETRVM Martyrem honesta & locuplete Vermiliorum familia Florentiæ natum, & è Sauonarolæ veluti cineribus prodeūtem phœnicem, operæpretium est intelligere quibus anfractibus circūactū Deus Optimus Maxim⁹ in Ecclesiā suam perduxerit, & perductum seruauerit. Quis igitur eredat per ipsos inferos viam in cælum patere? atqui res ita se habet, quoties ita illi visum est qui lucem ex ipsis tenebris eruit. Martyr igitur noster ab ipsa penè pueritia studio bonarum literarum ac pietatis in primis inflammatus, quum sese monasterio Fesulano, Florentiæ proximo, vbi qui sese regulares sancti Augustini canonicos vocant, cæteris monachis seueriore disciplina vti, & diligentius etiam studia literarum excolere videbantur, anno ætatis decimosexto adiunxisset, ita porrò sese inter monachos illos gessit, vt nulla occasione prætermissa, Patauii græcæ linguæ totiūque philosophiæ cognitionem, Bononiæ verò hebraicarum literarum exactam notitiam adeptus, habitisque in præcipuis totius Italiæ vrbibus concionibus sacris, omnium illius ordinis sodalium princeps esset & haberetur, maxima quidem cum eorum monachorum inuidia, quorum ipse mores non modò non ferebat, sed etiam quibuscunque poterat modis castigabat. Et hæc quidem illius ad pietatem, velut in mediis inferis meditantam progymnasmatà fuerunt, donec Neapoli Ioāne Valdesio Hispano illi occurrente, sic inter illos de purioris religionis capitibus conueniret, vt Ecclesiæ quoque Christianæ cœtum aliquem cogerēt, primæ etiam nobi

litatis tum viris tum fœminis frequentatum . Id verò quū neque Satā neque eius emissarii ferre possent, accusatus Romæ Martyr , sed mirabiliter amicorum opera quos in vrbe plurimos potētissimos habuit,seruatus , & Lucam in eiusedē ordinis collegium,summa cum dignitate translatus,vsque adeò constanter in incœpto cursu perseuerauit,vt instituta in ipso monasterio,in quo Pauli Epistolas interpretabatur, trium linguarum professione,hebræam quidem Emanuele Tremellio , genere hebræo,sed religione christiano, græcam verò,Celfo,ex illustri comitum Martinenghorum familia,latinam denique Paulo Lacisio Veronensi proficiente,prima in ea ciuitate instaurandi christianismi fundamenta iecerit: mox scilicet Romæ vltulandus,nisi amicorum suasu,ingratę Italię valedicens, Tigurum primū,indē Basileā, Argētinā denique procurante Martino Bucero vocatus, venisset. Discedenti comes adhæsit Bernardinus ille Ochinus,maximi prius in Italia nominis monachus,& Capucinatorum(quos vocant)ordinis auctor,idēque,quod multis demum post annis patefecit,sceleratus hypocrita.Sed huius longē dissimiles fuerunt qui Martyris exemplum ex eiusedē ordinis monasterio sequuti sunt,Paulus Lacisius Argentinæ postea græcas literas ad mortē vsque professus : Celfus Martinengus Italicę Geneuensis ecclesię pastor,ibidem mortuus:Hieronymus Zanchus,& Emanuel Tremellius,vterque,quum hęc scriberem adhuc Dei benignitate superstites:& ille quidem tum in Germanicis ecclesiis Argentinensi & Heidelbergensi, tum in Rhetia , ac nunc demum in Neostadiana schola clarissimum eruditionis ac pietatis nomen adeptus: hic verò suo merito hebræorum ætatis nostrę doctissimus habitus. Ceterū vt ad Martyrem redeam,quę bellorum tempestas Bucерum & Fagium, eadem quoque Martyrem Argentina in Angliam ab Eduardo sexto Rege euocatum transfulit:vbi qualem & quantum sese in Oxoniensi Academia præstiterit , doctissima ipsius

119  
scripta, ac præsertim disputatio de Cœna Domini, testifi-  
cantur. Marianis autem mox sequutis temporibus, sæ-  
uissimæ illi carnificinæ diuinitus rursus ereptus Mar-  
tyr, quum Argentinæ in pristinum locum esset restitu-  
tus, Tigurum tandem, ecclesiæ rogatu, theologiam pro-  
fessurus transiit, vbi quum ad quinquennium, maxima  
cum omnium attentione & admiratione, sacras literas  
esset interpretatus, flagitante Catharina Medicæ Flo-  
rentina, Caroli Francorum Regis pupilli matre, Regni-  
que Gallici gubernatrice, & Nauarrorum Regis ac pio-  
rum infinitorum hominum rogatu, vt conuentui qui  
religionis constituendæ causa Pissiaci, oppido Lutetiæ  
vicino, indictus fuerat, interesse vellet, in Galliam vsque  
venit: & veritatis causa, quamuis non eo prorsus quem  
omnes boni optabant successu, fortissimè tamen nec in-  
feliciter etiam defensa, quum Tigurum ad stationem  
suam rediisset alter post anno, qui fuit à nato CHRIS-  
TO 1562, pridie Idus Nouembris, annū ipse ætatis  
agens 63, placidissima beatissimæque morte, in Bullin-  
geri & aliorum amicorum veluti sinu obdormiuit: te-  
stes maximorum & sanctissimorum suorum laborum,  
non modò plurimos nunquam abolendos libros, sed i-  
psam quoque Italiam, vniuersam Germaniam, Angliam,  
Heluetiam, Galliam denique relinquens: quem nos su-  
mus hoc carmine prosequuti.

*Tuscia te pepulit, Germania & Anglia fouit,  
Martyr, quem extinctum, nunc regit Heluetia.  
Dicere quæ si vera volent, te & nomine dicent,  
Hic fidus Christi (credite) Mæprou erat.  
Utque istæ taceant, satis hoc tua scripta loquuntur;  
Plus satis hoc Italus exprobrat exilium.*

IOSIAS SIMLERVS.







IOSIAS SIMLERVS. HELVE-  
TIVS, CAPELLENSIS, IN ECCLESIA TI-  
GVRINA THEOLOGIÆ PROFESSOR.

**I**OSIAM Simlerū, Petri Martyris in theologiæ pro-  
fessione in ecclesia Tigurina successorē, quis nō mi-  
retur paucis annis, & quidē sæuissimis duobus morbis,  
calculo videlicet ac podagra, conflictantem, id esse con-  
sequutum, quod paucissimis hominibus vita longior &  
assidua diligentia contulit? Quis enim in mathemati-  
cis disciplinis, & quidem *αὐτοδίδακτος*, extiterit, non  
modò qui docentem illum audiuerunt, sed etiam & li-  
bri & instrumenta nobilissima ab ipso excogitata testi-  
ficantur. Quantus autē in historia fuerit, ostendunt scri-  
pta, præsertim quibus patriā immortalitati consecrauit.  
Quam denique in Theologicis excelluerit (quæ fuit ipsi<sup>9</sup>  
propria professio) quantūque in scribendo tum acumi-  
nis, tum iudicii, veterum quoque Theologorū lectione  
cōfirmati, satis supérque demōstrant Samosatēniani, Ar-  
riani, Nestoriani, Eutychiani, Macedoniani, Tritheitæ  
denique nostris temporibus rursus ab inferis excitati,  
& diuini verbi gladio fortissimè Simleri manibus vibra-  
to iugulati. Quid non igitur ab hoc ingenio potuit expe-  
ctari, si paulò firmius corporis domiciliū habuisset, & ni-  
si mors illum immatura planè sustulisset? annum siqui-  
dem agens duntaxat quadragesimum quintum, die se-  
cunda Iulii, anno Domini 1576, nobis est ereptus, me  
quidem immaturum illius obitum sic deplorante.

*Simlere, mi Simlere, quo superstitie  
Tot mortui reuixerant,*

*Quos ira nobis numinis, tam pauculis  
Ademit annis plurimos.*

*Simlere, quem tremuit renatus Arrius,  
Tremuit renatus Eutyches,*

*Vastator ille Polonia, hic Germania,  
Lasi flagella numinis.*

*Heu subita & immatura te mors auferens  
Quam multa tecum sustulit!*

*Lamenta amicis quanta, quot iustissimos  
Secum dolores attulit!*

*Quos inter, ecce Bezà quondam haud ultimus,  
His irrigat te lacrymis;*

*Bezà repetito vulnere isto saucius,  
Communis ad tumulum patris.*

FOR CHINESE ADVERTISING



Q.j.

## IOACHIMVS VADIANVS.





IOACHIMVS VADIANVS. HEL-  
VETIVS, SANGALLENSIS, EIVSDEM  
CIVITATIS CONSVL.

**I**OACHIMVM Vadianum Sangallensem, Poëtam  
excellentem, Mathematicum ac præsertim Geo-  
graphum exactissimum, quod ipsius in Pomponiũ Me-  
lam commentarii & trium orbis partium epitome. de-  
monstrant, insignem denique medicum, adde etiam ea-  
rum prudentia tum integritate vitę præditum, vt ei pa-  
tria summum magistratum vltro detulerit, omnes sibi  
disciplinæ certatim vendicant. Sed illum sibi Theolo-  
gia optimo præ ceteris iure sibi asserit, vt qui tũ in Cœ-  
næ Domini controuersis explicandis, tum in fanaticis  
Schuuenfeldii deliriis refutandis, quibus Eutychetis &  
Enthusiastarum errores renouauit, diligentissimam si-  
mul & vtilissimam operam nauauerit: quarum omniũ  
virtutum gloria fruens, iam senex, placidissima felicis-  
simaque morte, beatam sui memoriam relinquens, è vi-  
uis excessit.



PETRVS CHOLINVS, HELVETIVS,  
TVGIENSIS, BONARVM LITE-  
RARVM IN TIGVRINA  
ECCLESIA PRO-  
FESSOR.





PETRVS CHOLINVS. HELVE  
TIVS, TVGIENSIS, BONARVM LITERA  
RVN IN TIGVRINA ECCLESIA PRO-  
FESSOR.

**A**BSIT, vt te indictum præteream, Choline, non tã  
quòd priuato beneficio longè maximo tibi sum  
obstrictus, què totos annos quatuor sub Meliore Volma-  
rio præceptorem fidelissimum ac doctissimum habui:  
quàm quòd tua summa tum doctrina tum pietas memo-  
riam merentur sempiternam. Paucos enim etatem no-  
stram habuisse tecum in trium linguarum ac grece præ-  
sertim, cognitione conferendos, Gulielmum ipsum Bu-  
dæum non semel Lutetię, quum ad illum ventitares, te-  
statum fuisse cõstat, Gallicę quoque linguę, quamuis ti-  
bi peregrinę, vsque adeò peritum, vt absolutissimam etiã  
eius grammaticen conscripseris. Sed illud inter cætera  
palmarium in te fuit, quòd ambitiosa vitę fugitans, ad  
docendam iuuentutem, ac præsertim ad amplificanda  
sacra studia, libros, quos apocryphos appellant, è gręco  
sermone in latinum summa tũ fide tum eruditione in-  
terpretatus, contuleris: longè plura & maiora procul  
dubio nobis præstiturus, nisi te intempestiua mors ad-  
huc ætate firma, anno Domini 1542, nobis eripuisset.

SEBASTIANVS MVNSTERS.








SEBASTIANVS MVNSTERVS,  
GERMANVS, INGELHEIMEIENSIS, IN  
ACADEMIA BASILIENSI THEOLO-  
GIÆ PROFESSOR.

**N** aliud Basiliensis Academiae, sui que adeo seculi  
decus, Sebastianum Munsterum, admirabili quo-  
que Dei providentia, ex Franciscano Christianum fa-  
ctum, hebraeae & chaldaicae linguae accurata cognitione, plu-  
rimisque tum in sacras literas, tum in varias Matheos  
partes editis scriptis, ac praesertim laboriosissimo illo vo-  
lumine nobilem, quo duce, peregrinari terrarum or-  
bem, domi etiam manendo, licet. Sit igitur perennis il-  
lius viri memoria qui tot regionum, ciuitatum, familia-  
rum, virorum denique nominibus, immortalitatem pro  
virili conciliauit.

*Obiit ex peste anno Domini 1552, annum vi-  
tae agens L XIII.*

CONRADVS GESNERVS.





CONRADVS GESNERVS, TI-  
GVRINVS, IN ACADEMIA TIGVRINA  
PHILOSOPHIÆ PROFESSOR.

**C**ONRADVM Gesnerum, Tiguri honestis qui-  
dē, sed tenuis fortunę parentibus natum, inter ę-  
tatis nostrę clarissimos homines sua tum pietas tum eru-  
ditio, probitas denique singularis meritò collocarunt,  
vt plurimarum linguarum, ita omnium physices partiũ,  
& intimorum naturę arcanorum vsque aded peritum,  
támque diligentem ac laboriosum scriptorem, vt si sty-  
lum excolere quàm simpliciter ex aliis optima fide col-  
lecta pleraque proponere maluisset, neque mors illum  
immatura sustulisset, ætas hæc nostra in vnico Gesne-  
ro tum Varronē alterum, tú Plinium quoque renatum  
fuerit habitura: cuius vt amicissimi & sub Meliore Vol-  
mario communi præceptore Biturigibus suauissimi con-  
discipuli obitum istis ~~et quibus~~ versiculis celebraui.

*Te calo mutante solum, Gesnere, volucres*

*Quęcunque pennis aëra permeant,*

*Replevere modis omnia tristibus,*

*Migrantem amicum, extrema supra sidera,*

*Omnes eum sonitu graui insequuta.*

*Te calo mutante solum, Gesnere, feroces*

*Gemuere in antris belluę,*

*Et stabulis pecudes relictis.*

*Sibilis colubrite feri gemunt lugubribus,*

R. j.

180.  
Imisque quotquot sub caavernis  
Occulta terrarum colunt:  
Et flaccidum plantæ virentes,  
Et pallidum flores nitentes,  
Et marcidum arbores comantes.

Regna te per humida,  
Et belluosus quâ ferit undique  
Reboantia littora pontus,  
Planctu sonoro deflet Amphitrite,  
Et liquidis sub aquis pisces natantes mutant.

Natura te omnis denique ut fidum suorum antistitem  
Plorat sacrorum, mura  
Futura deinceps, ni loquaris mortuus.  
Hac inter tibi turbatus, Gesnere, parentat  
Beza tuus, vati vates, & amicus amico,  
His incompotis innumeris numeris.

Obiit anno Domini millesimo quingentesimo sexa-  
gesimo quinto, die decimatertia Decembris,  
anno vitæ quadragesimo nono.

R. ij.

139  
IOANNES CALVINVS.





IOANNES CALVINVS. PICAR-  
DVS, NOVIODVNENSIS, ECCLESIAE  
GENEVENSIS PASTOR.

**E**STIMONIVM filii pro parente quum carere vix  
suspicionē possit, res ipsa, Caluine, testificantur  
selectissimū fuisse te Dei Optimi Maximi organū, cuius  
ministerium perficeretur verae religionis instauratio, ali-  
quot ante annis ab aliis feliciter inchoata. Nam tu is es  
cuius praecipue doctrinae, diligentiae, & indefatigabili  
zelo Gallia quidem & Scotia restitutum apud se CHRIS-  
TI regnū meritō acceptū ferūt: aliae verò per orbē ter-  
rarum innumerabiles ecclesiae plurimū se debere pro-  
fitentur. Testes harum rerum sumo, partim nunquam  
interitura monimenta quibus nihil in sacris explican-  
dis, neque iudiciosius, neque enucleatius, neque magni-  
ficentius, à quoquam verbi diuini interprete adhuc scri-  
ptum fuisse verè pii doctique omnes agnoscunt: partim  
furiosorum mataologorum rabies in te vnum præ cete-  
ris, tum viuū tum mortuū accēsa. At tu interea Cal-  
uine fruire apud CHRISTVM fidei serui præmiis: vos au-  
tem ecclesiae Christianae (crepāte inuidia) Caluino quo-  
que mortuo vos docente, pergite erudiri. Vos denique  
Sophistae, exitio deuotum sceleratorum hominum ge-  
nus, sanctissimo doctissimoque theologo magis ac magis  
oblatrantes, vestram tum stultitiam deridendam, tum  
improbiter abominandam patefacite, tantisper dum  
iustus ille iudex suū cuique redditurus adueniat. Obiit  
autem Geneuē Calvinus ex phthisi vigiliis & ieiuniis im-  
modicis contracta, quum illam ecclesiam, infinitis cum  
difficultatibus stabilitam, totos viginti tres annos conti-

131  
nuos vnà cum doctissimis suis collegis felicissimè guber-  
nasset, anno Domini millesimo quingentesimo sexage-  
simo quarto, die Maii vicesima septima, annum agens vi-  
te quinquagesimum quartum: quem mortuum, & sicuti  
iusserat, nullo sepulcri apparatu elatum, non modo ci-  
uitas Geneuësis vniuersa, sed etiam pii per orbem terra-  
rum plurimi ceu parentem luxerunt. Inter quos & ego  
sic illum mœstissimus hoc carmine *επιτάφιος* deploraui.

*Roma ruentis terror ille maximus,  
Quem mortuum lugent boni, horrescunt mali,  
Ipsa à quo potuit virtutem discere virtus,  
Cur adeò exiguo ignotòque in cespite clausus  
Calvinus lateat, rogas?  
Calvinum assiduè comitata modestia vinum,  
Hoc tumulo manibus condidit ipsa suis.  
O te beatum cespitem tanto hospite!  
O cui inuidère cuncta possint marmora!*





GVILLELMVS FARELLVS.





**GVILLELMVS FARELLVS. DEL-  
PHINAS, GAPPENSIS, NEOCOMENSIS  
ECCLESIAE PASTOR.**

**G**VILLELMVM Farellum Delphinatem, nobili fa-  
milia ortum, & discendis bonis artibus Lutetiæ,  
hortatu Iacobi Fabri Stapulësis, cuius supra meminimus,  
fese in Cardinalis gymnasio (quod vocant) exercentem  
persequutio aduersus Meldëses exorta, & pietatis pro-  
pagandæ studium in Heluetiam pertraxêre, vbi amici-  
tia cum doctissimis Helueticarum ecclesiarum, tunc in-  
staurari cœptarum, pastoribus, Bertholdo Hallero Ber-  
nensi, Vlricho Zuinglio Tigurino, Ioanne Oecolâpadio  
Basiliensi, inita, mox fese ex illorû cõsilio, propagâdo E-  
uâgelio in vicino Gallici idiomatis regionû tractu de-  
didit, tanta quidem animi contentione, tantôque ardo-  
re, vt illum diuinitus ad hoc munus accitum res ipsa de-  
monstraret. Hic enim ille est qui nullis difficultatibus  
fract<sup>9</sup>, nullis minis, cõuitiis, verberibus denique inflictis  
terrītus, Môbelgardëses, Neocomëses, Lausanenses, A-  
quileienses, Geneuëses denique Christo lucrificet. Fuit  
enim in hoc homine præter pietatem, doctrinam, vitæ  
innocentiam, eximiâque modestiam, singularis quæ-  
dam animi præsentia, ingenium acre, sermo vehemen-  
tiæ plenus, vt tonare potius quàm loqui videretur: ar-  
dôrque denique tantus in precando, vt audientes quasi  
in cælum vsque subueheret. His illum virtutibus in ec-  
clesia Neocomësi florentem, & ne in senectute quidem  
de pristina diligetia quidquam remittentē, Dominus ad  
se tandem placida morte, annum vitæ agentem septua-  
gesimûs sextû euocauit, anno partæ salutis 1565, XIII.  
Septembris, quum charissimo suo Caluino annum v-  
num menses tres & dies quatuordecim superuixisset.

S. j.

138  
PETRVS VIRETVS.






PETRVS VIRETVS, SABAV-  
DVS, ORBENSIS, ECCLESIAE LAVSA-  
NENSIS PASTOR.


**P**ETRVS Viretus, Orbæ natus ditionis Bernensis oppidulo Burgundis proximo, fuit & ipse constituendis in toto illo tractu ecclesiis, Farelli videlicet indiuiduus comes, quæ etiam Lutetiæ cognouerat, à Deo excitatus: homo & eruditione præstans, moribus suauissimis præditus, & oris facundia præcipuè excellens, ut meritò nonnulli Calvinum, Farellum, & Viretum, ut eiusdem muneris functione, sic etiam animis coniunctissimos, lectissimam quâdam præstantissimorum pastorum triadem vocarint, eruditionis quidem penes Calvinum, vehementiæ verò penes Farellum, facundia denique laude penes Viretum manente. Quod ego versiculis istis aliquando cecini.

*Gallica mirata est Calvinum Ecclesia nuper,  
Quo nemo docuit doctius.  
Est quoque te nuper mirata Farelle tonantem,  
Quo nemo tonuit fortius.  
Et miratur adhuc fundentem mella Viretum,  
Quo nemo fatur dulcius.  
Scilicet aut tribus his seruabere testibus olim,  
Aut interibis Callia.*

F V I T autem Viretus imbecilli per se corpusculo,  
quod naturæ vitium vehementer auxerunt, partim ve-  
S. ij.

147  
nenum ipsi à Geneuensis cuiusdam canonici seruo propinatum, partim vulnera in agro Paterniacensi à sacrificio ipsum per insidias inuadente inflicta, vsque adeo graua vt iacentem pro mortuo relinqueret. Liberatus autem à totidem mortibus, quum multos annos docens ac scribens in ecclesia Lausanensi maxima cum laude consumpsisset, ac deinceps Lugdunum, Gallicarum ecclesiarum precibus accitus, durissimis ciuiliis bellis tempestatibus & seuiſſimæ mox conſequutæ pestis temporibus Lugdunensem ecclesiam vnà cum suis collegis sapientissimè gubernasset: tandem cogente Iesuitarum factione, primum quidem in Occitaniam, deinde verò pi-entissimæ Nauarrorum Reginæ Ioannæ rogatu in proximos Pyreneos saltus profectus, ibi tandem magno cū bonorū omnium luctu, anno Domini **CIO. IO. LXXI** ex hac vita in alteram illam meliorem sexagenarius emigravit.





IOANNES FROBENIVS, GERMA-  
NVS, HAMELBVRGENSIS, NO-  
BILIS TYPOGRAPHVS  
BASILIENSIS.





IOANNES FROBENIVS, GER-  
MANVS, HAMELBVRGENSIS, NOBILIS  
TYPOGRAPHVS BASILIENSIS.

**I**OANNEM Frobenium, cuius diligentia, fidei, in-  
dustria, tot optimos trium linguarum scriptores  
magnificentissime simul & emendatissime excusos, ac  
velut è tenebris in lucem reuocatos legimus, ecquis tan-  
de sua laude fraudari sustineat? Viuat igitur æternum,  
inuita morte, quæ repentina paralyfi correptum anno Do-  
mini millesimo quingentesimo vicesimo septimo sustu-  
lit è viuis, eius hominis memoria, qui tot præclaris tan-  
torum virorum monumentis quandam immortalitatis  
speciem conciliauit, & in auitas virtutes vtinam  
ipfius posterius perpetua serie succedant.

1844

WILSON & SONS



ILLVSTRES GALLI QVORVM  
ALII BONAS LITERAS, ALII PRÆTE-  
REA VERVM CHRISTIANISMVM IN  
GALLIIS INSTAVRARVNT.

FRANCISCVS I. FRANCORVM REX.





FRANCISCVS, EIVS NOMI-  
NIS PRIMVS, FRANCORVM REX.

**N**EQUE te, Rex potentissime, pudeat (quod tamen  
absque vlla fastigii regii deminutione fiat) in hu-  
ius sacrarii vestibulo, nec longius progressum, consiste-  
re, iis alioqui solis dicati quibus es tantopere viuus ad-  
uersatus: neque tu (religiosior spectator quisquis ades)  
ad huius licet aduersarii cōspectum cohorresce. Debe-  
ri sanè videtur aliqua huius decoris pars ei qui tres lin-  
guas bonasque disciplinas, quasi atrienfes huius ædis fu-  
turas, expulsa barbarie, suo loco restituit: cuius etiam  
vitia fecerunt subsequutorum temporum mores, vt pe-  
nè virtutes videri possint.

MARGARETA VALESIA.





MARGARETA VALESIA, FRAN-  
CISCI REGIS SOROR, EADEMQVE  
NAVARRÆ REGINA.

**F**RANCISCO Regi fratri Margaretam foro-  
rem adiungere fas esto, dignam licet quæ vel in  
ipsius sacrarii penetrati collocetur: fœminam vt inge-  
nii elegantia & acumine fratri parem, sic pietatis co-  
gnitione & iuuandæ Christi Ecclesiæ Zelo, quo fratris  
iras pro viribus temperavit, & cui conseruatos pluri-  
mos optimos viros debemus, laude dignam sempiterna:  
quanuis ipsius gloriæ nonnullam in vltima tandem  
ipsius ætate credulitas labem asperferit.

GVLIELMVS BVDÆVS.







GVLIELMVS BVDÆVS, GAL-  
LVS, PARISIENSIS, SVPPlicvm LIBEL-  
LORVM MAGISTER.

**A**D E S T O in hoc vestibulo doctissime Gulielme  
Budæ, quasi tuo regi apparitor, quâdoquidē illius  
quidē auctoritati tuis cōsiliis excitatæ, tuæ verò erudi-  
tioni restitutâ Græcæ linguæ cognitionē debere se Gal-  
lia & omnes eius alumni profitentur: plenissimam certè  
laudem consequutur, si ad incomparabilem illam e-  
ruditionem & inculpatam alioqui vitam, veræ quoque  
religionis cognitionem maiorem adiunxisses. Luxerūt  
te verò & æternum lugebunt vt alterum parentem Græ-  
cæ Musæ Helicone exulantes, & tuis auspiciis Lutetiæ  
receptæ, ex quibus olim hos quoque versiculos exce-  
pisse me memini.

Ὅστις Βεδαῖον γλώσσης ὀνόμασσατο Φοῖβον

Ἀμφοτέρως, ὁρῶς Φοῖβον ἔειπε μέλα.

Ἀΐα δ' ἐκ εἶπεν. μείζων γάρ κ' ἠελίοιο,

Ὅς θνητοῖσι φάτο καὶ καταδύς παρέχει.

*Obiit anno Domini 1540, XXII Augusti.*  
*annos natus 73.*

FRANCISCVS VATABLVS.





FRANCISCVS VATABLVS.  
GALLVS, EX PICARDIÆ PROVINCIA.

**A** Te, Vatable, quem Hebræa docentem Hebræi quidē sunt ipsi admirati, Christiani verò plurimi maximo cū fructu audierunt, quo tandem loco habebimus, qui quod alijs sacras literas interpretando imperiebas, vsque adeò neglexeris, vt etiam eiuraris? Age tamen, summa eruditio, diligentiaque tua, locum tibi quoque in huius sacrarii vestibulo compararint, quamuis quò alios introduxisti, nūquam ipse videri possis ingressus.

IACOBVS TVSSANVS.






IACOBVS TYSSANVS. GRÆ-  
CARVM LITERARVM IN ACADEMIA  
PARISIENSI REGIVS PROFESSOR.

**I**ACOBO Tussano singulari trium maximarum in  
docendo virtutum exemplo, summæ videlicet in  
docendis græcis literis fidei, perpetuæ diligentia, incul-  
paræ & ab omni ambitione remotæ vitæ, perenne istud  
monimentum mœrês Gallia, nullum adhuc multis post  
annis parem doctorem nacta, consecrauit.

156

MICHAEL HOSPITALIVS.





## MICHAEL HOSPITALIVS. AR- VERNVS, GALLIÆ CANCELLARIVS.

**I**c ille est Michael Xenius, siue Hospitalius, quem admirabilis simul & peramabilis eruditio, musis etiam omnibus illi tanquam alteri Apollini suo fauentibus, ingenitam grauitatem suauissima quadam moderatione temperans, per omnes honorum gradus, velut antiquis moribus, quamuis corruptissimo seculo, in summum togatæ militiæ gradum (vel ipsa fauente inuidia) prouexit: & aliquantò post, asperri-  
mis Gallorum ciuiliũ bellorum tempestatibus, sceleratorum quorundam factione, à Reipubl. Gallicæ gubernaculis semotũ fuisse maximo suo malo sensit Gallia: tan-  
demque morte sublatum & virtus sua, & successor prorsus dispar summè desiderabilem effecerunt. Huic tamen ad iustum laudis cumulum id videtur defuisse, quòd partim ne sibi ad pios iuuandos aditum præstrue-  
ret si verã religionem apertè profiteretur, partim vana quadã expectatione delusus, eo luto ex quo erutos om-  
nes optabat, penitus extricare sese quũ diu neglexisset, postea volẽs id præstare nõ potuit. Sed ecquis illius me-  
moriã non celebrarit, qui, vt aliis consuleret, seipsum tamdiu penè neglexit? Addatur autẽ hoc quoque fata-  
li cuidam ipsius decori, quòd, vt ex antiquissimo numis-  
mate apparuit, summũ illum omnium Philosophorum principem Aristotelem sic ore toto retulit, vt alterius ex altero imago expressa videri posset: sorte tamen in eo dispari, quod (vt de pietate taceam) quæ deambulans Aristoteles in vmbra porticus disseruit, Hospitalius nõ  
V. iij.


ster reipfa exercuit. Sicitaque nos illius aliquando cum  
Aristotelea comparatam imaginem descripfimus.


*Talis Aristoteles oculos atque ora ferebas,  
Sculptoris docta nunc rediit in manu.  
Pars autem illa tui melior, melioribus olim  
Expressa in tabulis, nec peritura manet.  
Sed quid opus sculptisve fuit scriptisve tabellis?  
En vivo in Xenio vivis Aristoteles.*

Deinde sic illi parentauimus.

*Presidio natum patriæ, patriæque salutem  
Vitæ anteponentem suæ,  
Quæ malesana sibi, tibi summè ingrata, Michael,  
Acciret ut sibi aduenam,  
Gallia te clauo amouit, tibi, naufrag a mille  
Parentat, ecce, cladibus,*









## IULIVS CÆSAR SCALIGER.

**I**ULIVM Cæsarem Scaligerum, ex illa vetustissima nobilissimâque Scaligerorum familia, Veronæ totiusque illius tractus Domina superstitem, absit ut inditum prætereamus : auorum nobilitatem armorum virtute paratam, postquam potentiorû vi & iniuriis cessisset, incomparabilis ingenii opibus facile pensantem: criticum grammaticum acerrimum, poetam excellentem, philosophum eruditissimum, alterum in medicina Aesculapiû, & quidè (dictu penè incredibile) hæc omnia quâ ætatis iuuenilis parte in armis consumpta, serius sese literarum studiis dedidisset, tû ingenii extra omnè aleam positi præstâtia, tum indefatigabili labore, quamvis aduersante valetudine, consequutû : atque ad eò (ne quid ipsius felicitati deesset) doctissimorum liberorum, Syluii ac Iosephi, huius quidem certè summè admirabili tum eruditione tum iudicio præditi, parentem : cui denique non Agenni modo ciuitas, ubi domiciliû illi medicinam facienti sua virtus posuit, sed Aquitania penè ipsa (piis ipsius dômô tanquam hospitio utentibus, eoque vicissim sua illos auctoritate pro viribus, quantumvis asperis temporibus, adiuvante) veræ pietatis instaurationem magna ex parte debet. Quiescite igitur in CHRISTO pii manes : qui faxit ut penes Scaligerorum familiam sicut olim armorum, ita nunc eruditionis & pietatis gloria quàm diutissimè permaneat.

MELIOR VOLMARIVS.





MELIOR VOLMARIUS. ROT-  
VILLENsis, IVRIS CIVILIS ET GRÆ  
CARVM LITERARVM IN ACADEMIA  
TVBINGENSI PROFESSOR.

**M**ELIOREM Volmarium (sic enim eius nomen, quū  
antea Melchior vocaretur, vir doctissimus, & eius  
in academia Tubingēsi collega, Ioachimus Camerarius  
probitatē hominis admiratus, emolliit) genuit Rotuilla  
ciuitas Heluetiis cōfēderata, puerū aluit Berna, bonis li-  
teris imbuit Lutetia, eundēque mox græca latināque  
facundia excellentem est admirata, vt & Aurelia, & Bi-  
turigum ciuitas: vbi, Margaretæ Valesiæ Nauarrorum  
Reginæ ac Biturigū Ducissæ stipendiis, vtramque lin-  
guam profitens, simūlque Andrææ Alciati, iurisconsul-  
torū ætatis nostræ facile Principis iudicio, legum doct̃or  
creatus, domum ipsius bonis ac piis quibusque frequen-  
tantibus, inter quos Ioannē quoque Caluinum non pu-  
duit pro græcæ linguæ præceptore Volmarium agnosce-  
rē, quum priuatam quoque scholam ingenuis & selectē  
indolis pueris aliquot aperuisset, hoc est consequutus  
vt nemo erudiendæ iuuentuti magis idoneus, nemo plu-  
res bonæ frugis discipulos aluisse videretur: maiores  
multò fructus inde collectura Gallia, nisi partim scitities  
aduersus pios recrudescens, partim Vlrichi ducis Wir-  
tēbergensis eum inuitantis auctoritas, illum Tubingam  
anno Domini millesimo quingētesimo tricesimo quinto  
euocasset. Ibi verò annos amplius viginti ius ciuile  
& Græcos etiam auctores maxima cum laude interpre-  
tatus, tandēque rude donatus, quum suam. Margaretæ

vxoris patriam, familiam transtulisset, vitam finiit, postquam aliquot menses ex paralyfi decubuiſſet, eodem etiam die vxore ex animi ægritudine defuncta, vt simul elati eodẽ tumultu cõderentur quos sanctus amor totos 27 minimũ annos cõiũxerat. Fuit autẽ vir iste omnib<sup>9</sup> tum corporis tũ animi dotibus excellens, ac præsertim eximia in pauperes munificentia insignis, & ab omni ambitione tã remotus, vt, quanuis Græcè & latinè scribendo excelleret, nihil tamen præternicam perelegãtem præfationem grammaticæ græcæ Demetrii Chalcondylæ præpositam ediderit: quem ego à pueritia vnicum præceptorem nactus, & viuum ceu parentem alterum semper colui, & mortuum vnà cum ipsius vxore sic deploraui.

*Coniugii exemplum rarum certumque beati,  
Spectate cuncti coniuges.  
Una dies nobis Meliorem sustulit, vnã  
Et Margaritam sustulit.  
Sic vno quos vita thoro coniunxerat, vno  
Mors vna tumultu condidit:  
Vna ambos donec reddat lux vnus olim  
Beatitatis compotes.*

## IN EOSDEM.

*Mi Melior, quo nec melior nec doctior vllus  
Nostrum beavit seculum,  
Tu ne iaces, mutique taces sub more sepulcri?  
Et Beza stat, Beza loquitur?*

*Stat*

*Stat certè & loquitur: sed cui nec vivere dulce,  
Nec dulce posthac sit loqui:  
Verùm dulce mori fuerit, tecumque sepulcri  
Uno latère sub specu.  
Nanque iacent tecum Charites, iacet ipsa venustas,  
Et omnis Aonidum chorus.*

IN EOSDEM.

*Quum tumulo lateat Melior Volmarus isto,  
Cui Margarita adest comes,  
Est illi cur inuideas, Mausole, diuque  
Celebrata pyramidum strues.  
Nánque nihil melius Meliore, nec India quicquam  
Fert Margarita carius.*

*Obiit Isne anno Domini millesimo quingentesimo  
sexagesimoprimo, anno ætatis sexagesimo-  
quarto.*

IACOBVS FABER.







IACOBVS FABER, GALLVS,  
STAPVLENSIS, SORBONICVS THEO-  
LOGVS.

**Q**VERE admirabilem dei providentiã. Quis enim homun culi vnus opera barbariem, nobilissimæ totius orbis Academiæ tot iam annos securè incubantem, detrudi posse existimasset? Præstitit hoc tamen non minima ex parte primus ætate nostra Iacobus hic Faber, neque genere insignis, neque patria celebrandus, (Stapulis nimirû ignobili Picardiæ provinciæ portu) sed eruditione, pietate, & animi generositate nobilissimus, licet, quod magis mireris, in ipsa fœdissima barbarie educatus. Hic ille est igitur qui tum voce, tû scriptis eruditissimis, pro sophistica veram Peripateticorû logicen, & quatuor mathematicarum disciplinarum studia in Academia Parisiensi restituit: ac deinceps noui Testamenti vulgatæ translationis emendationem, & purioris religionis instaurationẽ fortiter aggressus, tantam barbarorum quorundam matæologorum tunc Sorbonicum collegium dehonestantium, indignationem incurrit, vt voluntaria secessione vix illorum manus cruentitas effugerit. Seruauit illum tamen tum innocentia, tum vel maximè illius heroinæ Margaretæ Valesiæ Nauarrorum Reginæ apud fratrem Franciscum Regem intercessio, in cuius postea ciuitate Aquitanica Neraco, ad extremam senectutem, summa cum pietatis & incredibilis modestiæ laude, quietam vitam transegit: hoc etiam à Deo consequutus, vt sicut olim ex Isocratis schola optimi quique oratores, sic ex Stapulensis auditorio præstantissimi viri plurimi prodierint.


IOANNES  
MERCERVS, GALLVS,  
OCCITANVS, HEBRAI-  
CARVM LITERARVM IN  
ACADEMIA PARISI-  
ENSI REGIVS PRO-  
FESSOR.



IOANNES MERCERVS. GAL-  
LYS, OCCITANVS, HEBRAICARVM  
LITERARVM IN ACADEMIA PARI-  
SIENSI PROFESSOR.

**I**OANNES Mercerus apud Occitanas honesto lo-  
co natus, quum vtramque linguam adhuc adole-  
scēs didicisset, & eousque in iuris ciuilis cognitione pro-  
fecisset, vt Harmenopuli *θεόχρηστος* quod vocāt, è græco la-  
tinū faceret, mutato cōsilio, simulatque Vatablū Hebræa  
Luteriæ docentem audiuiſſet, tanto animi ardore stu-  
dium illius linguæ est amplexatus, vt illō è viuīs sublato,  
dignus vnus videretur qui tanto viro in illius profes-  
sione succederet. Hic verò quantum sese præstiterit, ad-  
iuncto ad quatuor linguarum exactam cognitionem,  
summāque diligentiam, iudicio longè acerrimo, do-  
ctissimæ ipsius prælectiones partim iam editæ, partim  
deinceps edendæ satis superque testantur. Accedebant  
autem ad hanc eruditionem summum pietatis studiū,  
candidum ingenium, modestia singularis, vita prorsus  
inculpabilis, adeò vt feruente ciuilibus ob religionem  
bellis Gallia, quanuis sacros libros non modò Gramma-  
ticè, sed etiam Christianè explicaret, saluum tamen il-  
lū & inuiolabilem amabiles ipsius mores fortiter in  
suo munere perseuerantem præstiterint, & ex eius v-  
nius penè schola prodiisse constet, quicumque in Galliis  
hodie paulò felicius hebraissant. Repetitis verò bellis  
Venerias ornatissimū quendam virum sequutus, ibique  
Hebræorum doctissimis admirationi habitus, quum ad  
stationem suam reuertens per Occitaniam iter faceret  
intempestiua planè morte sublatus, maximum sui desi-  
derium doctis piisque omnibus reliquit.

Y. j.



ROBERTVS STEPHANVS PA-  
RISIENSIS, REGIVS TY-  
POGRAPHVS.

171  
ROBERTVS STEPHANVS, PA-  
RISIENSIS, REGIVS TYPOGRAPHVS.


**S**I diuinum meritò censetur illud charaeterum  
inuentum quorum ope absentes compellamus,  
mortui etiam ipsi loquuntur, vis illa denique temporis  
omnia cōsumentis infringitur : cui potius quàm eidem  
Optimo Maximo Deo compendium illud scribendi pe-  
nè incredibile acceptū feremus, quod Typographicen  
appellant? Sicut igitur vituperatione maxima digni sūt  
qui tanto Dei munere, vel ad bona deprauada, vel ad ea  
publicanda quæ potius nunquam extitisse oportuit, a-  
butuntur : ita summam laudem merentur, qui suam o-  
peram, in arte tam laudabili tamque necessaria, strenuè  
simul & syncerè conferunt. Eiusmodi sanè fuit Venetiis,  
patrū memoria, diligēs simul & eruditus ille Aldus Ma-  
nutius Romanus, adeo quidem vt summum in hac ar-  
te gradum assequutus videretur. Eius vestigia Basileæ  
præsertim & Ioannes Frobenius & alii aliquot sequūti  
sunt, quibus res literaria plurimum debet. Sed quanto  
illi ceteros antecelluerunt, tanto maiorem tibi, Robèr-  
te Stephane, superiores omnes longè latèque supergres-  
so gloriam tribuendam esse vel ipsa fremens inuidia cō-  
fitetur. Nam vt alii tecum nonnulli de librorū quorun-  
dam excusorum elegancia & venustate certent, nemo  
tamen vel in operosissimis libris tecum in emendatio-  
nis fide ac diligentia fuerit comparandus. Tibi linguam  
Hebræam magnopere illustratam : tibi Græcorum cha-  
raeterum summam elegantiam : tibi partim in lucem  
reuocatos, partim fœlicissime restitutos, tū Græcos tum  
Latinos scriptores plurimos : tibi denique infinita qua-  
dam industria & inexhaustis laboribus ex omniū classi-  
corum auctorum penu depromptum latinæ linguæ The-  
saurum debemus. Sed hæc tua præcipua laus est, quòd  
non inanis gloriæ, non lucri cupidus, officinam tuam sa-

cris præsertim excudendis Bibliis consecrasti : quo in  
 opere toties recudendo, emendando, modisque omni-  
 bus illustrando, te ipsum quoque superasti. Nemo igitur  
 tibi suscepta cû Matæologis certamina, nemo stramineû  
 illud simulachrum exprobet, in quod illi qui te viuum  
 vstulare non potuerunt, omnem suam rabiem effude-  
 runt : sed hinc potius omnes quæ tua in illis oppugnan-  
 dis animi magnitudo, quæ in propugnâda veritate con-  
 stantia fuerit, animaduertant: quum cæteris rebus omni-  
 bus conscientix tranquillitate anteposita, solum etiam  
 vltro, ingrata relicta patria, verteris, in pristino instituto  
 iuuandæ rei literariæ ac præsertim Ecclesiæ perseueras,  
 donec annum agens vitæ LVI, anno Domini 1559, ad  
 meliorem vitam die Septembris septima demigrares,  
 ad cuius tumulum hos versiculos cecinimus.

Τὰς ποτ' Ἰουδαίης τε καὶ Ἑλλάδος, Αὐτογίνης τε  
 (Φεῦ, φεῦ) τὰς Μούσας δεῖν' ἀπελαυνομένης,  
 Λοβκετὴν μέτσει Στέφανος ξενίσσαστο διός,  
 Ὁ Στέφανος, πάντων χαλκογράφων σέφανος.  
 Εἰσόκε μισοκάλων ἐδελοντὴς πωλήθῃσιν ἀνδρῶν  
 Εἶξας, πολυετὴ οἷς πολέμῳσε χρονον,  
 ὦχετο πατρίδα καὶ φύλων, ἀχάρισον εἰῶσαν,  
 Γάλας τ' ἀλλοδαπῆς γαῖαν ἀμείψεν εἰλύ.  
 Καὶ κεῖ χαλκοβατὴ κούρας δόμον ἐννέα δέιμας,  
 Εἰς μακάρων τελέως ὀλβιος ἦκε δόμας.  
 Αὐτὰρ ὀποπταμένη πτόμα ξείνοιο λαβοῦσα,  
 Πλυῦσαι τ' ἰδίῳις δάκρυσιν Ἀονίδες,  
 Ἐννέα τ' ἀμφὶ νέκυι ξενὸν ἤματα κωκύσασα  
 Τῇ δεκάτῃ χλοερῶ θάψαν ἐν πεδίῳ.  
 Ὡς ἀμάραντον ἀεὶ καὶ πάντα ἐς ἡμέτα ζῶντα,  
 Χαλκογραφῶν θάλλειν τὸν Στέφανον σέφανον.



CLEMENS MAROTVS.








## CLEMENS MAROTVS, CA- DVRCENSIS, GALLICVS POETA.

**C**LEMENTEM Marotū citrà vllá linguarū vel artiū cognitionē, rara & excellēte quadam ingenii felicitate Gallos omnes poētas priores superantem, idcirco placuit tantis viris adiungere, quòd religionis causa bis exul in Psalterii triēte gallicis rythmis exprimēdo utilissimam, æternāque memoria dignam operam Ecclesiis nauarit, quanuis (vt qui in aula, pessima pietatis & honestatis magistra, vitam ferè omnem consumpsisset) mores parum Christianos ne in extrema quidem ætate emendarit: Taurini, Pedemontani præfecti Regii fauore tutus, circiter annum vitæ sexagesimum mortuus.






## IACOBVS PAVANAS. BOLO- NIENSIS.

**A**GE nunc ad ipsos veros verbi diuini ministros, eosdémque Martyres accedamus. Gulielmus Briconetus, nobili in primis familia Parisiis ortus, & Meldarum Episcopus, quæ ciuitas vnus diei itinere ab vrbe distat, quum cœpisset in Galliis quoque CHRISTI Euāgelium allatis Luteri libris illucescere, primus ausus est, concionandi munere in sua diocēsi monachis mendicantibus interdīcto, anno CHRISTI 1523, tum ipsemet, nouo prorsus exemplo, veritatem annuntiare, tum per adscitos ex Iacobi Fabri Stapulensis schola doctos quosdam Theologos promulgandam curare: tanti operis laudem proculdubio cæteris prærepturus, nisi partim crucis statim oblata terrore perculsus, partim à nonnullis quibus nimium tribuebat dementatus, turpi palindia gloriam hanc omnem ipse sibi inuidisset. Sed ô factū bene! Tantū enim abfuit vt aberrantem pastorem oues sequerentur, vt contrā Iacobus quidē Puanas, Bolognia, Picardix ciuitate celebri, ortus, eorum vnus quorum opera vsus ille initio fuerat, crudeliter Lutetix anno Domini 1525 vstulatus, protomartyris ibi nomē ac palmā retulerit: ex grege verò ipso alii cōstantia veri sui pastoris confirmati, nullis minis, nullaque suppliciorum acerbitate territi, quanuis quatuordecim martyribus anno Domini 1546, die Octobris sexto, vno eodémque igne crudelissimè crematis, ad hoc vsque tem-  
Z.j.

175  
pus fortissimè in veræ fidei professione perseverarint:  
alii verò vi tempestatis huc & illuc disiecti prima Me-  
tensis, Aureliensis, Sylvanectensis, Albiniaensis Ecclesia-  
rum fundamenta iecerint: eò admirabiliore Dei virtu-  
te quòd mechanicos omnes illos, pannorum videlicet  
textores, fuisse constat, tam bonarum artium & peregri-  
narum linguarum prorsus imperitos, quàm in sacrorum  
librorum lectione ad miraculum vsque exercitatos. Sic  
quò magis videtur interiisse veritas eò gloriosius viuit.






IOANNES CLERICVS, GALLVS,  
MELDENSIS, ECCLESIAE  
METENSIS PRIMVS IN-  
STAVRATOR.



IOANNES CLERICVS, GAL-  
LVVS, MELDENSIS, ECCLESIAE METEN-  
SIS PRIMVS INSTAVRATOR.

**I**VIVS Ioannis Clerici artificium fuit lanam pe-  
ttere, in quo dictum illud CHRISTI Domini no-  
stri reipsa fuit confirmatum, gratiam agentis patri quòd  
veram illam sapientia, potentibus, & doctis celatam, vi-  
libus & abiectis patefecisset. Hic igitur animosæ fidei  
plenus, quam partim ex Episcopi Briçoneti concioni-  
bus, partim ex gallicè utcunque tum versis Bibliis, & a-  
liis pauculis libellis diligenter lectis didicerat, apud suos  
Meldenses, quòd affixa in summo templo papisticis in-  
dulgentiis scheda, Papam Antichristum vocasset, virgis  
cæsus, quum sese Metas anno Domini 1523 recepisset,  
& inter suos idem artificium exercentes prima futuræ  
insignis Ecclesiæ fundamenta, Apostoli apud Corin-  
thios exemplum sequutus, iecisset: tandem peculiari  
quodam, ut exitus docuit, diuini Spiritus afflatu im-  
pulsus, noctu extra urbem euerfis in sacello quodâ, quo  
tota ciuitas Metensium erat postiidie concursura, ido-  
lis, manè apud vrbis portam deprehensus, captus, & eò-  
dem penè momèto damnatus: quo crudeliore pœna est  
affectus, (altero videlicet pugno truncatus, naso canden-  
tibus forcipibus abrepto, iisdemque brachio utroque,  
ipsisque mammis crudelissime perustis) tandem flammis  
subiectis vstulatus, eo gloriosiore victoriam tulit, quàm  
inter hæc tormenta ipsi crudelitati insultas, & illud Da-  
uidis altissima voce recitans, Idola gentium sunt argen-  
tum & aurum opus manum hominum, tanta constan-  
tia tū aduersariis territis, tum piis magnopere confir-  
matis, feliciter ad Dominum migraret.



LVDOVICVS BERQVINVS, ATTREBAS.


L. BERQVIN.





## LVDOVICVS BERQVINVS ATTREBAS.


**I**N Ludouico Berquino Attrebate, quem verè possumus *Ὀρθὴν* simul & *ἐξοχόν* appellare, Gallia fortassis alterum esset Luterum nacta, si qualem iste Saxonum ducem, talem hic Franciscum primum eius nominis Galliarum Regem esset expertus. Nec enim ei vel doctrinæ, vel promouendæ veritatis studium defuit: adfuit autem animi tâta generositas, vt maximè omnium tunc metuendos crabrones in ipsis eorum cavis, Bedam videlicet & à Quercu (de quibus scripserat procul illos cõfigens Erasmus, Lutetiæ Betam sapere & Quercum concionari) Matæologorum eius seculi principes, in ipso eorum sterquilinio sit ausus non modò vtcunque laceßere, sed impietatis etiam accusatos non vnus anni certamine tum voce tum scriptis strenuè exercere. Sed tunc quidem, vt postea sãpe, (CHRISTO nimirum non nisi sub cruce in Galliis triumphaturo) damnata in Berquino veritate, quum delecti iudices exurenda ipsius scripta ipsomet cernente & præterea perpētuis carceribus, excepta Regis venia, ipsum coërcendū pronuntiasent: at ego, inquit ille, mortem subire quàm veritatis damnationem vel tacitus approbare malim. Sequuta igitur vt in contumacem seueriore sententia, strangu-latus, ac deinceps crematus Berquinus, qua constantia scribere & loqui consueuerat, eadem mortē perpeßus, verè de aduersariis qui victores videbantur, iudicum sententia veluti cælitus rescissa, triumphauit: frugibus nocte post interitum illius proxima (qui fuit vñdecimus dies Nouembris anno Domini 1529) in tota Gallia frigore perustis, & grauissima tum fame tum etiam peste consequta.





## IOANNES CADURCVS. OC- CITANVS, LIMOXIENSIS.


**I**OANNEM Cadurcum Limoxiis, non ignobili Oc-  
citaniæ oppido, natum, sicut iura humana docen-  
tem admirata est Tholosa, sic ius diuinum asserentem  
est abominata: vsque adeò grassata superstitione, vt quū  
vtriusque iuris vnus & idem sit & auctor & præcipuus  
finis, nullos tamē Euangelica veritas infestiores & per-  
tinaciores iam pridē hostes habuerit, quàm eos qui se ius  
suum cuique tribuere gloriantur. Cadurcum igitur, quū  
legum humanarum explicandarum peritia esset aliquan-  
diu tutata, tandem anno Domini 1532, in aliquot pio-  
rū hominū cœtu, Bacchanalia, quæ in Epiphaniæ festo  
celebrari pseudecclesiæ Romanæ more consueuerunt,  
ausum liberius & redarguere & emendare, senatus Tho-  
losanus simul penè in carceres abreptum, & vitæ veniā,  
si modò palinodiam in schola publica vel leuissimè testa-  
retur, recusantem, damnatum, minimè tamen inultum,  
cremauit: siquidem ex pyra, quasi ex pulpito, habita di-  
uinissima concione, veritatem quam suo ipsius sanguine  
fanciebat, sic asseruit, vt quum in eam longè frequentis-  
simam Academiam ex omnibus Galliæ partibus con-  
fluere maximus studiosorum numerus cōsueuerit, non  
modò Tholosa, verum etiam in vniuersa Gallia purum  
verbi Dei semen sparsisse meritò videatur.





ALEXANDER CANVS, GAL  
LVS, EBROICENSIS.

**A**LXANDRV M Canum, ex Dominicano Christia  
num factum, sicut amplius cognoscendæ verita-  
tis desiderium in Sabaudiam ad Gulielmum Farellum  
audiendum pertraxit: ita eiusdem propagandæ incre-  
dibile studium in Galliam reduxit. Lugdunum igitur  
veniens, ibique priorum aliquot fratrum rogatu, quum a-  
liquot conciones priuatim habuisset, mox in vincula cõ-  
iectus, damnatus, & Lutetiã, quò prouocarat, abductus,  
qua animi fortitudine veritatem Euangelii promulgare  
cœperat, anno Domini 1534 gloriosissimi martyrii pa-  
mam tulit. Et hæc quidem instauratæ Lugdunensis Ec-  
clesiæ felicia primordia fuerunt.




IOANNES MASSO, GALLVS, AN-  
DEGAVENTIS, EIVSDEM  
ECCLESIAE PASTOR.



IOANNES MASSO. GALLVS,  
ANDEGAVENSIS, EIVSDEM ECCLE-  
SIÆ PASTOR.

**Q**UIBUS te satis dignis celebrauero laudibus Ioan-  
nes Masso, cui in ipsa adolescentia, annum videli-  
cet vicesimum secundum agenti, diuinitus datum est,  
amplis spretis opibus, & paternis tum precibus tum  
minis inflexibili, opus illud ingens, & nullis humanis vi-  
ribus præstandum aggredi simul & conficere? Quan-  
tum enim illud fuit, in media Lutetia, id est, intra ipsam  
piorum vstrinam atque in ipso superstitionis penetra-  
li, erecto Christi vexillo, signum vniuersæ Galliæ re-  
gno abolendæ falsæ religionis dare? Sed & tibi peculia-  
riter Andegauenses tui, itidemque Trecentenses constabi-  
litum apud se CHRISTI regnum debent. Quibus maxi-  
mis sanctissimisque laboribus ne martyrii cõrona deef-  
set, ecce te domum, vel ad tuam stationem potius pau-  
lò ante crudelissimam illam carnificinam Lutetia re-  
uersum, & in hortulo securè meditabandum, scelera-  
tus latro Monforellus, generis sui nobilitate infini-  
tis sceleribus contaminata, interfecit, paulò post eius  
ipsius ministris, cuius auctoritatem quasi imperato sce-  
leri prætexuit, iustas paulò post pœnas daturus. Quid i-  
gitur egisti scelerate? fores nimirum æternæ vitæ illi a-  
peruisti, quem voluisti perditum, vt in exitium tuis sce-  
leribus dignum te ipsum vltro præcipitem dares. Cæsus  
est autem vir iste præstantissimus annum agens vitæ tri-  
cesimum nonum, ab hoc grassatore Lutetia dispositis  
equis ad patrandas piorum cædes excurrente, anno Do-  
mini CIO. IO. LXXII: mense Septembri, anno  
Domini CIO. IO. LV, Ecclesiæ Parisiensis post ali-  
quot secula instauratæ primus pastor institutus.



IOANNES BORDELLVS,  
MATTHÆVS VERMELLIVS,  
PETRVS BURDO.






IOANNES BORDELLVS,

MATTHÆVS VERMELLIVS,

PETRVS BVRDO.


**Q**VÆ regio in terris (inquit ille apud poetam) nostri non plena laboris? At hoc liceat Gallis Martyribus sine fictione vsurpare, quorum sanguine Oceanus ipse Americanus rubuit. Huius sceleris auctor fuit Nicolaus quidam Villagagno, ex Rhodiorum equitum ordine, homo tum vasti corporis mole, tum ingenii feritate Polyphemum illum Cyclopem planè referens: qui quum Gasparis Colignii, magni Franciæ Thalassiarchæ, apud regem Henricum secundum gratiosissimi intercessionibus binas instructas naues & aliquid pecuniæ obtinuisset, & cum iis ad Brasiliæ littus, fluuiique, quem Ienarum vocant, ostiû, gradibus trans æquinoctialé tribus ab antarctico polo distans appulisset: simulato vrbis ibi condendæ, & veræ religionis, cui fauere Amiralium norat, constitundæ studio, missis etiam ad Geneuensem Ecclesiam literis obnixè petens vt ad se vnà cum ministris duobus aliquot fratres pii, seminarium Ecclesiæ futuri, transmittentur, facile scilicet quod petebat, non paucis sese vtrò tâtæ rei nouitate incensis offerétibus, impetrauit. Mittuntur igitur ministri duo, Petrus Richerius & Gulielmus Carterius, spectatæ vtrique tum doctrinæ tum pietatis, quibus sese non pauci ex diuersis Galliæ partibus vnà cum vxoribus & liberis adiunxerunt, & eos quidem post difficilem multorum mensium nauigationem tandem appullos initio Villagagno quàm benignissimè excipit: Geneuensibus per literas gratias agit ingentes: Amiralio quiduis in posterum pollicetur: Ecclesiam pastorum

consilio instituit : denique magna quadam spe complet  
omniū animos, ad eò vt in Gallia de frequentissima pio-  
rum colonia eò deducenda deliberaretur. Sed ecce Vil-  
lagagno Henricum Regem istarum rerū nuntiis offen-  
sum intelligēs, quod diu texerat apertè prodit, & quid-  
quid rectè constitutum erat paulatim euertens, alios mi-  
serabili seruitute premit, aliis dira minitatur, palam de-  
nique sœuam & horribilem tyrannidem exercet. Sece-  
dunt itaque nonnulli, & opportunitatem cuiusdā Brit-  
tonicæ naui nacti, reditum in Galliam parant, quò vix  
tamen, inaudita fame tolerata, coria etiam ipsa mande-  
re coacti, semianimes peruenerunt. Erāt autem ii omni-  
no sedecim, ex quorum numero quatuor de reditu de-  
sperantes vix octodecim miliaribus confectis in conti-  
nentem, ac deinceps ad Villagagnonem regressi, tantū  
abest vt immanem illum Cyclopem rationibus aut pre-  
cibus vllis ad misericordiam flectere potuerint, vt con-  
trā compedibus constrictos, & in teterrimum cárcerem  
coniectos fidei suæ rationem ab illis exegerit. Respon-  
dit constanter suo & sociorum nomine Ioannes Bordel-  
lus, quæ confessio in gallica Martyrum historia legitur.  
Quid plura? tres ex illis in veritatis confessione perse-  
uerantes, quarto nonnihil vacillante, Oceano mergen-  
dos curat, quorum beatam memoriam hoc loco cele-  
brandam putauī. Et hæc quidem anno Domini 1558.  
vertente contigerunt, quum in Americam Villagagno  
die 15. Iulij, anno 1555. appulisset, vnde ipse postea  
desperatis rebus, in Galliam reuersus, & scriptis ineptis-  
simis veritatem aggressus oppugnare, inglorius & pro  
infano habitus, miseram tandem vitam, igne sacro illū  
inuadente, finiuit.



Bb. j.

A. B. R. G. I. V. S.





ANNAS BURGIVS, GALLVS.  
ARVERNVS, IN SVPREMA CVRIA PA-  
RISIENSI CONSILIARIVS.

**I**c ille est Annas Burgius, cuius patruus sub Fran-  
cisco primo Rege Cancellariatu, summo rogato  
munere, functus est: qui ius ciuile primum maxima cū  
eruditionis laude in academia Aureliensi professus, ac  
deinceps vltro in Parisiense curiā adscitus, ibique inte-  
gerrimi diligentissimique iudicis famam adeptus, tandē  
que occultis adhuc piorū cœtibus adiunctus, quum Hé-  
rico, eius nominis secundo, Rege pro tribunali sedente  
totoque audiente Senatu, sententiam de pœnis in eos  
quos hereticos vocabant statuendis, rogatus, liberrimē  
de vera religione, iustaque conuocanda synodo, decima  
Iunii anno Domini millesimo quingentesimo quinquā-  
gesimonono disseruisset, Rege mox per Cardinalem Lo-  
tharingum eō vsque commoto, vt neglecto maiorū mo-  
re, illum mox in carceres trahi iuberet, tandem post du-  
rissimam capitiuitatem, ad varia iudicum subsellia per-  
tractus, edita preclara Christianæ fidei confessione, vi-  
cesima prima Decembris, eodē anno vertente, hæreseos  
damnatus, primum quidem strāgulatus ac deinceps cre-  
matus, piā animam Christo reddidit: Rege quidē ipso  
(alioqui per se non malo) tribus post illum in carcerem  
coniectum hebdomadibus, in medio nuptiarum sororis  
apparatu, in ludicro hastatorum certamine, eius ipsius  
manu à quo prehēdi Burgium iusserat, lethaliter vulne-  
rato, & vndecim post diebus mortuo: Senatu verò sese  
(paucorum quorundam culpa) ab eo die quo Burgium  
damnauit, longē maxima libertatis & auctoritatis anti-  
quæ parte (vt plerique existimarunt) vltro abdicante.

Bb. ij.

AVGVSTINVS MARLORATVS.







AVGVSTINVS MARLORATVS,  
LOTHARINGVS, ROTOMAGENSIS EC  
CLESIAE PASTOR.

**A**VGVSTINVM Marloratū in pseudAugustiniano  
rum mendicantium cloacam vix octennem, agna  
torū astu ipsius bonis inhiantiū abreptū, singularis quē  
dam numinis prouidentia ex illo cœno mirabiliter e  
rutum, in Ecclesiam Christianam, magnum eius futurū  
ornamentum, traduxit. Linguarum enim & purioris  
Theologiae studiis deditum tandem puduit pigris alen  
dis ventribus, ipsius eruditione ac labore ad turpe lu  
crum abutentibus, operam suam diutius commodare.  
Itaque postquam Biturigibus, Pictauis, & Andegauis E  
uangelium, quantum quidem cucullato licebat, promul  
gasset, Lausanam, Bernensis Reip. academiam, venit:  
vbi quietem studiis suis opportunam & sui exercendi fa  
cultatem nactus, Viuiacensis videlicet Ecclesiae haud pro  
cul extremolacu Lemano designatus, vix credibile est  
quantum & legendo & scribendo profecerit, id quod  
præclari ipsius tum in Genesin tum in Esaiam, tum in  
omnes noui Testamenti libros commentarii, perpetuo  
quodam nexu ex optimis quibusque recentioribus in  
terpretibus mirabiliter contexti, demonstrant. Inde  
verò Rotomagū accitus, Ecclesiam illam populosissimā  
tunc primum post multa secula renascentē, tā sanctē si  
mul ac prudenter erudiit, vt sua illum probitas tutū ab  
omnibus quantumuis sæuientibus aduersariis præstite  
rit. Deinceps autē postquam Pissiacenæ disputationi in  
terfuisset, exorto paulò post ciuili bello, ipsaque Roto  
Bb. iij.

128  
magēi ciuitate post durissimā obsidionem expugnata,  
captus, quanuis in tanta crudelissimorum aduersariorū  
urba nullus ipsum accusaret, imò etiam ex aduersa-  
riis plurimi saluum cuperēt, nihilominus tamen, vt ni-  
hil ad extremam scuitiam deesset, Anna Monmoratio  
Cónestabili, & Francisco Duce Guisio sic iubētibus, vnā  
cum tribus aliis præcipuæ dignitatis ciuibus suspendio  
innocentem vitam finiens, æternam hereditatem adiit,  
XXX. Octobris, anno Domini CIO .ID. L XII, annos  
natus L V I.









**V**ALDENSES ab Alpium anfractibus, in quos sese iam pridem receperunt, appellatos, liceat mihi veteris Christianæ purioris Ecclesiæ semen vocare, ut pote quos constet verè admirabili Dei prouidentia, neque illis infinitis tempestatibus, quibus est per tot secula Christianus orbis concussus, & Occidens tandem à pseud-Episcopo Romano miserè oppressus, neque aduersus illos propriè excitatis horribilibus persecutionibus eò potuisse adduci, ut idolomania & Romanæ tyrannidi assentirentur. Eorum igitur alii sunt pauperes Lugdunenses vocati, quibus Ioannes quidam Lugdunensis mercator præfuisse existimatur, addito etiam illi cognomento à Valdo, quem perperam nonnulli Valdensium fratrum, quasi sectæ cuiusdam, auctorem faciunt, quum ipse potius, quod inter Valdenses celebris esset ac haberetur, cognomentum inde acceperit : alii in alpinis saltibus constiterunt : alii sunt Albigenenses vocati, quod in eas Occitanæ Galliæ partes secessissent : alii traiecta Italia in Apulia & Calabria sedes posuerunt : alii denique in Morauiam vsque secesserunt : qui omnes (exceptis Albigenensibus longissimo tandem bello partim attritis partim expulsis) frustra repugnante Satana etiamnum hodie tum doctrina tum innocentissimæ vitæ exemplis florentes Ecclesias habent. Ac de cæteris quidem fortassis aliàs, quum nunc sit à nobis de solis Alpinis sermo institutus. Eorum igitur alii Sabaudia Ducis subfunt, alii Galliæ Regi. Utrosque incredibile est dictu quibus & quot modis perdere certatim, instigante Pontifice Romano, Princeps illi studuerint, tutante tamen eos, tum aduersus prædones paupertate, tum aduersus infinitas calumnias, testatissima vitæ innocentia. Obso-


teuerat tamen inter eos paulatim doctrinæ puritas, sed pietatis studium minimè refrixerat. Itaque quum de puriore Christianismo in Heluetia vicinisque regionibus annuntiato cognouissent, duos ex suis pastoribus quos Barbas (id est patruos) vocant, Bernam ad Bertholdum Hallerum, Basiliam ad Oecolampadium, Argentinam ad Bucerum & Capitonem, Neocomum denique duos alios ad Gulielmū Farellum miserunt, consilium de instaurandis ipsorum Ecclesiis petituros. Horum vnus MARTINVS GONINVS, Ecclesiæ Angro-nianæ pastor, Gratianopoli in reditu cum literis deprehensus, & veritatem constanter professus, nocte intempesta submersus (qui enim malè agunt lucem fugiunt) martyrii palmam tulit. Id verò tantum abest vt Valdenses perterrefecerit, vt contrà auctis animis, non suas modò & Calabrensiū fratrum Ecclesias, priorum temporū veluti rubigine quadam obsitas, repurgarent, sed etiam (seculis omnibus memorabili in omnes Gallias Ecclesias beneficio) quanuis inopes, & vndique turbulentissimis illis temporibus Satana ipsos adoriente, primam illam Gallicam ex hebræis Bibliorum interpretationem, auctore quidem Petro Roberto hebrææ linguæ peritissimo, adiutore verò Ioanne Caluino absolutam, suis sumptibus Neocomi, anno Domini 1535, excudendam curarint: vt quòd hodie Biblia gallicè leguntur, (quāquam paulatim postea exactiore cura cum hebræis collata) Valdensiū Ecclesiis acceptum meritò feratur. Hæc igitur ferre quum Antichristiani non possent, cò vsque tandem illos homicida ille spiritus impulit, vt, auctore Ioanne Miniero senatus Aquensis Præsidente, senatusconsulto iniquissimo factò, & Rege Francisco Cardinalis Turnonii calumniis circumuento, mense Aprili, anno CIO. IO. XLV, peditum equitumque copiis aduersus innocentissimos & inermes homines

nes eductis, nullo neque ætatis, neque sexus discrimine promiscuè in quosuis sæuierint, atque adedò nō ædificiis, nō arboribus ipsis pepercerint: addito interdīcto sub capitis pœna, si quis miserè vagātibus & famelicis vel tantillū opis præberet: sic igitur ea strages est edita, qua nullam vnquam immaniolem ne inter barbaros quidem extitisse constat. Seruauit tamen Dominus suorum reliquias, vsque adedò fœcundas, vt nunc rursus & religionis puritate & omnium Christianarum virtutum exemplis insignes Ecclesias habeāt, Deo quoque variis pœnis Minierum illum & alios nō paucos, quibus homines pepercerant, horribiliter ulto. Nec ab eo tempore aliud præter minas sunt experti, donec vnus ex eorum ministris Georgius Varalius Taurini interceptus, ibidem pulcerrima edita cōfessione, anno Domini 1558, die Decēbris penultima cremaretur. Restituta verò Duci Philberto Emanueli Sabaudia, & si pontifice Romano Ducem alioqui ad Valdenses turbandos minime propensum, assiduus clamoribus cogēte, bello sunt appetiti, cōque feruente, vici S. Germani pastor crudelissimè fuit Pignerolis vstularus: tamē ipsis quidem pacem tolerabilibus conditionibus, manente præsertim integro Euangelii ministerio, consequutis, Duce verò datam ipsis fidem sanctè obseruante, felix illius motus fuisse finis merito videtur.






CHRISTIANISMI IN ANGLIA  
RESTITVTI INSTAVRATORES ET  
ASSERTORES CONSTANTISSIMI.





 VVM à Ioannis vsque Wiclefi temporibus, veritatis, semen subinde, sanguine martyrum aliquorum tum virorum tum fœminarum, rigatum emerisset: sub Eduardo, beatæ memoriæ rege, quàm diligentissimè excultum, Mariæ tandem temporibus, quo ardentius, præeunte Cardinali apostata Reginaldo Polo, illud radicitus extirpare restituti pseud-Episcopi sunt conati, tantò fœcundius, quasi certatim ad martyrium concurrentibus omnium ordinû hominibus effloruit: quorû aliquos sufficiat nominasse. Huius igitur pulcèrrimi triûphi quasi choragus fuit IOANNES ROGERIVS, qui Cantabrigiæ bonis literis imbutus, indèque Tyndallû ac Couerdallum, (vtrûmque pietate & eruditione insignè, ac illum quidem in primis Anglica bibliorum versione celebrè, & martyrio tandem, anno Domini 1530, per Louaniëses theologos Wiluordi coronatum) in Brabatiâ profugientes sequutus, vxore ibi ducta, Witebergâ venit, ibique Germanicæ linguæ vsque ad eò peritus euasit, vt etiam Euâgelii ministerio sit defunctus: donec, Eduardo Rege Christianismum in Angliâ instaurante, ipse quoque in patriam reuersus, auctore magno illo Nicolao Ridlæo Episcopo Londinensi, professor Theologiæ atque ad eò concionator in æde S. Pauli designaretur. Succedente verò post Eduardum fratrem christianum Maria christianismo inimicissima, & seuerissimis edictis Euangelicum ministerium inhiibète, perstitit nihilominus in suo munere Rogerius, donec in carcerè tractus, qua cõstantia Christi veritatem annuntiarat, eâdem illam moriens, veluti ianua martyrii cæteris patefacta, Londini IIII. Februarii, anno Domini CIO. IO. LVII, sanciuuit. Hunc in eadẽ causa, parique prorsus constantia munere concionandi, tum in oppido quod Northamptonum vocant, tum in ipsa vrbe Londinensi, fortissimè defunctus, vir eruditissimus LAURENTIVS SVNDERSIVS, sequutus quarto post Rogeriû die, VIII

videlicet Februarii Couentriam Londino ductus, pulcherrimum de morte triumphum tulit: vt eiufdē mensis die 22, R O L A N D V S T Æ L O R V S, Hadleienſis Eccleſiæ in Suffolciæ prouincia miniſter: itemque biduo poſt GEORGIVS MARCHÆVS Eccleſiæ Lōgthoniēſis paſtor, vtérque ſuum gregem, ille quidem Hadleia vrbis præſentē pio ſuo paſtori illachrymātem, iſte verò grauiffimis ex carcere literis ſcriptis, in quo totos ferè octo mēſes excruciatuſ eſt, ad conſtantiā cohortatuſ. Sed quinque præterea martyrum inter cæteros admirabilia certamina fuerunt, I O A N N I S videlicet B R A D F O R T I in Eccleſia Londinenſi miniſtri (cuiuſ aduerſuſ pſeud-Epiſcopoſ acerrimæ diſputationeſ extant) Londini X. Iulii, anno Domini CIO. IO. LV, vnā cum octodecim annorum adoleſcente I O A N N E L I E F A cremati: R O B E R T I S A M V E L I S Eccleſiæ Bartholomæiſ in Suffolciæ prouincia paſtoris, poſtquam crudeliſſima quæque, ac præſertim horribilem famē in carcere Norduicenſi, decernente pſeud-Epiſcopo Nordmiēſi perpeſſuſ eſſet, tandem ibidem II. Septembris eodem anno CIO. IO. LV. combuſti: I O A N N I S P H I L P O T I equeſtris familiæ & Vintonienſis Eccleſiæ, viuēte Eduardo Rege, Archidiaconi, cuiuſ quæ quantæque fuerit tum eruditio, tum pietas, ex eo conſtat quòd illi fauēte nobilitate, nemo neque ſæpiuſ repetitiſ diſputationibuſ fuerit acriuſ oppugnatuſ, neque ſolidiuſ, tū ex ipſo Dei verbo, tū ex patrū ſcriptiſ aduerſariuſ refutauit. Itaque fuit & ipſe viuus Lōdini anno Domini CIO. IO. LVI, annū agens duntaxat XLIII, crematuſ. Idem annuſ duorum præterea diuerſæ conditioniſ, T H O M Æ videlicet V I D L E I & G E O R G I I E G L I, martyrio celebriſ fuit: quorū ille Kyrbeiēſis Eccleſiæ parochuſ, quum aduerſuſ Mariana edicta munere ſuo fungi non deſiſteret, captuſ & à Bonero Londinenſi pſeud-Epiſcopo tandem etiam blāditiarum genere illectuſ, ſubſcripſit quidam contrariis erroribuſ, ſed eodem penè momento quum

quum repetitam à scriba schedam abiurationis discerpisset, ab Episcopo crudeliter verberat<sup>9</sup>, & vicesima die Ianuarii, anno Domini 1556, Londini crudeliter crematus, tum quæ sit ipsorum etiã electorum imbecillitas, tum quæ in illis quoque collapsis rursus erigendis, Dei Opt. Max. benignitas simul ostendit: alter verò Eglus nomine, artificio tutor, admirabili zelo ductus, quòd Ecclesias pastoribus destitutas videret, percurrere illas ipse, & prout egregiis Dei donis pollebat, sigillatim etiã quoscunque poterat consolari & confirmare prius non destitit quàm palàm proscrip̃tus, amplisq̃ue præmiis ei propositis qui deprehensum sisteret, captus tandem & quasi violatæ Maiestatis Regiæ cõuictus, semivivus exteratus & membratim discerptus martyrii palmam ferret. Liceat denique mihi superioribus exemplis duplex aliud adiungere: vnum adolescentis & genere & virtute nobilis GVLIELMI HVNTERI, quem pro Christi nomine anno Domini 1555. cremandum, & psalmum octuagesimum quartum concinentem pater & mater cohortantes sunt ad rogum vsque comitati, vetere illo Machabeorum fratrum exemplo renouato, hoc tamen excepto, quod illa quidẽ fuit suis liberis in ipsa quoque morte socia, istis verò, quanuis libenter filio commorituris, pepercisse in pœnam lentiores videtur aduersariorum clementia: quos tamen superstites filio manere Deus voluit, vt spectatius & diuturnius extaret tantæ virtutis exemplum: alterum IOANNIS HVLLERII Ecclesiæ Padamensis in Cantabrigiensi ditione pastoris, eodem anno martyrii palmam consequuti, cuius literas quæ extant sub mortem ynà cum precibus adiunctis conscriptæ vtinam omnes ii legant & meditentur qui gloriæ Dei zelum humana prudentia temperandum esse somniant. Sed tempus est vt ad celebriores etiã alios accedamus.

Dd. j.

210  
THOMAS CRAMMERVS.






THOMAS CRAMMERVS, AN-  
GLVS, CANTVARIENSIS ARCHIEPI-  
SCOPVS, ANGLIÆ PRIMAS.

**T**er felix quinquertium, veterum Martyrum Epi-  
scoporum obsoletam memoriam renouans! O  
beatam quoque tantis viris Angliam, nisi gentis decus  
immanitas quorundam penè totam aboleuisset! Horum  
primus age commemoretur Thomas ille Crammerus,  
Cantuariensis sub Eduardo sexto Rege Archiepiscopus,  
veræ religionis instaurator atque propugnator for-  
tissimus: quem quum Mariæ Reginae, Marii illius crude-  
litate verè referentibus aut etiã superantibus tempori-  
bus abreptum, & miserrima biennii captiuitate aliquate-  
nus fractû, pseud-Episcopi accusatores simul & iudices  
ad ignis pœnâ dånassent, At tu (inquit) dextra quæ dam-  
natæ schædæ, metu mortis, subscripsisti, pœnas huius  
facinoris luito: moxque receptis animis, vltroque con-  
scēsa pyra, dextram intrepidus altissimè sublatam, flam-  
misque iniectam, tantisper dum penè tota, illæso maxi-  
ma ex parte reliquo corpore, cremaretur, immotam  
mediis in flammis tenuit: minus certè memorabili futu-  
ra tanti viri constantia, nisi ex admissa culpa creuisset.  
Liceat autem hîc mihi Basilii magni verba in Barleami,  
fortissimi in eadē causa sub Diocletiano Martyris, haud  
dissimile factum commemorare. Flamma (inquit ille)  
& Martyris dextra inter se commissæ luctabantur, sed  
penes dextram nouo quodam luctationis arte stetit vi-  
ctoria, flamma quidem per mediam manum sese effun-

Dd.ij.

dente, dextra verò semper rigidè ad luctam intensa. O manū ignibus ipsis in certamine obstinatiores! ô manū igni cedere indocilē! ô ignem manu vinci edoctum! Ferrum igitur resolutum ignis tyrannidi succūbit, ac ignis potētiae cedit, à quo sese quoque superari lapidum durties quantunvis renitens fatetur : sed vis tamen illa flammæ quantunvis sese intendens, rigidam Martyris dextram minimè inflexit, vt meritò propterea Martyr apud Dominum clamare potuerit, Corripuisti manum dextram meam, tuoque me consilio deduxisti, & gloriosè me assumpsisti. Et hic quidem fuit Crammeri sexagesimum octauum annum agentis triūphus Londini actus, vicesima prima Martii, anno Domini millesimo quingentesimo quinquagesimo sexto.

Dd.iii.



HVGO  
LATIMERVS,  
WOLCESTRENSIS EPI-  
SCOPVS, ET NICOLAVS RI-  
DLEVS, LONDINEN-  
SIS EPISCO-  
PVS.








HUGO LATIMERVS, WOL-  
CESTRENSIS EPISCOPVS, ET NICO-  
LAUS RIDLEVS, LONDINENSIS EPIS-  
COPVS.

**P**RÆIERANT Crammero, eo ipso loco & ob ean-  
dem causam crudelissimè vstulati duo constantis-  
simi martyres Episcopi, Hugo Latimerus octuagenario  
maior, ex Cantabrigiensi academia ad Episcopatum  
meritò ascitus, & Nicolaus Ridleus, Londinensis Episco-  
pus, tum genere tum omni virtute nobilis: ille quidem  
planè ceu Polycarpus alter, siue supplicii causam & ge-  
nus, siue ætatem, & sermones in morte habitos specte-  
mus: hic verò cum Ignatio planè comparandus, si præ-  
fertim: eius scriptum de Cœna Domini, breue quidem  
illud sed Apostolico planè spiritu dictatum expendatur:  
nisi fortè Reginaldum Polum Cardinalem, & Stepha-  
num Gardinerum Vintoniensem pseud-Episcopum, & Bo-  
nerum itidè pseud-Episcopum Londinensem, minus  
crudeles bestias fuisse arbitremur, quàm quæ Ignatium  
vorarunt.





IOANNES HOPPERVS, GLO-  
CESTRENSIS EPISCOPVS, ET ROBER-  
TVS FERRORVS, SANCTI DAVIDIS  
EPISCOPVS.

**A**T illi tuæ diuini prorsus animi fortitudini comme-  
morandæ, Ioannes Hoppere, quæ tandem voces  
fuffecerint? quem ob veram religionem sub Eduardo  
Rege fortiter & verbis & inculpatæ vitæ exemplis asser-  
tam, Marianis temporibus arreptum, non carcerum  
squalor, non sæuissimæ pœnæ grauitas, non procerum  
& amicorum malè sibi & tibi consulentium preces & la-  
crymæ, non iamiam pyrâ conscensuro propositū ob ocu-  
los Reginae diploma, quo tum vita tum maximi hono-  
res abiurato concedebantur, vel tantillum commo-  
uerunt, quominus, vt fortissimus ille Gordius Basilio  
magno tantopere celebratus, ignem vltro subires, ibi-  
que (dictū penè incredibile) tribus horæ quadrantibus  
immotus in mediis flammis perstans, intestinis etiam  
ipsis in ignem effusis, alteroque decidente in flammam  
brachio, confirmatis tātæ constantiæ exēplo Glocestren-  
sibus tuis, quos antea fidus Episcopus sincera doctrina  
paueras, ipsa denique sese victam fatente hostium imma-  
nitate, Christo tuo adiungereris. Sunt autem hæc acta  
Glocestriæ decima quarta Februarii, anno Domini mil-  
lesimo quingētesimo quinquagesimo quinto. Hūc verò  
vt in functione pari, sic in fide, inuictaque constantia so-  
cius, Robertus Ferrorus, sancti Dauidis Episcopus, duo-  
decimo post die sequutus est, Carmardis, Diocesis sue  
ciuitate, nec minus crudeliter vstulatus, nec minus  
fortiter Christum professus.





RESTITVTI IN SCOTIA  
CHRISTIANISMI · INSTAVRATORES  
PRÆCIPVI.

Ec. ij.

220  
IOANNES CNOXVS.





## IOANNES CNOXVS, SCOTVS, GIFFORDIENSIS.

**E**T SI distincta fuerunt semper Angliæ & Scotiæ regna suis tū finibus tum regibus, dixisse tantum liceat fuisse nostra patrūque memoria tum aduersus Christum initio consociata, tum ad Christum rursus mutuis operis adiuncta. Sicut autem illius aduersus veritatem conspirationis auctor quidem præcipuus fuit Romanus ille pontifex, administrī verò Cardinales & pseud-Episcopi, totus ille denique pseudoclerus, ab illo haud secus quàm à suo numine dependens: sic ad ius illud suum recuperandum CHRISTVS fidos homines admirabili virtute instructos vtroque excitauit. Ac de Anglis quidē dictum esto, à quibus ad Scotos transeūtibz primus occurrit magnus ille IOANNES CNOXVS, quem si Scotorum, in verò Dei cultu instaurando, velut Apostolum quendam dixero, dixisse me quod res est existimabo, & sequēs vera ipsius vitæ narratio testabitur. Cnoxus igitur (vt manifestè appareat totum hoc admirabile Domini opus esse) ad Ioannis illius Maioris, celeberrimi inter Sophistas nominis, veluti pedes in Sanctandree oppido educatus, atque adeò sacerdos factus, apertaque celebri schola, quum iā videretur illo suo præceptore nihilo inferior Sophista futurus, lucem tamē in tenebris & sibi & aliis accēdit. Siquidem Hieronymi & Augustini libros ibi nactus, ex eorū scriptis, non fastidire modò, sed etiam redarguere multa vsque adeò liberè cœpit, Edimburgum præsertim regiam ciuitatem euocatus, vt Hamestonum vnicum tūc piorum asyllum perfergere cogeretur. Ibi verò tandem.

Ec. iij.

liberrima edita cōfessione, prēmium illud à Dauide Be-  
 rono Archiepiscopo Sanctandreano, & quidem Cardina-  
 li, Scotiæ primate tulit, quale ab hoc hominum genere  
 piis persolui solet, hærescos damnatus absēs, sacerdotio  
 exutus, per insidias etiam, appositis percussoribus, truci  
 dandus, nisi Dei prouidentia commendatum illum Lan-  
 gudrio præcipuæ nobilitatis viro conseruasset. Sequuti  
 sunt postea tumultus in Scotia maximi, cæso ab ini-  
 micis Cardinali, arce Sanctandreana à Gallis expugnata,  
 intercepto quoque Cnoxo, qui contra pseudepiscopo-  
 rum expectationem liberatus, Veruicum urbem in An-  
 glia & Scotiæ finibus sitam quum venisset, & in certa-  
 mē cū illius ciuitatis pseud-Episcopo descēdisset, vtro-  
 que ad supremum Angliæ senatum reiecto, (tum autem  
 Eduardus regnare cœperat) tantum effecit vt victo-  
 ria penes veritatem stante, damnaretur quidem falsæ  
 religionis pseudepiscopus, ipsum verò tum pietas tum  
 diligentia magnopere commendaret. Inde Nouocastrū  
 ac deinceps Londinum ad Regem accito quum Episco-  
 patus quidam offerretur, tantum abest vt illum recepe-  
 rit, vt etiam in totam illam verè Satanicam potestatem  
 grauitè sit inuectus, vt quæ diuino iure nullo nitatur, ac  
 ne ex veteribus quidem canonibus administretur: qua  
 in re, & si non obtinuit (quod si & in Anglia & alibi factū  
 esset, id est si causa illa Tyrannidis omnis Ecclesiastica  
 præcipua & primaria esset sublata, longè alia facies Eccle-  
 siarum esset) cōsciētiam tamē suam singulari cū christia-  
 næ modestiæ exemplo liberauit. Excepit hæc tempora  
 tempestas illa horribilis quæ Cnoxum, inter ceteros Ge-  
 neuam vsque expulit, vbi aliquot annos vnà cum reli-  
 quis Anglis exulibus maxima cum omnium virtutū lau-  
 de versatus, tandem consiliis omnibus cum Ioanne Cal-  
 uino communicatis, in patriam anno Domini 1559. re-  
 uersus, incredibile est quanta diuini planè spiritus virtu-



re fretus Euangeliū annuntiarit, vsque adeò vicissim ip-  
 sius pietati ac diligētīæ fauente numine, vt velut ipsius  
 cōspectum ne idolis quidē ferētibus profligata Idolola-  
 tria, non verā tātū doctrinā, sed etiam verā & ad diui-  
 ni verbi normam exactā disciplinā passim tum verbis tū  
 re ipsa statuerit. Neque verò fuerunt breuis alicuius tē-  
 poris illi labores, Satana modis omnibus hoc opus impe-  
 diente, sed tredecim totos annos Edimburgi athleta  
 Christi fortissimē depugnauit: donec corporis imbe-  
 cillitate victus, anno Domini 1572, V. Idus Nouēbris,  
 haud secus quā olim Eradium Augustinus, ita Cnoxus  
 legitimis Ecclesiæ suffragiis sibi, non in vlla gradus pseu-  
 d-Episcopatus tyrānide, cui meritò fuit inimicissimus,  
 sed in Euangelico ministerio vnā cum reliquis colle-  
 gis & presbyteris æquo prorsus iure administrando, Ioan-  
 nem Lausonium, spectatissimæ tum doctrinæ tum in  
 regritatis hominem, successorem designatū, maxima cū  
 gratulatione amplexus, Ecclesiæ valediceret: vita ad vi-  
 gesimum quartum vsque diem Decembris domi in le-  
 ctulo tam piē & sanctē producta, vt integerrima quin-  
 quaginta septem annorum vita beatissimo exitu veluti  
 coronata, meritò ambigatur meliúsne vixerit an beatius  
 vitam finierit, singulare quidem certe felicissimæ tum  
 vitæ, tum mortis exemplum cunctis reliquerit.



PATRICIVS HA-  
MELTO, SCO-  
TVS.



PATRICIVS HAMELTO,  
SCOTVS.


**S**EVIT quidem Cnoxus verbi diuini semen in Scotia quam latissimè, sed solo iam antea eade nonnullorum martyrum subactò, inter quos primum locū tenet PATRICIVS HAMELTO, vt quī Hameltonū familia Regiū quoque sanguinem attingente natus, quū literarum studio feruens in Germaniam quoque venisset, tantūmque ibi in bonarum artium ac linguarum cognitione profecisset, vt Marpurgi, nobili Lantgrauiorum Hassiæ Academia, maxima cum eruditionis laude, sit illas aliquandiu professus, ostendit in patriam rediens, CHRISTI cruce cunctis vitæ cōmodis anteposita, anno Domini 1530, à Dauide Betono Archiepiscopo Sanct-andreano, egregiam operam Romanæ bestiæ nauante, hæreseos damnatus, regium Hameltonum genus à suis gentilibus postea contaminatum, pretiosissima illa martyrii corona nobilitauit.





## ADAMVS VALLACVS, SCOTVS.

**S** Ex 10 post Patriciū anno, quinque martyres velut ex illius cineribus exorti, ex variis ordinibus, ciuidē Cardinalis opera cremati sunt Edimburgi, duo videlicet Dominicani monachi, sacerdos vnus, Canonicus quidā, vnus denique ex nobilitate, omine quodam felici futurum vt tandem in Scotia Christus omnium ordinum homines ad se adscisceret. Sed insigne fuit in primis Adami Vallaci martyrium, in eadem vrbe anno Domini 1559. mensis Iulii die decima septima, publice in magno confesso auditi, damnati, cremati, tantò maiore cum fructu, quantò plures illum liberè Christum asserentē, & aduersarios solis conuitiis & minis pugnantibus verbo diuino refellentem, constantissimè denique morientem audierunt, oculisque suis conspexerunt.





ALEXANDER ALESIVS, SCOTVS, LIPSIAE THEOLOGIAE PROFESSOR.


**A**LIVD eximium Scotiae decus in patria futurus erat Alexander Alesius, nisi Deus illū prius ex hac vita euocasset, quā Scotia, receptis oculis, Euangelii lumen penitus amplecteretur. Expulsus igitur Scotia, venit in Angliam, vbi Thomae Cromellii, maxima tum auctoritate apud Henricum VIII. Regem pollentis, benevolentia fretus, tum priuatim, tum etiam in publico omnium Episcoporum tum fortē à Rege, Romani pontificis propter nouas nuptias inimico, conuocatorū confessu, fortissimē, quāuis non eo prorsus quem boni optabant successu, veritatem asseruit. Sed quod Scotia & Anglia neglexerant arripuit auidissimē Saxonia, vt quae exceptum Alesium ad mortem vsque fouerit, doctis omnibus charū, magno illi praesertim Philippo Melanchthoni tam probatum, vt illum sibi praeceteris ad pacandam Norimbergensem Ecclesiam Osiandri deliriis turbatam collegā adscisceret, solidē videlicet ac syncerē veritatem aduersus sophistas tueri cōsuetum, quod ipsius quoque scripta, pauca quidem illa, sed eruditionis & iudicii plena, demonstrant.

280





EVANGELII APVD BELGAS  
RESTITVTI INSTAVRATORES PRÆ-  
CIPVI.





**N**VS QVAM certè nostra patrùmque memoria Satã  
 maiore nixu veritatem oppugnavit, nec fortius  
 etiam est repulsus, quàm in Belgica regione, sicut teter-  
 rorum hæreticorum, ita constantissimorum martyrũ  
 tum virorum tum fœminarum feracissima. Initium au-  
 tem putioris in illis regionibus instaurandi Christianis-  
 mi à duobus ordinis Augustiniani fratribus cœpisse cre-  
 ditur Bruxellis, HENRICO VOEZIO & IOANNE  
 ESCHIO, vtròque ibidem anno Domini 1523. crema-  
 to. Antuerpiæ verò anno consequente NICOLAUS  
 quidam, Mellsensis parochus (qui locus vno miliari ab  
 vrbe distat) apertè Christum annuntians, eoque nomi-  
 ne Antuerpiam pertractus, ibique submersus, prima il-  
 lius Ecclesiæ fundamenta sanguine suo feliciter as-  
 perfit. Eodem tempore in Hollandia IOANNES  
 PISTORIVS Wordensis, antea sacrificus, quum  
 Christum incredibili successu toto biennio annun-  
 tiaffet, Hagæ tãdè à Louaniensibus mataologis hærese-  
 os damnatus anno Domini 1525, Septembris die 15,  
 carmen illud insigne TE DEVM LAVDAMVS, quod  
 Ambrosio & Augustino tribuitur, alta voce canens,  
 succinentibus etiam illi duobus captiuis quos in carce-  
 re Christo lucrifecerat, martyrii palmam tulit. Et iam  
 quò crudelius omni pœnarum genere, tum in viros tũ  
 in fœminas, quas ex edicto solenni viuas defodiebant,  
 vndique sæuiebatur, eò copiosius sanguis martyrum  
 fœtificauerat, inter quos Duaciensis parochus qui-  
 Gg.j.

231  
dam PETRVS, & EGIDIVS TILMANVS Bruxellē  
sis magnopere memorantur, quum Tornacenses, missis  
Argentoratum nuntiis, quempiam ad se mitti postula-  
rūt, cuius consilio & autoritate apud ipsos Ecclesiā cō-  
stitueretur. Tū autem in Ecclesiā Gallicā ministerio PE-  
TRVS BRVLIVS Lotharingus, spectatā pietatis ac e-  
ruditionis homo, Iānni Caluino: primo illius pastori suc-  
cesserat, quem vt maximè idoneum, Martini Bucerī,  
& ipsius collegarum suffragiis delectum, Tornacenses,  
anno Domini 1544, mense Septembri exceperunt,  
eiusque consilio tum pastores, tum etiā presbyteros &  
Diaconos, ritē & ex diuini verbi præscripto constitue-  
runt. Hoc exemplum plerisque populis ac præsertim  
Insulanis, Valentianēsis, Duacēsis, Attrebatensibus  
sequeutis, quū eo quoque profectus Brulius feliciter om-  
nia disposuisset, ac Tornacum regressus, Antuerpien-  
ses visere ac deinceps Argentinam ad suum gregem  
redire decreuisset, comperto ipsius reditu aduersa-  
rii, clausis vrbis portis, vndique illum peruestigant.  
Fratres igitur illum haud aliter quā olim Pau-  
lum Damasceni per vrbis mœnia fune demittunt, ex  
quo dum ille sese explicare conatur, ecce lapis in-  
gens in illum decidens femur ipsi confringit: ex cu-  
ius vulneris dolore quum vociferaretur, à vigilibus  
captus, & in carcerem coniectus, verum illud Apostoli-  
cum dictum esse confirmavit, vinciri quidē seruos Dei,  
sed minimè propterea vinctum esse Dei verbum. In car-  
cere siquidem totos penē menses quatuor captiuus, non  
modò fortiter Christi veritatem aduersus mataxologos  
asseruit, verū etiam grauissimis plurimis literis tum  
Ecclesias Belgicas, tum etiam priuatim alios confir-  
mauit, donec XIX Februarii, anno Domini. CIO. IO.  
XLV, quum Calendis Nouembris anno superiore Ca-  
ptus esset, quò crudelius, lenta videlicet flamma, fuit  
vstulatus, eò certiore inuictæ constantię laudem tulit:  
Martyribus postea penē infinitis ex illius rogo exortis.







CHRISTIANISMI APVD POLO-  
NOS RESTITVTI INSTAVRATORES  
PRÆCIPVI.

Gg. iij.







## IOANNES A LASCO POLO- NVS.

**I**OANNEM à Lasco, Polonũ, nobilissima Lascorũ familia prognatum, heroica specie insitam animi generositatem præ se ferentem, multò magis pietas cū insigni zelo coniuncta nobilitauit: quem, vt Christo liberè seruiret, patria vltro relicta peregrinis variarum gentium eandem ob causam exulantibus adiunctum Germania vidit & Anglia: vnde quoque Marianis tēporibus expulsos, & per inhospitas maris insulas oberrantes illos iuuare, tum doctrina scriptis etiam testata, tum vitæ exemplo prius non destitit, quàm sedes illis aliquas nactus, & à patria paulatim resipiscēte reuocatus ad suos tandem rediret. Ibi verò paulò post, promotum quantum potuit Christianismo, vitam hanc caducam cum altera illa sempiterna commutauit, morte quuis, si atate spectes, satis matura, tamen quod ad Ecclesias attinet valde intēpestiua: sed in eo demum ipsi valde opportuna, quòd Arrianismi, Tritheismi, & aliarum plurimarũ hærescon tēpestates iam imminētes effugit. Nec tamen defuerūt qui veritatem aduersus illa teterrima monstra fortiter assererent: veluti Melius, Carolinus, Hellopæus, Thre-tius, Lasicius & alii, plenius, vt spero, à nobis aliquando commemorandi.

— The ... ..

...



RENASCENTIS IN ITALIA PV  
RIORIS CHRISTIANISMI INSTAV-  
RATORES PRÆCIPVI.


Hh. j.



# FANINVS, ITALVS, FAVEN- TINVS.

**S**ICUT olim Christus in domum vsque Neronis illius truculentissimæ belluæ, Apostolo teste, penetravit: ita nostra quoque memoria in Italiam, alterius quæ illi successit nihilominus immanis bestię sedem, imo Romam ipsam vsque illius penetrale, peruenit: inde tandem etiam eum oris sui flatu depulsum, in stagnū illud ignis & sulphurus præcipitem daturus. Præclaram autem hac in re operam nauarunt non illi tantum quos supra commemorauimus, P. Martyr, Lacisius, Tremellius, Zanchus, Martinenghus, aliique plurimi qui sponte exulantes, Rhæticas, Helueticas, Sabaudicas, Germanicas, Anglicas denique Ecclesias auxerunt, sed aliquot etiam insignes alii qui ad sanguinem vsque pro Christo constanter decertarunt. Eorum vnus ac ferè primus fuit Faninus quidam, Fauentia, vrbe ob artis figulinæ opera in Romania (quam hodie vocāt) celebri, natus: qui dum cæteri ciues terreis fingendis vasis occupantur, operi diuino in animis hominum sculpendo intētus, eoque nomine captus, postquàm vxoris & amicorum precibus eò vsque cessisset, vt veritatem ciuraret, mox facti pœnitentia ductus, non in patria modò, sed etiam vltro citroque factum suum detestatus, Euangelium quacūque potuit occasione promulgauit. Captus igitur denudò in Ferrariæ vicinia, indeque Ferrariam perductus, quum totū penè bienniū ex carcere liberrimè maximòque cū fructu veram religionem & verbis, & non paucis etiā Italicè scriptis libris esset professus, Iulio illo tertio Pontifice, hominè perditissimo, qui Paulo tertio successit, mandante, Ferrariæ tertia ante diluculum hora stragulatus, eodemque die circa meridiem crematus, martyrii palmam, quàm ipse sibi videri poterat inuidisse, recuperatam circiter annum 1552 tulit.


Hh. ij.





## POMPONIVS ALGERVS, ITA- LVS, NOLANVS.

**Q**Uæ ciuitas olim Paulinum illum inter veteres ce-  
leberrimum Episcopum habuit, eadem Pompo-  
nium Algerum ciuem, nostris temporibus, illo fortassis  
etiâ excellētiorē tulit: qui quum annum ætatis dunta-  
xat agens vicesimum quartum & in Patauina Academia  
studiorum causa versans, veram religionem priuatim  
inter nonnullos, diuinæ cuiusdam virtutis plenus, prædi-  
care cœpisset, mox ad eius vrbis gubernatorem Vene-  
rum delatus, indeque Venetias primùm, ac deinceps Ro-  
mam ipsam, postulante Paulo III. pontifice, Christo-  
que veluti per mediam Italiam suum triumphantem a-  
thletam circumvehente perductus, ita sese modestè si-  
mul ac fortiter gessit, vt nemo fortassis ex omnibus tem-  
porum nostrorum Martyribus, solidius aut neruosiùs de  
promptis tum verbo Dei, tum ex ipso, quod vocant, De-  
creto, testimoniis, pseud-Ecclesiam illam Romanam in  
aliquot capitibus conuicerit: vera religione post ver-  
ba, sanguine quoque suo, quò crudelius fuit vstulatus, eò  
gloriosius in ipsorū non tam cocco quàm Christianorū  
martyrum sanguine rubentium Cardinalium conspe-  
ctu, constantissimè anno Dominimillesimo quingente-  
simo quinquagesimo quinto sancita.







## IOANNES LVDOVICVS PASCALIS, PEDEMONTANVS.

**P**ASCALIS hic noster primis annis Sabauda suo principi Nicceꝝ militans, ibique primùm de puriore Christianismo aliquid audiēs, de cēlesti militia cogitare cœpit. Itaque quum Geneuā primùm, ac deinceps Lausanam venisset, ita vtrōbique sese tractando diuini verbi gladio, & fidei obseruandis ducibus exercuit, vt tandem etiam dignus qui ordines duceret haberetur. Rogantibus igitur Italicam Geneuensē Ecclesiam Valdensibus duorum Calabriaꝝ oppidorum, Gardiæ videlicet & S. Sexti incolis, vt idoneum ad se quempiā pastorem mitterent, delectus omnium suffragiis Pascalis, quāuis eo ipso tempore virginem sibi despōdisset, vtroque tamen Christum rebus omnibus antepōnente, rectā simul & ad Euangelium & ad martyriū contendit. Mox enim excitōrumore Geneua quendam aduenisse, à Salvatore Spinella illarum vrbium Domino cum aliis accersitus, vtrò ad eum Fiscaulam, Calabriaꝝ vicum, veniens, indeque post octo menses in carcere consumptos, Cosentiam, tertioque post mense Neapolim ac Romam tandem ipsam perductus, vix credibile est qua constantia, quamuis omni crudelitatis genere in carceribus vexatus, scriptis plurimis sanctissimisque literis, non solum modò gregem pauerit, sed etiam vxorem aliosque procul absentes amicos sit consolatus. In qua constātia perseverans, tandem anno Domini 1560, die Septēbris 10, quartōque postquā eò appulerat mense, è regione ipsius arcis quæ nūc S. Angeli vocatur, crematus, gloriosissima pro Christo morte, miseram hanc vitam cum illa beatissima commutauit.



OLYMPIA FVLVIA, MO-  
RATA, ITALIA, FER-  
RARIENSIS.



OLYMPIA FVLVIA, MORA-  
TA, ITALIA, FERRARIENSIS.

**A**BSIT à me verò, Olympia, vt te præteream, quam  
& excellens illa & supra fœminæ sexum eminens  
tum in græcis tum in latinis eruditio, siue soluta oratio-  
ne quidpiam scriberes, siue versus pangeres: & mores  
integerrimi: pietatis denique tantum studium, vt pere-  
grinum hominem Germanum, pium alioqui & planè te  
dignum coniugem, quem in eas regiones vbi CHRIS-  
TUS purius ac liberius colitur sequereris, ambientibus  
certatim Italis anteposueris, immortalitati consecrarût:  
cuius denique constantiam bellica nulla rabies, quû ca-  
pto direptoque Schuinfurto, coniugis charissimi patria,  
rebus omnibus amissis, vnicâque sub ucula tecto corpu-  
sculo, per Germaniam oberrares, ne tantillum quidem  
inflexit, quominus CHRISTO penitus adhæreres: à quo  
rursum præter omnem expectationem restitutum ma-  
ritum nacta, Heydelbergam tandem veniens, diuturno  
morbo corpusculum opprimente, cum alacritate in ve-  
rum illum Olympum, Olympia, ad quem toto vitæ cur-  
su contenderas, annum agens duntaxat XXIX, sub-  
sequuturo mox Andrea Gronthero marito, demigrafti.

1. The first part of the paper is devoted to a general discussion of the problem of the existence of solutions of the system of equations

$$\frac{dx}{dt} = f(x, y, z), \quad \frac{dy}{dt} = g(x, y, z), \quad \frac{dz}{dt} = h(x, y, z),$$

where  $f, g, h$  are continuous functions of  $x, y, z$  and satisfy certain conditions.

2. In the second part, we consider the case where the functions  $f, g, h$  are linear in  $x, y, z$ .

3. The third part is devoted to the study of the stability of the solutions of the system.


4. Finally, we consider the case where the functions  $f, g, h$  are periodic in  $t$ .

5. The paper concludes with a summary of the results obtained.



CHRISTIANISMI APVD HIS-  
PANOS RENASCENTIS INSTAVRA-  
TORES PRECIPVI.

II.ij.



ΠΟΛΥΑΝΔΡΙ-  
ΟΝ ΚΕΝΟΤΑΦΙΟΝ  
FORTISSIMIS OMNIVM  
ORDINVM, OMNISQ. ÆTATIS,  
TVM VIRIS TVM FOËMINIS,  
HISPANIS , CHRISTI  
MARTYRIBVS.



**E**T illi quidem duo à nobis commemorati extra Hi  
spaniam pro CHRISTI nomine cæsi sunt. Hi verò  
de quibus sum dicturus, velut in ipso inferorum adyto,  
népe Inquisitionis illius Hispanicæ penetrati, de Satana  
& morte gloriosissimè triumpharunt. Huius autem verè  
diuini operis quatuor præcipui administri fuerunt: Val  
dolidi quidem AVGVSTINVS CACALLA, quem in  
Germania Carolus quintus concionatorem habuerat,  
tādē anno Domini 1559 mense Maio; ibidem crema  
tus: Sybillæ verò, quam nunc Siuiliam vocant, IOAN  
NES EGIDIVS, VARQVIAS, & CONSTANTINVS  
PONTIVS, omnes ex mataëologis acerrimis constantes  
facti veritatis doctores, ac tandem etiam martyres, EGI  
DIO quidem post mortem cremato, VARQVIA in ip  
so Inquisitorū certamine mortuo, CONSTANTINO  
denique, viro trium linguarum egregiè perito, & quo  
confessore, quē vocant, diu fuerat vsus Carolus quintus,  
Siuiliæ damnato & cremato. Horum autem sanctissimū  
studium plurimū adiuuērat IOANNES PIERIVS, &  
ipse Hispanus, qui quū Geneuā venisset, vbi Hispanicā  
etiā Ecclesiā coëgit, plurimos hispanica lingua sacros li  
bros edēdos, & Siuiliā vsque transportandos curauit: ho  
mo eximiatum doctrina, tū in primis probitate insignis,

qui postea Blesis, celebri ad Ligerim ciuitate, ac demum apud Renatâ Ferrariensem Ducissam ministerio functus, Lutetiæ tandē facultatibus suis omnibus ad hispanica excudenda Biblia legatis, ex calcudo decessit. His igitur illi libris adiuti, incredibile est quantopere paucis annis Euāgelium promouerint, donec, sic statuente Domino suos probare, deprehenso, & in carceres cum iis qui supererant libris pertracto IULIANO FERDINANDO, à quo Geneua fuerat asportati, viro corpore quidem tū exiguo, vt vulgo propterea PARVVS vocaretur, sed animo verē ingenti prædito, horribilis illa tépeestas Valdolidi quidem non paucis, Siuiliæ verò circiter octingentis captis excitaretur: quorum plerique partim in carceribus mortui sunt, fidiculis omnique tormentorum genere excruciat, partim *variis* diebus publicè magno, sicut illic solent, apparatu *damnati* & cremati, nonnullis imbecillioribus exceptis, & præter bonorum amissionē, quibus boni patres illi præcipuè inhiant, graui quoque ignominia notatis. Inter martyres autē, præter illos quos commemorauimus, isti præcipuè constantia singulari Christum ad extremum vsque halitum professi celebrantur, quorum etiam nominibus, veluti pretiosissimis quibusdā gemmis, hunc libellum exornandum putauimus.

*Viri pro Christi nomine cremati in vrbe Valdolidi, Mense Maio, anno Domini 1559.*

Franciscus Biuerus, Doctōris Cacallæ frater, antea sacrificus.

Antonius Perefius, itidem antea sacrificus Valentia.

Christophorus Delcampius, Zamorencis.

Christophorus Padilla, itidem Zamorencis.



Antonius Hefuëllus, Torenfis.

Franciscus Errenius, Pegnarandensis.

*Fœmina ibidem eodem anno & die eandem ob  
causam cremata.*

Leonoræ Biueræ pientissimæ mulieris, Cacallæ &

Francisci Biuerorum matris, cadauer.

Constantia & Leonora Biueræ, eorundem sorores.

Catharina Romana.

Isabella à Strada,

Ioanna Velasqua, Pedrozenfes.

Catharina Ortegua, Valdolidensis.

*Siuiiæ verò itidem cremat ianno Domini 1559.  
die Septembris 14.*

Ioannes Poncius ex antiquissima & nobilissima comitū  
Bailensium familia.

Ioannes Confaluus, Siuiliensis concionator,

Ferdinandus Santiuanus, ludimagister.

Morzilius S. Isidori monachus.

Iulianus Ferdinandus, cognomente Paruus.

Christophorus Losadas, medicus.

Christophorus Auellamus, itidem S. Isidori monachus.

*Fœmina nobiles eodem anno & diæ cremata.*

Isabella Vaënia, cuius domus pijs omnibus patebat, id-  
circo etiam, eodem Inquisitorum decreto, fun-  
ditus euerfa.


Maria Viroëza.

Cornelia.


Maria Bohorchia.

Francisca Chaueza, ex sanctæ Habbellæ monasterio.

Et de his quidem hætenus, tantisperdum ii quibus hic  
meus libellus placuerit, meum hunc conatum adiuue-  
rint.



Kk.j.



IOANNES ENSINAS, SIVE  
DRYANDER, HI-  
SPANVS.





IOANNES ENSINAS, SIVE  
DRYANDER, HISPANVS.

**I**OANNES Dryander in ipsa vrbe Roma bestiam illam singulari magnitudine animi aliquoties in priuatis cœtibus detegere & redarguere aggressus, quū Ioannem Diasium, quē CHRISTO lucrifecerat, & fratrem Franciscum Dryandrum, à quibus in Germaniam euocabatur, inuifere statuisset, ab aliis quibusdam Hispanis proditum, pontifex ipse Cardinalibus suis stipatus quum videre & audire voluisset, sustinere diutius sanctā ipsius libertatem non potuit. Itaque ad vim conuersus innocentissimum hominem cremandum anno Domini 1545. curauit, paulò ante videlicet quàm Alphonsus Diasius adiucto ipsi carnifice, ad fratrem Ioannem Diasium interficiendū Roma in Germaniam ablegaretur. At tu Domine vsquequo?

## IOANNES DIASIVS.






## IOANNES DIASIVS. HISPANVS, CRVENTINVS.

**H**ic ille est Ioannes Diasius Cruentia: regni Tole-  
tani ciuitate natus, qui à Ioanne Dryandro co-  
gnitione CHRISTI imbutus, & Geneuæ confirmatus,  
quum Argentinæ substitisset, ita sese gessit vt eū quan-  
uis exterum, & quidem Hispanum, nihilominus Argen-  
tinenfis respublica Martino Bucero ad comitia Rati-  
sponæ, religionis cōponendæ causa, anno Domini 1546  
incunte, indicta, legato adiungeret: vnde quum Neubur-  
gum superioris palatinatus vrbem, ad Danubium, venis-  
set, procurante Petro Maluenda pontificiarum partium  
acerrimo simul & crudelissimo propugnatore, carnificis  
ab Alfonso Diasio Ioannis fratre, Romanæ curiæ aduo-  
cato, & ad hoc ipsum teterrimum facinus comparato,  
Neuburgum perducti manu, impacta in seminudi & ex  
lectulo ad salutandum fratrem prodeuntis caput, secu-  
ri prostratus, Abelis à Caino interfecti exemplum reno-  
uauit: tam immani scelere, quanuis Augustæ Vindelico-  
rum captis homicidis, non modò non vindicato, sed e-  
tiam Romæ digno cui gratia referretur habito, vt quo  
spiritu ducantur Romani pontifices, amplius ambigi  
non possit.


## EMBLEMA I.



*Principium in tereti quæris quicunque figura ,*  
*Principium inuenies hîc ubi finis erit.*  
*Sic Christum vero quisquis reuereris amore,*  
*Quæ vitam hora tibi finiet, incipiet.*




## EMBLEMA II.



Cernis ut hæc medium cingat teres undique punctum  
 Linea, & hinc spatium distet & inde pari?  
 Scilicet illa refert quod nos tegit undique calum,  
 Tellurem hoc punctum quod tenet ima notat.  
 Cur igitur doleas, quorsum dic, quæso, labores,  
 Tu patria pepulit quem pietatis amor?  
 Calum si versus tendis, quocunque recedes,  
 Hinc spatium calum cernis & inde pari.

EMBLEMA III.




*Stare cubum in tereti cernis quicunque figura,  
Hinc vitæ verum discito cautus iter.  
Mores illa docet teretes, hic figere iussa  
Te iubet immotos in statione gradus.*

264  
EMBLEMA III.



*Aurea mendaci vates non unicus ore  
Vellera phrixæ commemoravit ovis.  
Nos te, Christe, agnum canimus. Nam diuite gestas  
Tu verè veras vellere solus opes.*

EMBLEMA V.



*Scilicet incudem insanit qui frangere duri  
Conerurictu mallei.  
Et non insanit Christo qui perdere sacra  
Se posse speret agmina ?*

267  
EMBLEMA VI.



*Phenicemo, si vera ferunt, mors ipsa refingit,  
Huic sit ut unus aui vitaque morsque rokus.  
Ite ô carnifices, Sanctorum sancta cremate  
Corpora. quos vultus perdere flamma parit.*

268  
EMBLEMA VII.




*Nil spectasse dapes, nil deglutisse inuabit,  
 Hac nisi ventriculi cuncta calore coquas.  
 Sic cæcus spectasse pios, diuinaque verba  
 Audisse attenta nil licet aure inuat,  
 Hæc nisi percipiatque fides, imòque reposta  
 Pectore, diuino freta calore coquat.*

## EMBLEMA VIII.



*Cernis ut in calum fuerat quæ machina torta,  
 Fit iaculatori mors properata suo?  
 In sanctos quicumque Dei ruis impie, servos,  
 Conatus merces hæc manet una tuos.*

## EMBLEMA IX.



*Pinge globum tenui quem libratum undique filo  
 Sustineat summi numinis alta manus,  
 Talis es vrbs Christi de nomine dicta beato,  
 Qua nil firminus est, mobiliusque nihil.*



## EMBLEMA X.



*Qualis eques rapido nemorosa per auia cursu  
 Corruit, effreni præcipitatus equo,  
 Corpore tu quemcunque Deus vel mente beaur,  
 Talis es, ipsius te nisi frena regant.*

## EMBLEMA XI.



*Quidquid edis quodcunque bibis, moriatur oportet,  
 Ut inde vita suppetat:  
 Et nos à Christi quòd vitam morte petamus,  
 Philosophe rides impie?*

## EMBLEMA XII.



*Ceu rutilus idem qui disilit ignibus ather,  
 Fœcundas grauido pectore fundit aquas,  
 Vita fide sic Christus erit tibi vina receptus,  
 Spretus at hic idem mors tibi Christus erit.*

## EMBLEMA XIII.



*Soluantur compacta licet bene dolia, firmis*  
*Constricta ni sint circulis.*  
*Sic legum pœnis quæ non firmata tenetur,*  
*Corruat oportet ciuitas.*

EMBLEMA XIII.




*Seſtantes velut umbra fugit, fugientibus inſtat,  
Addita corporibus ſcilicet umbra comes,  
Sic fugit immerita captantes præmia laudis,  
Demiffis contra gloria iuncta comes.  
Et tamen haud falſo trutinata examine, quidnam  
Laus hæc omnis erit? ſcilicet umbra levis.*

## EMBLEMA XV.



*Iniuste partis opibus si fortè beatos*  
*Putas auaros falleris.*  
*Epotis auidè lymphis quis posse beari*  
*Hydropicos existimet?*

# EMBLEMA XVI.



*Libera cen volucris , cauea mox carcere clausa,  
 Libera con fracto. carcere rursus abit:  
 Liber homo natus, mortis dein clausus in antro,  
 Rursus abit Christo liber ad astra duce.*

## EMBLEMA XVII.



*Tota viden' ventis expandens vela secundis,  
 Ut perit optato littore mersa ratis?  
 Hæc tu mente notes cui fors aspirat amica,  
 Hæc eadem ne te que vehit unda ruat.*



## EMBLEMA XVIII.



*Obiectis ventos foribus, clausisque fenestris,  
 Estque etiam tota mos prohibere domo.  
 Ast aures, oculique, hæ sunt vtrinque decebat  
 Quas Satana clausas opposuisse fores.*

## EMBLEMA XIX.



*Adstricti glacie niti qui fluminis audet,  
 Haud raro glacie dissiliente perit.  
 Hoc sapere exemplo istius quos commoda vitæ  
 Innumeris fallunt lubrica cuncta modis.*

## EMBLEMA XX.



Quod duro lima est ferro, mæssique flagellum,  
 Auro quod ignis estrudi,  
 Hoc tibi, si sapias, crux est, licet aspera: quisquis  
 Cælum Deo petis duce.

## EMBLEMA XXI.



*Qualis quæ fuluo circumdata cernitur auro*  
*Gemma nitens ,radio splendidiore micat :*  
*Talis formoso splendens in corpore virtus ,*  
*Nescio quod prodit conspicienda decus.*

## EMBLEMA XXII.



*Luna velut toto collustrans lumine terras,  
 Frustra allatrantes despicit alta canes :  
 Sic quisquis Christum allatrat Christive ministros,  
 Index stultitiæ spernitur usque suæ.*

## EMBLEMA XXIII.



Quis sapere hunc credat sese qui posse vetandis  
 Ventorum credat flatibus esse parem?  
 Stultior at quanto est sese qui posse loquentis  
 Obstruere insanus numinis ora putet?

## EMBLEMA XXIIII.



*Tranquilli immotique prius velut æquoris undas  
 Unica ventorum vis agitata ciet,  
 Sic mundum meretrix Romana. Hanc tollite, Reges,  
 Pacatus subito (credite) mundus erit.*

## EMBLEMA XXV.



*Cæsareos cineres quæ moles clauferat olim ,  
 Arx est Romano nunc sacra Pontifici .  
 Quàm benè qui mortis nunc est mortalibus auctor ,  
 Morti sacratas obtinet iste domos .*



## EMBLEMA XXVI.



*Cernis ut hic cælum fœdo qui conspuit ore,  
 Non cælum, immo suos conspuit ipse sinus?  
 Et tu cælorum Domini contemptor, in illum  
 Non quot verba iacis, tot tibi probra vomis?*

## EMBLEMA XXVII.



*Ludicra ridemus fabricantes tecta puellos,  
 Sen stipulis fartum si meditantur opus:  
 Quid melius plerique agitis, vanissima vite  
 Quos huius miseros noxia cura premit?*

## EMBLEMA XXVIII.



*Hi colubris colubri, cristas tollente Ceraſte,  
 Conferti pariter, ſinuofa volumina quorum  
 Dextra ſecat, gladium cæli quæ librat ab arce,  
 Quos ſignent rogitas? ſatis & re & nomine notos,  
 Quos Satan, armauit iuſti quem numinis ira  
 Terrarum exitio, funeſto exciuit ab orco.  
 Aſt hominum tandem ſortem miſeratus acerbam  
 Exerto verbi Chriſtus nunc diſſecat enſe.*

## EMBLEMA XXIX.



*Adde alas: aures, & caudam, & cornua ceruo*  
*Tollito: depictum sic tibi tempus erit.*  
*Tempore nanque nihil currit velocius vno,*  
*Nec semel elapsum quo reuocetur habet.*

EMBLEMA XXX.



*Æra graui cunctos veluti campana sonore,  
 Ipsa licet penitus sint sibi surda, ciet:  
 Sic es recta docens alios, peruersa sequute,  
 Quique alius sapiens, non sapit ipse tibi.*

## EMBLEMA XXXI.



*Ceu vacuum facilis vas est implere laboris,  
 Quod mero est plenum velle replere furor:  
 Sic cuius diuina animum sapientia cœpit,  
 Et vitæ inuasit quem melioris amor.  
 Aut vacuum humanis, homo, mentem sensibus adfer:  
 Stultitiæ plenus vel remaneto tuæ.*

EMBLEMA XXXII.



*Viperei exedunt ceu matris viscera fœtus,*  
*Sic quos ipsa suo fouit alumna sinu,*  
*Roditur heu! nimium sanctorum Ecclesia multis,*  
*At non euentu nec ratione pari.*  
*Vipera nam salua infelix prole interit, illis*  
*Hæc contra extinctis non peritura manet.*

## EMBLEMA XXXIII.



*Incauto quicumque rosas collegerit vngue,  
 Vix vnquam illaso legerit vngue rosas:  
 Hoc sapite exemplo locupletes, plurima nanque  
 Hisce latent vestris spicula mixta rosis.*



## EMBLEMA XXXIIII.



*Stercora quod porcis, asinis quod carduus, hoc est  
Barbaries nostris asinis porcisque Magistris.*

## EMBLEMA XXXV.



*En Satan accensis hinc inde ut torribus vrgens.,*  
*Sic tandem absumi spumantem hunc stultus ahenum*  
*Posse putat, lapsus complet quem cælitus humor.*  
*Sic liceat nobis sanctorum effingere sortem,*  
*Quos Satanas variis hinc inde laboribus instans*  
*Exercet, frustra seseque suosque fatigans.*  
*Ecquis enim tutus nisi quos fidusque potensque*  
*Tutatur cæli Christus qui confidet arce?*  
*Perge Satan. Nam quo torres ardentius omnes*  
*Accendes, tanto mage despumaris ahenum,*  
*Purior ut tandem fundo esca appareat imo.*

## EMBLEMA XXXVI.



*Niliacus qualis serpens fugientibus instat,  
 Instantes fugiens quanlibet ante ferox:  
 Sic vetus ille draco, sæuus mortalibus hostis,  
 Te reprimente fugit, te fugiente premit.*

EMBLEMA XXXVII.



*Nil mirum est statuas vos commendare libenter,  
Ipsi quum sitis, Pontifices, statuæ.*

EMBLEMA XXXVIII.




*Belidas fingunt pertusa in dolia vates*  
*Mox effundendas fundere semper aquas.*  
*Nomine mutato, narratur fabula de te,*  
*Ebrie, quæ meas qui sine fine bibis.*  
*Quin etiam hoc in te quadrat turba ebria, quod sint*  
*Corpora quæ fuerant, dolia facta tibi.*

## EMBLEMA XXXIX.




Quenam sic lacero vestita incedis amictu?  
 Religio, summi vera Patris soboles.  
 Cur vestis tam vilis? opes contemno caducas.  
 Quis liber hic? Patris lex veneranda mei.  
 Cur nudum pectus? decet hoc candoris amictum.  
 Cur innixa cruci? Crux mihi sola quies.  
 Cur alata? homines doceo super astra volare.  
 Cur radians? mentis discutio tenebras.  
 Quid docet hoc frenum? mentis cohibere furores.  
 Cur tibi mors premitur? mors quia mortis ego.

EMBLEMA XL.



*Fraternis luna ut radiis aduersa refulgens,  
Pleno coruscat lumine.  
Sic Christi oppositos spectans Ecclesia vultus,  
Splendore lucet integro.*


302  
EMBLEMA XLI.



*Lunam interveniens ceu teræ corpus opacum  
Aëra inficit caligine.  
Sic interveniens hominum sapientia, purum  
Ecclesiæ infuscat inbar.*



## EMBLEMA XLII.



*Luna velut fratri propius coniuncta, perisse  
 Stultis videtur funditus,  
 Quæ tamen ad moti spectat quæ lumina Solis,  
 Longè resulget clarior.  
 Sic perisse pii vulgo qui morte videntur,  
 Absit perisse dixerim,  
 Ipso qui potius Christo propiore potiti,  
 Quod quaesierunt obtinent.*

302  
EMBLEMA XLIII.



*Insanum hunc quicumque vides seseque suosque  
Rate perforata mergere,  
Ah, quàm vera vides! nam quod pictū aspicias, horum  
Vita est imago temporum.*

EMBLEMA XLIIII.



Vidi ego carnificis metuentem verbera scui,  
 Qui medias sese Ligeris proiecit in undas,  
 Et quanuis sudore madens, expersque natandi  
 Fluminis euasit pede calcans ima profundi,  
 Quem mox non vna pœnas pro cæde luentem  
 Vidimus impositum torreriviscera flammis.  
 Hæc age dispicito rectæ qui tramite vitæ  
 Deserto, magis atque magis periturus oberras:  
 Nam quò tardior est, grauior fit numinis ira.





# NOMINA VIRORVM ET FOEMINARVM ILLVSTRIVM, QVO- RVM MEMORIA IN HOC LIBELLO CELEBRATVR.

## A

**A**DAMVS Vallacus, Sco-  
tus, Ff ij.

Adolphus Clarebachius, Ger-  
manus, L iij.

Alexander Alesius, Scotus, Ff  
iij.

Alexander Canus, Gallus, Aa  
ij.

Ambrosius Blaumerus, Germa-  
nus, N iij.

Andreas Gerardus, Hyperius,  
Belga, I j.

Annas Burgius, Gallus, Bb ij.

Augustinus Marloratus, Lotha-  
ringus, Bb iij.

## B.

Beatus Rhenanus, Germanus,  
R j.

Bertholdus Hallerus, Heluetius,  
M iij.

## C.

Caspar Cruciger, Germanus, E  
iij.

Caspar Hedio, Germanus, G iij.

Clemens Marotus, Gallus, Y iij.

Conradus Gesnerus, Heluetius,  
R j.

Conradus Pellicanus, Germanus,  
P j.

## E.

Erasmus Roterodamus, Belga,  
C iij.

## F.

Faninus, Italus, Hh ij.

Franciscus primus, Gallorū Rex,  
Gallus T ij.

Franciscus Kolbius, Germanus,  
M iij.

Frāciscus Vatablus, Gallus, V j.

## G

Georgius Anhaltinus, Ascaniæ  
Princeps, Germanus, D iij.

Georgius Carpenterius, Germa-  
nus, L ij.

Gulielmus Budæus, Gallus, T  
iij.

Gulielmus Farellus, Gallus, S j.

## H

Henricus Bullingerus, Hel-  
Qq. ij

# INDEX.

netius, N iij.  
*Henricus Zuphaniensis, Germanus, K ij.*  
*Hermanus Archiepiscopus Coloniensis, Germanus, H iij.*  
*Hieronymus Pragensis, Bohemus, A iij*  
*Hieronymus Sauonarola, Italus, B iij.*  
*Hugo Latimerus, Anglus, Dd iij.*

## I.

*Iacobus Faber, Gallus, X j.*  
*Iacobus Meierus, Heluetius, N ij.*  
*Iacobus Pauanas, Gallus, Z iij.*  
*Iacobus Sturmius, Germanus, F. ij.*  
*Iacobus Tuffanus, Gallus, V ij.*  
*Ioachimus Camerarius, Germanus, F j.*  
*Ioachimus Vadianus, Heluetius, Q ij.*  
*Ioannes Cadurcus, Gallus, Aa j.*  
*Ioannes Caluinus, Gallus, R ij.*  
*Ioannes Clericus, Gallus, Z ij.*  
*Ioannes Cnoxus, Scotus, Ee ij.*  
*Ioannes Diasius, Hispanus, Klz iij.*  
*Ioannes Ensinas, Hispanus, Klz j.*  
*Ioannes Forsterus, Germanus, E ij.*  
*Ioannes Frobenius, Germanus,*

## S iij.

*Ioannes Hopperas, Anglus, Ee j.*  
*Ioannes Hussus, Bohemus, A iij.*  
*Ioannes Lascus, Polonus, Gg iij.*  
*Ioannes Masso, Gallus, Aa ij.*  
*Ioannes Mercerus, Gallus, T j.*  
*Ioannes OEcolumpadius, Germanus, M j.*  
*Ioannes Pascalis, Italus, Hh iij.*  
*Ioannes Pomeranus, Germanus, E j.*  
*Ioannes Reuchlinus, Germanus, C ij.*  
*Ioannes Sleidanus, Belga, I ij.*  
*Ioannes Wiclefus, Anglus, A ij.*  
*Iofias Simlerus, Heluetius, P iij.*  
*Iulius Cæsar Scaliger, Italus, X j.*  
*Iustus Ionas, Germanus, E ij.*

## L.

*Leo Iudæ, Heluetius, O ij.*  
*Leonardus Cæsar, Germanus, L j.*  
*Ludovicus Berquinus, Belga, Z iij.*

## M.

*Margareta Valesia, Nauarro- rum Regina, Galla, T ij.*  
*Martinus Bucerus, Germanus, G j.*  
*Martinus Luterus, Germanus, C iij.*  
*Martyres Galli in America, Aa iij.*

# INDEX.

- Aa* iij.  
*Martyres Angli insignes, Cc*  
*iiij.*  
*Martyres primi Belgæ, Gg j.*  
*Martyres primi Hispani, Ii iij.*  
*Martyres insignes, Valdenses,*  
*Cc. j.*  
*Matthias Pfarrerus, Germanus,*  
*X ij.*  
*Matthias Zellius, Germanus,*  
*F. iij.*  
*Melior Volmarius, Germanus,*  
*X ij.*  
*Michael Hospitalius, Gallus,*  
*V iij.*  
*N.*  
*Nicolaus Ridleyus, Anglus, Dd*  
*iiij.*  
*O.*  
*Olympia Morata, Itala, Ii j.*  
*P.*  
*Patricius Hamelto, Scotus Ff. j.*  
*Paulus Fagius, Germanus, G iij.*  
*Petrus Buserus, Germanus, F iij.*  
*Petrus Cholinus, Heluetius, X*  
*ij.*  
*Petrus Flistedius, Germanus, L*  
*ij.*  
*Petrus Martyr, Italus, P ij.*  
*Petrus Viretus, Sabaudus, S ij.*  
*Philippus Melanchthon, Germa*  
*nus, D ij.*  
*Pomponius Algerus, Italus, Hh*  
*iiij.*  
*R.*  
*Robertus Ferronus, Anglus, Ee j.*  
*Robertus Stephanus, Gallus, F ij.*  
*S.*  
*Sebastianus Munsterus, Germa*  
*nus, X iij.*  
*Simon Gryneus, Germanus, O iij.*  
*T.*  
*Thomas Blaureus, Germanus,*  
*Q. iij.*  
*Thomas Crammerus, Anglus,*  
*Dd ij.*  
*V.*  
*Vlrichus Huttenus, Germanus,*  
*I iij.*  
*Vlrichus Zuinglius, Heluetius,*  
*M. j.*  
*Volfgangus Capito, Germanus,*  
*H j.*  
*Volfgangus Musculus, Lotha*  
*ringus, V ij.*  
*Volfgangus Schucus, Germanus,*  
*K iij.*

*Errata typographica sic emendato.*

- A ij, lin. extremo lege, c 13. 13. xxvii  
A. iij, lin. 3. lege, anferis (hoc enim, &c.  
B. iij, lin. 8. lege, quanta n hauc  
C. iij, in Greco epigrammate lege  
*Απερσῖος & λογῖα πρὸς ἄλλους.*  
D. iij, lin. 18. leg. ei debemus. Singu-  
lare  
E. iij, lin. 6. lege, diuinitus adiunctum,  
G. iij, lin. 26. lege, 1550  
I. iij, lin. 18. lege, per scripta,  
L. ij, lin. 8. lege, eiuraret  
N. iij, lin. 8. lege, post felicissimè  
P. ij, altera pagina, li. 27. lege, superstes  
Q. ij, lin. 11. dele, sibi  
S. iij, lin. 7. lege, reuocatos debemus  
X. ij, lin. vltima, lege, quam Iſnam  
Aa. iij, lin. 15. lege, viginti tribus  
Bb. ij, lin. 22. dele quidem  
Cc. ij, lin. 5. lege, Sic igitur  
Eo. iij, altera pag. lin. 24. lege, obtinuit  
quod & lin. 25. lege, ( id est si, & Ec-  
clesiastica, & lin. 26. lege, sublata ) &  
lin. 27. lege, esset,  
Ee. iij, lin. 6. lege, stabilierit  
Ii. iij, lin. 1. lege, Illi quidem, & altera  
pagina, lin. 4. lege, calculo ; & lin. 8.  
lege, tam Ii. iij, lin. 19. lege, cogno-  
mento  
Ll. ij, versu 1. lege, Phœnicem, Ll. iij,  
versu 5. lege, Hæc  
Oo ij, altera pagina, versu 2. lege  
Quodque  
Oo iij, l. 2. lege spumans hoc stultus  
Pp iij, altera pagina, versu, 1, lege,  
terra







trier

